

U LINGEDZA U ITELÀ

MUDZIMU TSHUMELO ZWI

SI LUFUNO LWA MUDZIMU

 Vharathu vha vhashumeli, na inwi dzikhonani nn̄da afho, ndi ri ndi tshilidzi u vha fhano ano matsheloni. Mat̄hōmele o raloh̄o sa ayo, ndi ngani, a thi ðivhi uri ndi khou ya u tshila hani u swikelela izwo.

² Fhedzi ndo sokou dzula heneffo ndi tshi khou amba, Mukomana Nolan, a thi tendi uri ndo no vhuya nda þangana na muthu zwavhukuma-kuma (Roþhe ro vhumbwa nga kuvhumbele kwo fhamanaho, fhedzi nga Mudzimu muthihī.) sa Mukomana Jack Moore, um-hum, zwo luga, o tou vha o raloh̄o... Mukomana Nolan a tshi khou sokou ri, "U bva tshe nda vha fhano nae..." (hoyo ndi mukwasha wawe), na uri o guda hani u mu funa na u thonifha vhuþali hawē na zwiñwe. Huno izwo, ndi nga ri "amen" kha izwo. Zwithu zwinzhi zwa vhuði... zwigifinga zwe ra vha nazwo rothe, ene na nñe, na Mukomana Brown, Mukomana Boutliere hafha. Vhanna who lugaho vha Mudzimu vhane nda vha funa zwavhukuma nga mbilu yøþe.

³ Huno zwenezwo ndi—ndi a vhona uri roþe a ri khou þukufhala, zwo luga, ndi tou elekanya nga tshifhinga zwino tsho ri lavhelesaho musi ri tshi shanduka u bva miñwaha ya fumbili yo fhiraho u mona na masoga, na zwiñwe sa vhanna vhaþuku. Fhedzi u tou ðivha uri hu na Shango hune a ri nga aluwi. Ri ðo þangana heneffo linwe ðuvha.

⁴ Vhusiku ho fhiraho musi ndi tshi khou tutshela theberenakele, ho vha hu na mufumakadzi muþuku o edela fhasi murahu afho kha mmbete, huno a ri, "Mukomana Branham, miñwaha yo fhiraho..." ndi a kholwa o vha o oma mirado. A ri, "Wo mmbudza..." ndo hangwa zwe musadzi a vha a tshi khou sumbedza zwone zwino, tshiñwe tshithu tshi nga ho izwi, ndi a fulufhela a thi zwi ambi nga nðila i si yone. A ri, "Uri heli thupho line nda ðo vha nalo li ðo vha la ndivho," kana tshiñwe tshithu, uri a vhe na lushie. Huno o vha a sa koni u pñsesa uri izwo zwi ðo itea hani nahone ene kha iyo nyimele.

⁵ Heneffo ho ima muþuku, munna muþuku a vhonalah̄o sa nzchinga, a ri, "Ndi lushie lune a vha nalwo." A ri, "Ndi lushie lune a vha nalwo."

⁶ Huno zwithu zwinzhi zwo itea nðilani, a ri na tshifhinga hafha tsha u zwi amba. Ri ðo ralo ngei seli.

⁷ Huno hetshi tshigwada tsha Vhanna vha Vhubindudzi, a thi weli kha tshiimiswa na tshithihi, ndi a kholwa sa musi ni tshi zwi *divha nothe*, fhedzi ndi... Hetshi ndi tshone tshigwada tshi tsho^{the} tshire ndo *tumana natsho*, ndi hwala gara^{ta} ya vhuledzani, ndi... Vha tou vha *thanganyelano* ya dinomineisheni, vha tou vha vhoramabindu fhedzi. Vho vha wa ndemesa kha nne na lushaka lwa vhushumeli he Murena Khotsi ashu a nnea hone. Zwi tou vha... ho vha hu si uri a thi takaleli tshiimiswa; hu tou vha vhushumeli he nda newa hone, nahone arali nda sa fulufhedzea kha heyo mbidzo, zwenezwo ndi do vha muthu a sa fulufhedzei kha Mudzimu.

⁸ Huno, ndi khou elekanya, phanda ha musi ndi tshi tutshela Tucson, kha^{nwe} vhanzhi vha vhoiwi no vha ni heneffo, linwe duvha ndo vha ndi heneffo, Los Angeles ndi tshi khou amba na tshigwada. Huno ho vha hu na... ndo sokou hariga tshiimiswa kha^{nwe} zwi^{lukunyana}—zwi kondaho zwi^{lukunyana}. Ndo—ndo vha ndi sa *łodi* u vha nga iyo ndila. Arali ni tshi amba izwo u itela u kondisa, zwenezwo ndi do vha mudziatshimbevha. A ni tei u ita izwo, hai, hezwo zwi bva kha mu^{nwe} muthu. Fhedzi ndo amba nga muri we nda u vhona dzhara^{tan}i ya Mukomana Sharrit. Wo vha u na mitshelo i yelaho kha mi^{tan}u yo fhambanaho. Huno nda ri, “A thi athu u vhuya nda vhona muri u nga ho uyo vhutshiloni hanga.” Wo vha u... u na ndirivhe, wo vha u na makara, wo vha u na tangerini, tangelo, maswiri, zwothe zwi tshi khou aluwa kha muri muthihi. “Zwo luga,” nda ri, “A—a thi pfesesi izwo. U tou vha muri-de?”

“Ndi muswiri.”

Nda ri, “Zwo luga, idzo ndirivhe?”

A ri, “Ee.”

Nda—nda ri, “Zwo ralo hani?”

A ri, “Hezwo zwo enndiwa.”

Nda ri, “Oo, ndi a vhona.”

⁹ A ri, “Zwo^{the} ndi lushaka lwa mitshel ya maswiri, nahone muri mu^{nwe} na mu^{nwe} une wa vha wa lushaka lwa mitshelo ya maswiri u vha... u nga enndiwa.”

¹⁰ Nda ri, “Ndi a pfesesa.” Zwenezwo nda thoma u huwelelanyana, ni a *divha*, ngauri ndi na mazhuluzhulu na u vha wa zwipfi.

¹¹ Ngauralo, a ri, “Thaidzo ndi mini?”

¹² Huno nda ri, “Zwo luga, ndo vha ndi tshi khou tou elekanya nga ha tshi^{nwe} tshithu.” Huno nda ri, “Zwino ndi khou *łoda* u ni vhudzisa mbudziso.” Nda ri, “Zwino, nwaha u daho musi u fhufhuma hu tshi swika, a hu nga vhi na maswiri, tangelo, ndirivhe, makara; hu do vha hu na maswiri o^{the} ngauri ndi muswiri, naa a zwi nga ralo?”

¹³ A ri, "Hai, hai. Hai, tavhi linwe na linwe li aŋwa zwalo."

¹⁴ Nda ri, "Ndi a vhona."

¹⁵ Ngauralo hezwo zwe vha zwi kha di pfala zwi zwavhuđi, ngauri ndi...ni a divha uri ndo...ngauri ndo wana digirii ngei Hartford na kha hedzi dzinwe univesithi dzothe, ni a divha. Ngauralo—ngauralo ndi...lavhelesani *mupo*, heyo ndi yone univesithi ya khwine ye nda i wana, univesithi ya Musiki. Ngauralo arali nda lavhelesa iyo, ndi wana milaedza yanga u bva kha ndila ine nda vhona mupo u tshi ita.

¹⁶ Huno nda ri, "Zwo luga, hezwo zwi tou nnyita uri ndi dipfe ndi wavhuđi."

¹⁷ A ri, "Thaidzo ndi mini?"

¹⁸ Nda ri, "Ndo tou humbula tshiñwe tshithu."

¹⁹ Ngauralo, ilo quvha, ndo vha ndi tshi khou rera nga izwo. Huno nda ri, "Zwino, ni a vhona, musi tshivhidzo tshi tshi thoma, tsho vha tshi... Yesu o ri..." ndo vha ndi tshi khou rera Yohane 15. "Ndi nne Mučokola, vhoinwi ni matavhi. Huno tavhi linwe na linwe li sa aŋwi mutshelo li do tumulwa, la fhiswa."

²⁰ Huno muňwe muthu a sokou imisa mutsinga wanga nga maanda kha izwo, a ri, "U a vhona, ndi elekanya uri arali wo vhuya wa dadzwa nga Muya Mukhethwa nahone wa tshidzwa, wo ri, 'vha nga si bve khazwo.'"

²¹ "Izwo ndi zwone."

²² A ri, "Mini-ha nga *izwo*?"

²³ Nda ri, "Zwino u khou amba nga theroy fhambanaho. U khou amba nga ha u aŋwa mutshelo hafho, hu si Mučokola; U khou amba nga ha u aŋwa mutshelo, huno hu si Vhutshilo. A ri, 'Zwo luga, itau tumula murahu muri u kone u mela, u aŋwe mutshelo.'"

²⁴ A ri...

²⁵ Huno nda ri, "Zwino, ni a vhona, hoyu muri, musi u tshi thoma, wo vha u wa vhukuma, Vhakriste vha Bivhili. Zwenezwo ha bvelela Vhalućere, Methodisi, Baphuthisi, Phuresibatheriene: makara na zwiñwe-zwinzhi." Huno nda ri, "U a vhona, i aluwa kha dzina la Tshikriste, fhedzi zwi... I khou tshila u bva kha uyo Muri, fhedzi i khou aŋwa lushaka lwayo lwa dinomineisheni. Ni a vhona? Fhedzi," nda ri, "arali hoyo muswiri wa vhuya wa bveledza davhi wone uňe, u do aŋwa maswiri sa zwe wa ita u rangani."

²⁶ Zwa itea ha vha hu na onoyo, o dzulaho henefho ntha, thoho ya tshihulu...muňwe wo vha zwiimiswa zwihiulwanesa zwa Pentekostała. A thi divhi uri ndi zwi itise hani uri muňwe na muňwe a zwi pfesesē uri a si muhumbulo wanga uri—uri ndi vhe—ndi vhe a lwalo na avho vharathu, dzikhaladzi; hezwo zwe khakhea. A thi pfeseswi, nahone a thi divhi uri ngani. Ni a vhona?

Vhathu vha elekanya uri a thi vhuyi nda tenda kha vhathu vha tshi ya tshivhidzoni. Hedzo ndi dzimaela dza miljioni u bva kha Ngoho. “Ri tea u kuvhangana rothe, vhunzhi ha zwezwo musi ri tshi vhona duvha li tshi khou swika.” Ni a vhona? Ri tea u kuvhangana kha vhuthihi. Zwi nga itea ri si ralo... .

²⁷ Arali ndo tshila doroboni nahone vha si na tshithu heneffo fhedzi yone... zwo luga, tshinwe tshivhidzo (a thi ṭodi u vhidzelela dzina na lithihi), fhedzi tshivhidzo tshinwe na tshinwe, arali vho tenda tshithu tshithihi fhedzi, uri Yesu o vha a Mukhethwa, zwinwe zwothe zwo vha zwo khakhea, ndo vha ndi tshi do ya kha tshetsho tshivhidzo. Arali ndi sa koni u wana lofo yothe ya vhurotho, ndi—ndi do dzhia zwilai. Ni a vhona? Ndi nga ya nda thetselese, nda losha Murena, nahone nda Mu sumbedza uri ndi khou ita tshipida tshanga. Ndi khou Mu ṭoda a tshi zwi diwha uri ndi khou tshila. Ndi—ndi... ndi khou ṭoda muñwe na muñwe a tshi diwha uri ndi nga sia lifhio. Ndi kuvhangana na Vhakriste, huno heneffo nda losha nahone—nahone nda shumela Murena.

²⁸ Fhedzi zwi a kondä nga maanda, ndi... zwo vha zwi tshi dzulela u nthithisa lwo kalulaho, huno zwenezwo nda wanulusa uri na Murena washu o vha a sa pfecteswi kha zwithu zwinzhi. U do amba tshinwe na tshinwe, huno vha do... ha nga pfecteswi. Ndi a kholwa zwi khou tou tea u vha nga yeneyo ndila. Fhedzi havho vho ṭalifhaho vha do pfectesa. Ni a vhona? Bivhili yo ralo. Vha do Zwi gavha.

²⁹ Ngauralo ano matsheloni musi ndi tshi khou amba izwi... Huno nda ri, “Zwino, vha—vha tshila u bva kha dzina la Tshikriste, fhedzi vha anwa lushaka lwo khakheaho lwa mutshelo. Tshi na mutshelo wa dinomineisheni. Vha vheya tshithu, huno vha khou tshila zwi tshi bva khazwo, nahone vha khou tshila u bva kha ho no ho Vhutshilo.”

³⁰ Ndi zwone zwe nda vha ndi tshi khou lingedza u amba vhusiku ho fhiraho, hoyo muya u nga lovhedzwa kha Muya huno wa di vha u si Mukriste. Ni a vhona? Ni khou tshila u bva kha Vhutshilo vhu fanaho, fhedzi mitshelo ine na anwa i amba zwine na vha zwone. Ni a vhona? Izwo ndi zwone. Ni a vhona? Vha nga ita hezwi zwiga zwothe, na u rabelela vhalwadze, na u fhodza vhalwadze, na u bonyolosa maṭo, na u pandela vhodiabolo, na—na u ita hezwi zwithu zwothe, vha tshi khou tshila u bva kha Vhutshilo vhu fanaho ngomu afho, fhedzi tshi kha di vha tshikara. Ni a vhona? Izwo ndi zwone. “Mitshelo, ni dihvwa ngayo,” Yesu o ralo. Huno zwenezwo ri wanulusa... .

³¹ Huno musi ndi tshi bva kha pulatifomo, hoyu murangaphanda muhulwane a takuwa, a ri, “O vha a sa khou amba hezwo.” A ri, “Ri a zwi diwha uri rothe ro enndelwa ngomu.” Zwo luga, heyo ndi ngoho urī ro enndelwa, u enndelwa ha tsinde, izwo

ndi zwone; fhedzi hu si kha Muṭokola, u enndelwa. Ngauralo a ri... a thoma u nga u a—u nga u ambela murahu zwiṭukunyana.

³² Huno ho vha hu na muñwe muṭuku heneffo, ndi elekanya uri ndi vhanwe vhathu vha vhaḍivhalea vha litangwa. Dzina lawe ndi Danny Henry, nahone o vha a mutukana wa Baphuthisi. Zwo luga, o da kha pulatifomo u nkuvhatedza, huno a ri, “Mukomana Branham, ndi a fulufhela a zwi pfali sa zwivhi, fhedzi,” a ri, “Ndi a tenda uri zwi nga vha zwi kha ndima ya 23 ya Nzumbululo.”

³³ Huno nda ri, “Ndi a livhuwa.”

³⁴ Huno a thoma u amba zwiñwe zwithu-vho nahone a thoma u amba nga dzindimi, mutukana wa Mubaphuthisi. Huno musi a tshi ralo, ho vha hu na ene—ene musadzi a bvaho Louisiana, o vha a Mufura, musadzi muhulu nga nzudzanyo, o ñwala ḥhalutshedzo fhasi.

³⁵ Zwo luga, zwenezwo ho vha hu na muñwe muṭuku o dzula heneffo o vha a Mufura, a ñwala fhasi zwe a amba. Vha vhambedza notsi, nahone dzoṭhe dzo vha dzi tshi fana.

³⁶ Huno muhulwane, mutukana wa ḥoho i penyah o ima murahu-rahu, Khafuteria ya Clifton, a bvelela phanda. A ri, “Irani ndi vhone notsi. Ndi khou ḥoda u vhona zwine dza vha zwone.”

³⁷ Huno vhuraru havho vhoṭhe vho vha ḥhalutshedzo i fanaho. O vha a muṭalutshedza wa U.N., muṭalutshedzi wa Tshifurasi. Huno khezwi zwe zwa ambiwa:

*Nga u iwe wa nanga heyi ndila tsekene nahone tswititi,
ndila i kondaho, wo zwi ita nga u tou di nangela.*

*Fhedzi tsheo ya vhugala hani ye wa i dzhia, ngauri ndi
NDILA YANGA.*

Ni a vhona? Huno ya ri... huno ya ya phanda ya ri:

*Hezwi nga zwone zwiñe ndi zwone zwine zwa do
bveledza, na u ita na u bveledza, zwi do itea, gundo
lihulu kha Lufuno Lukhethwa.*

³⁸ Ni a vhona, tshifhinga tshoṭhe, nga nga Tshifura, liiti phanda ha liḍadzisi heneffo kha—heneffo kha—heneffo kha ḥhalutshedzo. Ngauralo kha izwo ndi nga ri... Mushe, o di dzhiela tsheo, o tou tea u di dzhiela tsheo. Roṭhe ri tea u di dzhiela tsheo dzashu nahone ra ita zwa khwiñe zwine ri nga zwi ita. Huno Mudzimu... ndi a ḥonifha mulaedza wa muthu muñwe na muñwe une a do u netshedza nga ha Mudzimu. Ndi... tshi nga vha tshini kana tshini, ndi a ḥonifha izwo nga mbiilu yanga yoṭhe.

³⁹ Zwino, ndo vhona muñwe murathu muṭuku a tshi khou bvelela hu si kale, Mukomana Stringer, ndi elekanya u bva fhasi ngei Louisiana... kana Mississippi, o ri disela zwiñwe zwifanyiso hafha zwe na ri vhona ri tshi khou zwi lavhelesa.

Zwo vha zwi zwa Muruňwa wa Murena, musi A tshi bvelela. Ndi vhangana vho pfaho tshitor? Ndi a kholwa muňwe na muňwe wa vhoinwi hafha o zwipfa. No tshipfa kha theiphi, na zwiňwe.

⁴⁰ Zwino, ndo zwi vhudza maňwe matsheloni u yela kha iri ya vhufumi ntha ha tshithoma, ndo ima lufherani lwanga ngei Indiana. Ndo vhudzwa u ri ndi do vha ndi Tucson, ndi t̄avhanye nga matsheloni, ndi do vha ndi tshi khou tupula mifhunga (zwine afho ra zwi vhidza, mulisa sa mbudzi) u bva kha mulenzhe wanga wa vhurukhu. Huno Vharuňwa vhasumbe vha tsela fhasi huno vha vula izwi, huno fhasi ha thuthuba na zwiňwe zweþhe, u... matombo a sudzuluwa dzithavhani, nahome Vharuňwa vhasumbe vha ima henefho.

⁴¹ Huno nda ri, "Zwo luga..." nda vhudza mufumakadzi wanga, nahone u hone huňwe fhethu henefha kha ano matsheloni, "Lugisani tshithu tshiňwe na tshiňwe ngauri a hu na ndila ine muthu a nga tshila kha izwo," nda ri, "ibvani afho. Ndi khou ya Tucson, mushumo wanga wo fhela hafha kha lifhasi. Ndi khou ya Hayani u vha ndi na Murena Yesu."

⁴² "Zwo luga," a ri, "naa u na vhuþanzi?"

⁴³ Nda ri, "Ee. Ee, a hu na ane—ane a nga imela izwo. A hu na ndila ya u zwi ita."

⁴⁴ Ndi kha di bva u rera *Zwikhathi Zwa Sumbe Zwa Tshividzo*. Hafho ndi hone he nda vhidza washu a fulufhedzeaho, Mukomana Jack Moore muþuku u itela u mu vhudzisa nga hezwi, Yesu, kha Nzumbululo 1, o ima henefho na mavhudzi matshena na zwiňwe zweþhe.

⁴⁵ Nda ri, "O vha a Muthu muþuku." Huno hafho ndi hone he nzumbululo yo da nga ha u ambara iyo wig, huno hu si Ene; O ambadzwa wig (huno ndo vha ndi sa zwi pñsesi), sa u vha Mukhethwa Muhulu. Huno vhahaþuli vhahulwane vho vha vha tshi ralo ngei Isiraele, vho vha vha tshi tea u tsheniswa þohoh. Huno mutshena wo imela lunako. Huno vhahaþuli vha Makhuwa u swika na kha lino ðuvha, kha khothe khulwane dza England, vha ambara wig tshena musi vha tshi bva, ngauri a hu na muňwe mulayo u fhiraho wavho kha lifhasi. Ni a vhona? Huno vha vhahaþuli vhahulu.

⁴⁶ Huno ndi a elelwa ndo ya henefho ngei Arizona na zwiňwe zweþhe, ndo lingedza u ya nga hune nda kona u... Ndo tshuwa zwi isaho lufuni. Ndo ya kha muþangano wa Phoenix. Huno elelwani, ndo rera mulaedza, *Muñe wanga, Tshi Tou Vha Tshifhinga-de?* Ni a elelwa izwo? Ndo amba uri ndo zwi vhona izwo, ndo ri, "Phanda ha musi zwi tshi vuledzea, elelwani, ARALO MA AMBA MURENA, 'Tshiňwe tshithu tshi khou ya u itea.'" No wana dzitheiphi kha laiburari ya theiphi zwino. Huno henefho ndo ri, "Ni a elelwa zwino mabono a sa kundelwi-ho. 'Tshiňwe tshithu tshi khou ya u itea.' Elelwani!"

⁴⁷ Huno mađuvha a si gathi murahu ha izwo, ndo vha ndi tshi khou thoma u vha na mazhuluzhulu, huno nda elekanya, “Ndi mini izwi? Naa ndi khou ya u lovha? Arali . . . ndi a fulufhela uri ndi zwa tshihadu uri ndi bve khazwo. A thi ṭodi u mona mona.”

⁴⁸ Huno maňwe matsheloni Murena a ri, “Tshimbila ḥhodzini ya Sabino Canyon.”

⁴⁹ Huno ndo vha ndi ntha heneffo ndo imisa zwanda zwanga, ndi tshi khou rabela. Nda pfa tshinwe tshithu tshi tshi da tshandani tshanga. Ho vha hu banga. Zwino, ni nga tou elekanya uri u nga di pfa hani, no ima heneffo ni nothe huno afha ndi lufhangha tshandani tshanu lwo lapfaho u yela afho. Nda li tsitsela phasi huno nda li lavhelesa. Lwo vha lu tshi tou vha lufhangha, lunwe lwadzo . . . huno ndi a ofha lufhangha, zwo diralo. Huno lwo vha lu na—lwo vha lu na—tsimbi, tshinwe tshithu tshi nga ho hedzi phanga, sa tsimbi ya bodo kana tshinwe tshithu, li fhiraho nahone lisekene. Lo vha li na khada u mona na hafha, hune khada i dzulela u, u tsireledza u shavha u remana zwanda, huno—huno lo vha li na nungu kha tshifaro hafha. Li tshi tou dzula zwavhudzi kha tshanda tshanga. Zwo luga, nda phumula tshifhaṭuwo tshanga huno nda lavhelesa murahu.

Heneffo fhethu huthihi, liňwe ḫuvha, ndo vhona lițuku, liivha li tshena li tshi tsela phasi. Ndi do ni vhudza nga ha izwo naga murahu.

⁵⁰ Huno ndo vha ndo fara ilo tshandani tshanga, nda elekanya, “Izwo a zwi ngo dowelea. Zwino, Murena, ndi . . . kani ndi khou xedza muhumbulo wanga? A hu na muňwe hafha. Ndi kha dzimaela u bva kha muňwe na muňwe huno afha ndi banga. Tshanda tshanga tsho vha tsho imela n̄ha, huno li bva gai?” Huno nda elekanya, “Itsho ndi tshithu tshi so ngo doweleaho. Zwino lavhelesani afha, ndi banga.” Ni a vhonaa, nda li rwa, huno lo vha li banga. Huno nda ri, “A hu na muthu hafha o imaho hafha. Ndi n̄ha ḥhodzini ya haya matombo, n̄ha-n̄ha ha thavha.” Huno no vha ni sa koni na u vhona Tucson ni afho, ho vha hu phasi-phasi.

⁵¹ Nda elekanya, “Zwino, izwo a zwo ngo dowelea. Zwino, zwi tea u vha kha ino nyalo huňwe fhethu, Muňwe muthu ane a nga sika na u vhumba banga nahone a li vheya tshandani tshanga.” Nda ri, “Hu nga tou vha Mudzimu fhedzi we a sika ḥholane kha Abrahamu, we a sika izwo zwisindi,” zwe na zwi pfa. Huno nda ri, “Matheriala khea afha, tshaka tharu dza matheriala khalo, huno nda li fara tshandani tshanga sa tshinwe na tshinwe tshine ndi nga fara tshandani tshanga.”

⁵² Huno nda pfa Ipfi, la ri, “Heļo ndi Banga la Khosi!”

⁵³ Huno nda elekanya, “Zwino, Ilo li bva gai? Ndo vha ndi heneffo kha ala matombo huňwe fhethu.” Huno nda li fara tshandani tshanga sa izwo, huno nda ri, “Banga la khosi.” Huno nda lavhelesa u mona, huno banga lo vha li si tsheho. Huno nda

ri, “Banga la khosi.” Hezwo ndi u ri . . . vha tshea nga—nga bang, ndi elekanya uri izwo ndi zwone, mmbi kana iñwe ndila, vha tshea ngalo, ni a divha. Huno nda ri, “Zwo luga, helo li nga vha li la zwezwo. Zwi amba u ri khañwe ndi khou tea u vheya zwanda kha vhashumeli, kana tshiñwe tshithu tshi fanaho, tshine, u ita avho vhashumeli.” Huno zwenezwo nda . . .

⁵⁴ Ipfi la amba murahu hafhu, la ri, “*Lone Banga la Khosi!*” Hu si la khosi; *Lone Banga la Khosi!* Ni a vhona?

⁵⁵ Nda elekanya, “Zwino, khañwe a thi khou di pfa zwavhudi, muhumbulo wanga wo shavha, kana hu na tshiñwe tshithu tshi no khou itea, hu na muñwe muthu o imaho u mona na nñe.”

⁵⁶ Huno vharathu, hezwi zwithu ndi zwa ngoho. A thi—a thi divhi uri ndi ni vhudzise hani, no dzulela u zwi vhona zwi tshi dzulela u itea nga yeneyo nqila. Huno zwi khou . . . a thi koni u zwi pfesesa. Ngauralo . . . Ndí zwipfí zwi so ngo doweleaho.

⁵⁷ Huno nda ima heneffho. Nda elekanya, “Zwino, honoyo We a amba na nñe maduvha anga othe a vhutshilo, u bva ndi muñku, lushie lwa mutukana muñku, o ima heneffha, huno a thi koni u Mu vhona na luthihi.” Nda ri, “*Lone Banga la Khosi!*” Helo li do vha . . . Mudzimu ndi *ene Khosi*. “Huno ili bang a ndi mini?”

⁵⁸ “Ndi Ipfi, Lo vhewa tshanđani tshañu.” A ri, “U so ngo ofha lufu, ndi vhushumeli hau.”

⁵⁹ Oo, nne-nne! Nda tsa fhasi u bva thavhani, ndi tshi khou lila, u huwelela, nga ipfi langa lothe, ndi tshi khou thamuwa ntha ha matombo. Nda tsa fhasi, nda vhudza mufumakadzi wanga, nda ri, “A thi khou ya u lovha, ni a vhona, ndi—ndi—ndi vhushumeli hanga.” (Nda mu vhudza uri a andane na Billy Paul hafha, nahone a dzhie vhana. Nda ri, “Zwino, a thi na tshithu na tshithihi, fhedzi tshivhidzo tshi do vhona uri ni sa farwe nga ndala na zwiñwe, huno ndi do—ndi do ḥangana na iwe seli ha mukano.”) Huno—huno ene . . . nda ri, “Hai, a thi khou ya u lovha, ndi tshiñwe tshithu nga ha vhushumeli hanga.”

⁶⁰ Murahu ha maduvha mañku ndo vha ndi tshi khou bva kha muñgano; ndo vha na thelegiramü ya masiatari mararu, ndo vha ndi tshi khou bva hafha Houston, Texas. Huno ula muthu we a ntsatsaladza nga maanda vhusiku he Muruñwa wa Mudzimu a dzhiwa, tshifanyiso Tshazwo tsho dzhiwa afho Houston, a mmbidza, a ri . . . a rumela thelegiramü, mufumakadzi a ri, “Ndi a divha, Mukomana Branham, wo fareledzea. Murwa wanga (mutukana wa khaladzi ya Ted Kipperman) o dzula kha mutala wa lufu uri a lovhele tshiduloni.” Nda ri . . . (Hani-ha arali uyo ho vha hu Billy Paul?) A ri, “Ene na musidzana muñku vha do lovha.” Huno nothe no zwi vhala kha bambiri, zwo tou rafo. Huno a ri, “Fulufhelo li lothe line ra vha naþo ndi uri iwe u ñe u fare muñgano nahone u vhuedzedze vhathu nga tshavho.”

⁶¹ Huno Raymond Hoekstra o no nrwalela lu na tshivhalo, fhedzi ni a divha, ndi na muhumbulo uri murahu ha uyo

muṭangano ndi ye lwendoni lwa u zwima na Vho. Mc Anally na vhaṇwe. Huno nda elekanya, “Zwo luga, arali nda tendela avho vhana vha tshi lovha huno ndi sa netshedze ḥungo dzanga, a thi nga vhui nda kona u zwima hafhu.”

⁶² Ngauralo nda ri, “Zwoṭhe zwo luga, ndi ḫo ḫa.” Nda ḫa Houston, nda fara muṭangano, huno zwa tou ralo zwone... a vho ngo vha vhulaya, vho tou... vho tou vha ḫea vhutshilo. Huno hezwo ndi zwone zwa vha ḫoda uri vha zwi ite, u tou vha ḫea vhutshilo. Ngauralo hezwo zwo itea u yela kha miṇwaha ya fumbili-nthihi, ndi a kholwa, ngei—ngei Texas.

⁶³ Zwo ralo, ndi tshi khou humela murahu, nda humela murahu thavhani nahone nda ḫuwa na Mukomana Fred Sothmann. U hone huṇwe fhethu. Mukomana Fred, u gai? Henefha. Mukomana Fred Sothmann, Mukomana Gene Norman; ḫiṇwe ḫuvha, ḫuvha ḫa vhuvhili o dzula henefho, Muruhwa wa Murena a tsela fhasi kha gammabha he ra vha ri hone, huno a thoma u amba nga ha vhana vhavho na zwithu zwe vha vha vha tshi khou ita.

⁶⁴ Nda ḫuwa nda humela murahu tshikwarani. Huno ndo vha ndo no wana javelina yanga, huno ndo vha ndi tshi khou lingedza u pandamedzana roṭhe na Mukomana Fred. Ngauralo nda wana he vha vha vha tshi khou ḫela hone thungo ha tshikwara, huno nda ri, “Zwo luga, zwino, ndi ḫo ni vhudza zwine nda ḫo ita, Mukomana Fred.” Nda ri, “Zwino, wo ya kha vhula vhimo nga matsheloni.” Ra ya n̄tha fhaṭa nga masiari, ra gonya n̄tha ha thavha. “Huno ra ya henefho n̄tha nga masiari, ndi ḫo ya kha iṇwe thungo. Zwino, a thi nga kali na tshithihi, fhedzi arali zwa giđima n̄tha heyi n̄dila, ndi ḫo kala phanda hazwo huno nda zwi humisela murahu. Wo dzhia tshihulwane.”

⁶⁵ “Zwoṭhe zwo luga,” a ralo.

⁶⁶ Ngauralo Mukomana Fred aya henefho. Huno Mukomana Gene Norman (a thi elekanyi uri Mukomana Gene o ḫa, kani o ralo?), o vha a—o vha a kha inwe thungo. Vhanzhi vha vhoiñwi ni a ḫivha Gene Norman, khonani yanga ya tsini, murathu wa u luga. Huno a tsela fhasinyana. Hune, idzo nguluvhe, dzo vha dzi siho ayo matsheloni. Huno ndi a kona u vhona Mukomana Fred, mu ṭataiseleni, o vha a maele u bva kha n̄ne. Zwo luga, nda elekanya, “Dzi n̄tha vha dzo ya gai?” Nda tsela fhasi kha muedzi muhulu, huno nda tsa fhasi, nda elekanya, “Ndi ḫo vhona arali ndi tshi n̄tha wana hune dzo vha hone.” Nda thomolola ndi tshi gonya. Ho vha hu murahunyana ha masiari, ḫuvha ḫo vha ḫi tshi kha ḫi tou thoma u ḫavha.

⁶⁷ Nda yela u mona na gake ḫihulu, oo, n̄ne-n̄ne, maga a mađana na mađana, hu tshi tou vha matombo mahulu kha ula muedzi muhulu henefho, idzo mbondo khulu. Huno ḫo vha ḫi tshi khou thoma u vha... ḫuvha ḫo vha ḫi tshi khou ḫavha, u yela kha iri ya vhusumbe n̄tha ha tshithoma, ndi a humbulela, kana u yela kha zwenezwo. Huno nda dzula fhasi nahone ndo vha ndi tshi khou

lavhelesa u mona, zwa itea nda lavhelesa fhasi kha mulenzhe wa vhurukhu hanga huno ho vha hu na iyo bulu heda, muungo. Huno nda ri, “Ni a divha, hezwo a two ngo doweleya. Ni a divha, Muruňwa wa Murena o mmbudza uri ndi do vha ndi kha maela dza u yela kha fuiňa vhubvađuvha ha Tucson, ndi do vha ndi tshi khou bvisa bulu heda mulenzheni wanga.” Ni a zwi elelwa? Naa ni a ralo? Ee, mune wanga. Ni a vhona? Nda ri, “Izwo a two ngo dowelea.” Ndo vha ndo dzi fara.

⁶⁸ Huno ndi tshi tou lavhelesa n̄tha, nda vhona nguluvhe dzi yelaho kha dza fumbili u yela kha maga a mađana mađanu u bva kha nne, dza bvelela dzi tshi khou la heyi miri miđuku huno dza eđela fhasi. Nda ri, “Zwino, arali nda nga tou kona u wana Mukomana Fred huno nda mu isa u mona na afho fhethu, u do wana nguluvhe yawe heneffo. Fhedzi ndi a zwi divha uri u kha maela kana mbili u bva kha nne zwino. Ngauralo,” nda ri, “arali nda tou kona u wela seli ha heyi ḥodzi dzi so ngo mmbona, nda gonya nga kha hoyu muri wa muungana afho,” nda ri, “arali nda mona na heyi thungo, hu na lutsinga lwa phala dzo bvaho nga heyi thungo, ndi nga gidimela n̄tha huno nda bva ndilani. Huno nda nembeledza tshipida tshiđuku tsha bammbiri hafha hune nda divha uri ndi ufhio munwe une wa da yo khalo, ngei muedzini, ndi nga wana Mukomana Fred heneffo nga tshifhinga.”

⁶⁹ Nda posa heyi nga ndila i sa pfesesei ḥukhu fhasi, ndo hangwa nga Izwo. Huno nda thoma u tsa na tshikwara zwavhudí huno nda lavhelesa murahu, a dzo ngo mmbona, huno nda gidimela fhasi huno nda swika kha n̄ayo dza phala. Ndo vha ndo ambara muňadzi muhulu mutswu. Nda thoma u gidima na muedzi nga u ḥavhanya, huno zwa itea.

⁷⁰ Huno liphasi ḥothe la dzinginyea, hothe hothe. Matombo a uyo muelo a kungulutshela fhasi, mabuse a tshi khou duba sa izwo. Huno nda lavhelesa, huno phanda hanga ho vha ho ima Vharuňwa vha sumbe; kokotolo nga ndila zwe zwa vha zwi ngayo. Ndo pfa ndo vha ndo ima tshikhali n̄tha ha mavu. Tsha u ranga, ndo elekanya uri muňwe muthu o nthuntsha, ni a divha, ndo di ambara uyo muňadzi mutswu; zwi tshi vhonala sa nguluvhe ḥukhu, zwo ḥiralo, ni a zwi divha uri ndi ntswu. Ndo elekanya uri muňwe muthu o nthuntsha, zwo raloh zwa... heneffo tsini. Huno nda—nda vhona zwenezwo zwe zwa vha zwi zwone. Zwo luga, zwi tshi kha di vha zwo ralo... nda wana mushumo wanga, kha Luňwalo, “Mapfundo A Sumbe ane a vha zwiphiri zwa sumbe.” Ni a vhona?

⁷¹ Muňwe muthu o ri kha nne, o ri, “Zwino...” Oo, o ri, “Zwo luga, zwino, liňwe ḅuvha Murena zwavhudí-vhudí (iwe u tshi khou vhona mabono, Mukomana Branham) u do u dzumbululela uri izwi zwithu ndi mini, rothe ri nga sendela tsini na Mudzimu nahone ra vha na maanda manzhi u fhira ane ra wana nga u amba nga dzindimi na zwinwe.”

⁷² Nda ri, "Zwi nga si vhe nga iyo ndila."

⁷³ Ngauri, ni a vhona, ndi a tenda Ipfi sa line la vha la Ngoho. Huno Bivhili yo ri, "Nnyi na nnyi ane a do engedza ipfi lithihi kana u tusa Ipfi lithihi Khazwo." Zwi tea u vha kha heli Ipfi. Ni a vhona? Ndi zwiphiri zwe vhathu vha zwi fhira, ngauri heneffho ndi hone hune ha bva Mulaedza wa *Mbeu ya Nowa* na fulufhelo la ngoho la tsireledzo ya mutendi.

⁷⁴ A thi khou nyadza vharathu vhanga vha Phuresibatheriene hafho, na vhañwe vha vhoiñwi vharathu vha Baphuthisi nga ndila ine na vha na tsireledzo ngayo. A thi khou amba hezwi u itela u vha o fhambanaho, fhedzi o no nga vha nayo nga ndila yone. Ni a vhona? Izwo ndi zwone. Ni a vhona? Fhedzi, ndo vha nayo nga ndila i si yone, na nne-vho. Fhedzi musi Muruñwa a tshi ima u bva Tađulu nahone a ni vhudza, huno heneffha zwi hone kha Luñwalo, Izwo ndi zwone. Ni a vhona? Izwo ndi zwone. Ni a vhona, U dzulela u amba kokotolo nga Luñwalo.

⁷⁵ Heneffho nda zwi lavhelesa u swika itsho tshitendeledzi tshi tshi gonya n̄tha, tsha thoma u fhefheleda n̄tha, huno vha shanduka u ya kha unga tshedza tshi re n̄tha ha mupo, vhunga khuli. Nga ndila kokotolo . . . Ndi vhanganu vho vphonaho tshifanyiso Tshazwo tshe tsha dzhiwa ngei Houston? Zwo ḥoda u vha nothe. Ni a vhona? Zwo luga, heyo i tou vha ndila ye hezwi zwa vha zwi ngayo. Zwo shandukela kha tshithu tshi fanaho, Zwa dzulela u gonya na u gonya.

⁷⁶ Ndo vha ndi tshi khou gidima na u gidima, ndi tshi khou lingedza u wana Mukomana Fred na vhañwe. Ho no fhela tshikhalañyana, u yela kha hafu ya awara, ndo vha ndi tshi kona u mu vhona fhasi-fhasi, a tshi ṫataisa nga zwanda zwawe; na Mukomana Gene a tshi khou bvelela, a tshi ṫataisa. Vho vha vha tshi zwi ñivha uri tshiñwe tshithu tsho itea. Huno zwenezwo nga ḥangana navho. Hoyo ndi Mukomana Fred o dzulaho *afho*.

⁷⁷ Musi zwi tshi gonya, a tho ngo zwi ñivha uri vhalavhelesi na vhañwe, u gonya Mexico, vho vha vha tshi khou dzhia tshifanyiso. Magazini a *Vhutshilo* o tshi dzhia musi Zwi tshi gonya. Huno vhanzhi vha vhoiñwi . . . Afha ndi magazini wa *Vhutshilo* o hwala tshifanyiso Tshazwo. Tshithu tshi mangadzaho hafha, huno vha ri a vha ñivhi uri zwi bva gai; zwi n̄thesa. Zwi n̄tha ha mifhe yothe na zwiñwe zwithu zwothe zwi kha di qaho . . . Zwi n̄thesa kha khuli, ngauri zwi maela dža furaru nga vhulapfu na maela dza fumbili-sumbe nga vhuphara murahu ha musi zwi sa athu u swikesa afho n̄tha. A hu na na ñwando kana tshiñwe tshithu n̄tha ngei, ni a vhona.

⁷⁸ Huno vha elekanya nga ha bufho; ngauralo vha lavhelesa fhethu hoṭhe, ho vha hu si na bufho n̄tha nga lia ḥuvha. Ni a vhona, vho tea u ralo, u itela u dzinginyisa mafasiñere na zwiñwe. "A hu na bufho n̄tha." Afha zwi hone heneffha kha magazini, a

do ni vhudza tshithu tshithihi. Huno—huno zwa ḥuwa na u ḥuwa. Huno ḥamusi kha . . .

⁷⁹ Afha ndi magazini a *Saintsi*, hune, a vha pfectes. A vha ḫivhi uri Ndi zwithu-de.

⁸⁰ Tucson, ngei univesithi, khonani yanga yo ya linwe ḫuvha nahone i tshi khou amba navho nga hazwo. A ri, “A ri u pfectesuri mini . . .”

⁸¹ Nda ri, “U so ngo amba tshithu, a zwi nga thusi nga tshithu. ‘Ni so ngo posa malungu kha nguluvhe.’ Ni a vhona? Ndi zwa Tshivhidzo, kha Vhanangiwa, vho vhidzelwaho-nnda. Ni a vhona?

⁸² Huno muñwe na muñwe o vha a tshi khou da, a tshi ri, “Mukomana Branham, ndi vhona tshifanyiso tshau hafha. Ndi vhona *hezwi*. Ndi . . .” Ni a ḫivha uri zwi hani. Fhedzi hezwo-u la u vhudzula hu lapfu sa musi uyu murathu a na ho hafha hune . . . Mpfareleni. [Mukomana Branham u wana tshifanyiso—Mudz.] Heyi ndi ndila Zwe tsha thoma ngayo tshi tshi ya nthia, zwi tshi vhudzulela nthia. Zwavhudi-vhudzi *hezwi* zwo vha zwi thungo ya tshanda tshaula. Huno nothe ni a limuwa uri ndo ri, “Muruñwa o dzhielwaho nzhele o vha a ene we a amba na nne, o vha a thungo ya tshanda tshaula,” na phanda ha musi zwi tshi itea. Ni a zwi elelwa? Phapha dzawe dzo sumba murahu sa *hezwi*. Hedzo ndi phapha kokotolo dza ulu Muruñwa musi a tshi gonya. Ni a vhona, sa zwezwo . . . Ngauralo vha thoma u dzhia zwifanyiso ngauri zwo vha zwi zwi mangadzaho. Fhedzi musi tshifanyiso tsha u fhedza, musi Tshi tshi ḫivhumba Tshone tshine ngei kha lutombo na zwiñwe, heyi ndi *Mbonalo* hafha yo zwi hwala. Ni a vhona uri zwi ḥuwisa hani nthia musi vha tshi tou thoma u zwi vhona, ni a vhona. Huno henehfo ha bvelela tshone—tshone-tshone nahone tshifanyiso tsha u fhedzisela, musi tshi tshi vhumblea.

⁸³ A vha ḫivhi uri zwi bva-fhi kana uri zwo fhelela-fhi, a vha athu u zwi ḫivha. *Saintsi* i khou kondelwa ngazwo, a vha ḫivhi uri ho itea mini. Fhedzi ri a ḫivha: “Hu do vha na zwiga nthia ngei ḥadulu.” Ri a zwi ḫivha. Ni a vhona? Huno O fulufhedzisa hezwi zwithu. Ni a vhona? Huno tshithu tshi tshothe uri hezwi zwi tendelwe zwi dzhiwe . . .

⁸⁴ Zwino, ndi a ḫivha uri ri tou vha sambi la hayani fhano ano matsheloni. Aral ndo no vhuwa nda ni kunga vharathu kana dzikhaladzi sa muñivhi wa zwothe, ndi a humbela nkhangweleni. A thi ḥodi u vha o raloho. Ndo ima . . . ndo dzula fhano ano matsheloni ndi tshi amba phanda ha vhanna vha re matshuden, vhanna vho ḥalifhaho; a—a tho ngo funzea, a thi koni na u bula Mañwalo anga nga ndila yone. Ndi na ndima ya u vhala ano matsheloni, ndi . . . ndo vha ndi tshi khou ya u humbela muñwe wa vharathu hafha uri vha mmbalele yone, ngauri a thi koni u bula madzina khayo, Vhakoronika ya u Thoma 13, (arali

ni tshi do ralo, Mukomana Jack, ni nga vha ni tshi khou zwimana nayo), u itela therero. A—a thi koni na u amba ayo madzina, ndi khou mu tendela a zwi ita, ngauri u a kona u a amba.

⁸⁵ Huno ndi a divha uri ndi khou amba na vhanna vho talifhaho. Fhedzi, vharathu, hezwi zwithu two itwa uri ni sa lavhelese kha u sa funzea hanga, fhedzi ni tende uri ndi khou ni vhudza Ngoho. Ndi Mudzimu u khou ni vhudza Ngoho. Hezwo ndi Ngoho. Ni a vhona?

⁸⁶ Zwino, huno musi ndi tshi amba nga ha dzidinomineisheni, a thi ḥodi uri inwi ni vhe vha tshiṭuhu... Hai, a thi ḥodi uri inwi ni si ye tshivhidzoni tshaṇu. Iyanī tshivhidzoni tshaṇu, zwine na khou tea u ita. Fhedzi ni so ngo vha murado na izwo zwiimiswa, ngauri liñwe ḫuvha ndi do vha ndi tshi khou ni vhudza na u ni sumbedza nga Luñwalo, ndi luswayo lwa livhanda. Huno ni sokou elelwa, ndi luswayo.

⁸⁷ Ndi khou rera...ndi nga si zwi funze kha tshivhidzo tsha Mukomana Jack, a nga mmbudza u ri, “Isa phanda u zwi ite”; fhedzi ndi khou ya theberenakeleni, zwi do dzhia u yela kha awara nna. Huno therero yanga ndi, “Livhanda u rangani na livhanda magumoni, nga kha vhuṭala ha ḥowa.” Ni a vhona? Zwi dzhia u yela kha awara nna. Ndi na Mañwalo anga o fhekanywa fhasi. Livhanda u bva u rangani, o vha a livhanda tsimuni ya Edeni, u livhanda magumoni, nahone zwi sumbedza uri ndi muthu wa vhurereli na wa dinomineisheni (hezwo two ita dinomineisheni); nahone zwa ḫa nga kha vhuṭanga hazwo, huno ndi zwi sumbedze kha inwi nga Mañwalo uri ndi zwezwo. A tho ngo divha izwo u swika Muya Mukhethwau tshi nne a zwone liñwe ḫuvha n̄tha afho.

⁸⁸ Zwino, kha hezwi, ndo vha ndi tshi khou lavhelesa hezwi liñwe ḫuvha, ndo ima, huno Tshiñwe tshithu tsha ri kha nne...ndo tshi lavhelesa, huno nda elekanya...Mukomana Hickerson, munwe wa vhalangandaka vhanga...kana madikoni kha tshivhidzo ngei Jeffersonville...Arali ndi sa tendi kha u ya tshivhidzoni, ndi ngani ndi na tshivhidzo? Ri nadzo u mona na shango nga vhuphara, ro tumanwyah vhuñwe vhusiku, maela dziñwe na dziñwe dza madāna mavhili dici na tshiñwe tsha zwivhidzo.

⁸⁹ Zwino, hetshi—hetshi tshifanyiso, ndo vha ndo ima, ndo tshi lavhelesa, huno Tshiñwe tshithu...ndo vha ndo ima lufherani lwanga. Tshiñwe tshithu tsha ri, “Tshi rembulusele kha tshaula.” nda thetshelesa.

⁹⁰ Ndi a divha uri hezwo zwi pfala sa muñwe muthu a pengaho muhumbuloni, fhedzi, ni a vhona, sa musi ndo amba vhuñwe vhusiku, hezwi zwithu zwihiulu zweithe two itwa zwa vha zwa ngudo...Zwino, a thi lwi na izwo. Elelwani, ri tea u rumela vhana vha vhoiñwi tshikoloni nahone vha wane pfunzo na zwiñwe, fhedzi ndi do ni vhudza zwino, a zwi nga vha thusi

nga tshithu kha shango li daho, ngauri hu do vha hu vhuñwe vhutshilotshedza, kulesa na hezwi. Hovho vhutshilotshedza a vhu nga vhuyi ha vha na... A vhu nga vhi na tshikolo khaho, a vhu nga vhi na lufu na luthihi, a hu nga vhi na tshivivi khaho. Hovhu na izwo zweþe; hu si na ndavha uri ri vha hani vho funzeaho, lufu nþha ha luñwe lu khou engedzea tshifhinga tshoþhe. Ni a vhona? Hovho hu do vha hu si na lufu. Fhedzi zwino ri tea u vha na tshikolo, ri tea u ambara zwiambaro, ri...

⁹¹ Ndo vha ndi tshi khou ya u amba ano matsheloni nga ha *Edeni Ya Saþhane* (vhunzhi ha vho inwi ni na theiphi yazwo), *Edeni Ya Saþhane*. O ita iñwe tsimu ya Edeni, huno zwo mu dzhieila miñwaha ya zwigidi zwa rathi u i ita, sa zwe Mudzimu a ita Yawe u rangani. Mudzimu o ita Edeni Yawe, huno Saþhane a i tshinya. Zwino Saþhane o ita Edeni yawe, huno Mudzimu u khou ya u i fhedza (hezwo ndi zwone) nahone A vheya Yawe.

Tshiñwe tshithu tsho ri kha nñe, "Tshi rembulusele kha tshauþa."

Nda elekanya, "Ndi elekanya ndi khou tshi lavhelesa zwone."

Tsha ri, "Tshi rembulusele kha *tshauþa*." Ni a vhona?

⁹² Nda elekanya, "Khañwe ilo Ipfi li khou amba uri tshi rembulusele *kha tshauþa*." Huno musi ndo ralo, ni a vhona uri ndi mini: *Thoho ya Kristo* ya Hofmann, kha furaru-raru. Hafha, lavhelesani hafha, ni a vhona ndebvu Dzawe ntswu, tshifhaþuwo Tshawe, maþo Awe, ningó Yawe, na zwiñwe zweþhe. Ni a vhona tshipida kha mavhudzi Awe afha u dela nþha. Huno o ambara wigi na ila wigi tshena ya Muruñwa u sumbedza uri Mulaedza Wawe wa u vha Mudzimu ndi Ngoho. Ndi Ene Muhaþuli Mufulwane wa linnda, Muhaþuli Mufulwane wa Liþadulu na lifhasi. Ndi Ene Mudzimu, nahone hu si tshiñwe tshithu-vho fhedzi Mudzimu. U Mudzimu o vhonadzwa kha tshivhumbeo tsha muthu a vhidzwaho Murwa wa Mudzimu, ane Murwa ho vha hu Muthu. Huno arali izwo zwi sa iti Mulaedza washu u ri u vhe wone: wo þaluswa nga Luñwalo, wo þaluswa kha tshumelo, wo þaluswa nga Vhuhone Hawe, a sa shanduki mulovha, ñamusi, na lini na lini. Zwenzwo-ha hayo Mapfundo A Sumbe ndi a Ngoho, vharathu. Ni nga hanedzana nao, fhedzi itanu dzula fhasi huno ni a gude nga mbilu yaþu yo vuleaho tshiñwe tshithinga, ni tendele Muya Mukhethwa u ni range phanda u bva kha...

⁹³ Hafha, musi Mukomana Jack...ndo mu vhidza phanda ha u rera hezwi nahone nda amba nae tshiñwe tshifhinga nga ha uri "Iyi wigi tshena yo vha i mini?"

⁹⁴ A ri, "Zwo luga, Mukomana Branham, ndi i khwaþisedza uri yo vha i kha Yawe... murahu ha mvuwo Yawe kha muvhili wo ñewaho vhugala Wawe." ndo vha ndi tshi khou amba na Mukomana Jack. Huno hu na... a thi ðivhi nga ha muñwe muthu shangoni ane a do digogodedza kha muñwe muthu kha pfunzo

dzavho kha thiolodzhi na zwiñwe sa zwine ndi nga takalela Mukomana Jack Moore na Mukomana Vayle, huno vhanna vho raloho sa—sa avho, vhorathiolodzhi vha vhukuma vhane vha vhala tshaka dzothé dza dzibugu na khuða dzo fhambanaho kha tshiñwe na tshiñwe. Zwo luga, fhedzi, ni a vhona, na musi ni na izwo, huno khonani yanga ya tsini, ndi—ndi—ndi nga si sokou zwi ḥanganedza, ho vha hu na tshiñwe tshithu heneffo tshine tshi nga si zwi dzhie.

⁹⁵ Huno zwenezwo musi zwi tshi da, hezwi, zwenzwo nda zwi vhona uri ndi mini. Afha ndi ndebvu Dzawe ntswu. Ni a Tshi vhona, ndi a humbulela. Ni a vhona? Ndebvu Dzawe ntswu na mavhudzi matswu, maþo Awe, ndevhe, tshiñwe na tshiñwe, tsho tou khunyelela, na tshipida kha mavhudzi Awe tshi tshi da kha ino thungo. Ndi Ene Mudzimu! Ni a vhona? Huno Ha shanduki mulovha, ñamusi, na lini na lini. Huno heyi ndi *Look* magazini...kana *Life* magazini. Ndi elekanya uri hezwi ndi...ndo hangwa uri ndi ifhio khandiso i re yone zwino; oo, Shundunthule nga ðuvha la vhufumisumbe, 1963. Zwo bvelela zwezwo, arali muñwe muthu a tshi khou ḥoda magazini. Ndi tshi fanyiso tshifanaho tshi re na Rockefeller na wawe—mufumakadzi wawe murahu hatsho. Huno haya ndi magazini a *Saintsi* maswa ane “zwi kha ði vha tshipiri.”

⁹⁶ Ndo ambela mini izwi zwithu? Uri zwi kone u ni ñea mbonalonyana ya zwithu zwine ra khou lingedza u amba,uri Mudzimu u khou ḥalusa zweþhe maþadulu na lifhasi uri ndi zwone. Hedzi ðhalukhanyo, mabono, ri na u edziselwa hunzhi, ri dzulela u ralo. Fhedzi elelwani, phanda ha musi hu tshi nga vha na ðolara ya khole-khole, hu tea u thoma u vha na ðolara ya vhukuma; hu tea u thoma u vha na ðolara ya vhukuma, huno zwenezwo dzi itwa hu tshi tevhedzelwa hedzo. Sa vhunga ri na Mushe wa vhukuma na Aroni wa vhukuma, zwezwo ra vha na Yamburesi na Yannesi murahu havho. Ni a vhona uri zweþhe zwi ðisa hani? Vha a zwi vhona huno zwenezwo vha lingedza u edzisela izwo, musi hu na zwone zwa vhukuma. Izwo ndi zwone. A thi khou ambela izwo u vhaisa kana u shonisa, kana u vheya hu si hone tshiñwe tshithu, fhedzi u tou itela Ngoho; u ðivha uri ndi... .

⁹⁷ Ndi khopu thoma u kalaha, nahone ndi a ðivha uri tshifhinga tshanga a tshi ngo tsha lapfesa. Arali Yesu, a lenga, ndi nga ralo...ndi nga dzulanyana; fhedzi ndi a ðivha uri linwe ðuvha heyi mbilu i khou ya u rwa lwa u fhedza, nahone ndi khou dzhena huhulu, fhetu hutsu hu vhidzwaho u pfi lufu. Fhedzi musi izwo zwi bvelela, a thi ḥodi u lavhelesa murahu kha tshiñwe tshithu, tshine nda do lingedza u rembuluwa khatsho. Ndi khou ḥoda, musi ndi tshi da kha itsho tshifhinga, u vha o kunaho nahone o nakaho nga tshilidzi tsha Mudzimu. Ndi khou ḥoda u ðiputela nga nguvho ya u luga Hawe, musi ndi tshi dzhena afho, na hetshi tshithu tshithihi muhumbuloni wanga: ndi a Mu

diyha kha maanda a mvuwo Yawe; huno musi A tshi vhidzelela, ndi do vuwa vhukati ha vhafu nahone nda tshila Nae u ya nga hu sa fheli. Huno ndi ndivho yanga hafha u lingedza u wana muthu muñwe na muñwe...hu si u shandukisa thiolodzhi dzanu na zwiñwe, fhedzi u engedza lutendo lwañu kha pfulufhedziso ya Mudzimu ya lino ñuvha.

Zwino kha ri rabele:

⁹⁸ Mudzimu a funeaho, ri vhatu vha livhuwaho ano matsheloni, fhedzi naho, Murena, ri khou tshila kha shango la swiswi line...A hu na na muthihi washu ano matsheloni, Khotsi, fhedzi ane a pfa uri ri khou—ri khou ṭoda u tshimbilela tsini na Iwe, ri khou ṭoda uho—uhu u kwamiwa nga Iwe matshiloni ashu hune hu nga ri anda nahone ha ri ita uri ri tendelele uri Iwe u kone uri shandukisa tshifhinga tshiñwe na tshiñwe, ri vhumbe kha u vha vharwa na vhananyana vha Mudzimu. Heyo—heyo ndi ndivho yashu hafha, Khotsi, hetsho ndi—hetsho ndi tshipikwa tshanga tshi tshothe tshine nda vha natsho ndi u lingedza u—u tshila phanda ha Iwe na u wana Ipfi Lau na u Li amba murahu kha vhanna na vhasadzi vhane...hu si u vha muthu o fhambanaho fhedzi u lingedza u hulisa Iwe we a nnëa Vhutshilo. Zwi tendele, Murena.

⁹⁹ Ngavhe hu sa vhi na muthu hafha ñamusi...Kana—kana arali...Ro ñumanywa ano matsheloni, u mona na lushaka hafhu. Ngavhe hu sa vhi na muthu a re kha muungo wa ipfi ñashu ane a tea u ya afho fhethu huhulu a sa U diyhi maandani a mvuwo Yau. Arali hu na vhatazwivhi huñwe fhethu u mona na shango, vhane...kana kha tshino tshifhañ, ino audithoriamu khulu, vho dzulaho fhano ano matsheloni. Arali hu na avho vha sa U diyhi, ngavhe ili li tshi vha ñuvha line luvalo lwavho lwa do dzinginyiswa, u vuswa, nahone vha limuwe uri a vha diyhi uri ndi ufhio miniti une vha do vhidzwa kana u huwelelwa uri vha fhindulele matshilo ashu, ngei N̄ha. Huno arali madzina ashu a tshe kha ila bugu ya tsinde, u swifhalelwa ri do ralo; fhedzi arali a kha Bugu ya Ngwana ya Vhutshilo, Vhutshilo ha vhukuma, zwenzwo ro tshidzwa.

¹⁰⁰ Huno ngavhe, Murena, sa musi uvho Vhutshilo vhu tshi tshimbila u bva ṭhodzini u ya kha maluvha, u ya kha gwati, u da kha thoro, musi ri tshi khou fhira ano matsheloni arali hu na vhuñwe Vhutshilo vhune ha ya kha thoro yo edelaho murahu tsinden, i bvise ñamusi, Murena, ngavhe i tshi tevhela mutshimbilo wa thoro, ngauri ri zwi humbela nga Dzina la Yesu. Amen.

¹⁰¹ Nkhangweleni nga u dzhia tshifhinga tshilapfu. Ndo hangwa nga hezwi na uri zwi kha tshifhinga tsha radio nn̄da ngei, tshifhinga tsha thelefoni.

¹⁰² Zwino kha ri vule u itela u vhala hashu. Huno Mukomana Jack, naa u na Bivhili yau afho? Musi ndi tshi khou sedza

Luñwalo lwanga, ndi do humbela Mukomana Jack uri a vhale holwu Luñwalo ngauri a thi koni u amba aya madzina. Zwoþhe zwo luga. Ndi Vhakoronika ya u Thoma 13. [Mukomana Jack Moore u ri, "Ndima yoþhe?"—Mudz.] Uh-huh.

[Mukomana Jack Moore u vhala Vhakoronika ya u Thoma 13:1-14—Mudz.]

[Huno Davita a langana na dzinduna vha zwigidi na madana, na muranga phanda munwe na munwe.]

[Huno Davita a ri kha tshivhidzo tsha Isiraele, Arali zwi tshi vhonala zwi zwavhuða kha inwi, nahone zwi zwa MURENA Mudzimu washu, ri tendeleni ri rumele thungo dzoþhe kha vharathu vhashu, vho salaho kha shango la Isiraele, huno khavho na vho-tshifhe na Vhalevi vhane vha dzidoroboni dzavho na mivhunduni, uri vha kuvhangane na riþe:]

[Ndi hone ri tshi do vhuyedzedza Mbulungelo ya Mudzimu washu kha riþe: ngauri ri—ri vhudzisa hu si madurhani a Saulo.]

[Huno tshivhidzo tshoþhe tsha ri hu itwe nga u ralo: ngauri izwo zwo vhonala zwo luga maþoni a vhathe vhoþhe.]

[Ngauralo Davita a kuvhanganya Vha-Isiraele vhoþhe, u bva Sihoro wa Egipita na u tsela Hamathe, uri hu dzhiwe mbulungelo ya Mudzimu ngei Kiriate-Yearimi.]

[Huno Davita a gonyela nþha, na Vha-Isiraele vhoþhe, u ya ngei Baala, hezwo ndi, Kiriate-Yearimi, une wa wela kha la Yuda, uri vha yo dzhia mbulungelo ya Mudzimu ene MURENA, ane a dzula vhukati ha vhakerube, ine khayo ha buliwa dzina lawe.]

[Huno vha hwala mbulungelo ya Mudzimu kha gariki ntswa u bva nduni ya Abinadaba: huno Usa na Ahio vha reila—vha reila gariki.]

[Huno Davita na Vha-Isiraele vhoþhe vha pembela phanda ha Mudzimu nga zwoþhe zwa nungo dzavho, na nga u imbelela, na dzingwala, na dzimbila, na mirumba, na dzinanga, na dziphalaphala.]

[Huno musi vha tshi bvelela luvhatani lwa Kidoni, Usa a isa tshanda u farelela mbulungelo; ngauri kholomo dzo vha dzi tshi khou redzemuwa.]

[Huno vhuhali ha MURENA ha dugela Usa, nahone a mu rwa, huno ngauri o farelela tshanda tshawe kha mbulungelo: huno a fela heneþho phanda ha Murena.]

[Huno Davita a tungufhadzwa, ngauri MURENA o tou zhaka Usa: ngauralo afho fhethu ha mbo pfi Peretse-Usa na ñamusi hu kha di pfalwi.]

[*Huno Davita a ofha Mudzimu nga iilo duvha, a tshi ri, Ndi do disa hani mbulungelo ya Mudzimu hayani hanga?*]

[*Ngauralo Davita a sa dise mbulungelo hayani kha ene muñe kha dorobo ya Davita, fhedzi a i hwalela thungo nduni ya Obede-edomo wa Gathi.*]

[*Huno mbulungelo ya Mudzimu a dzula na muña wa Obede—Obede-edomo nduni lwa miñwedzi miraru. Huno MURENA a fhañutshedza nnđu ya Obede-edomo, na zwoþhe zwe a vha a nazwo.*]

¹⁰³ Ndi a livhuwa, Mukomana Moore, nga u vhala Luñwalo u itela nne. Zwino, mpfareleni a tho ngo kona u ñivhalela nne muñe, fhedzi ndi—ndi nga si zwi kone.

¹⁰⁴ Zwino ndi khou þoda ni tshi vula na nne kha Marko 7:7, huno ri do vhala ndimana dza sumbe dza u thoma dza Marko Mukhethwa ndima ya 7.

Zwenezwo Yesu a da kha Vhafarisei, na vhañwe vha maníwalo, vha bvaho Yerusalem.

Huno musi a tshi vhona vhañwe vha vhafunziwa vhawe vha tshi la vhurotho na tshika, hezwo ndi u ri, na zwanda zwi so nga þambiwaho, vha wana mulandu.

Fhedzi Vhafarisei, na Vhayuda vhoþhe, nga nnda ha musi vha þamba zwanda zwavho... a vha li, vha tshi farelela—farelela mikhuvha ya vhahulwane.

Huno musi vha tshi bvelela u bva vhengeleni, nga nnda ha musi vha tshi þamba, a vha li. Huno zwinwe zwithu zwinzhi two vha zwe—hune vha... zwe vha þanganedza zwa yone... vho þanganedza u farelela,... u þanzwa ha dzone dzikhavho, na ha dzikhali, na midzio ya zwidongo, na ya dzitafula.

Zwenezwo Vhafarisei na vhamaníwalo vha mu vhudzisa, Ndi ngani u sa tshimbidzi vhafunziwa vhau u ya nga mikhuvha ya vhahulwane, fhedzi u la vhurotho nga tshanda tshi so ngo þambiwaho?

A fhindula nahone a ri khavho, Itali Yesaya a no di porofita nga ha vhufhuri ha vhoñwi, sa musi zwe ñwaliwa, Havha vhatħu vha renda nne nga meme dzavho, fhedzi mbilu dzavho dzi kule na nne.

Ngauralo vha nndosha lwa liphedzi, vha tshi funza pfunzo ya zwidayo zwa vhanna.

Kha ri rabele.

¹⁰⁵ Mudzimu a funeaho, þonifha Ipfi Lau zwino, nahone ngavhe Li tshi byeledza izwo zwe La vhetsħelwa zwone. Ri shumise sa zwishumiswa zwa u Li amba, na ndevhe dzashu uri dzi pfe u bva

ha Iwe, na mbilu dzashu uri dici Li tanganedze. Ri humbela nga Dzina la Yesu, u itela vhugala ha Mudzimu. Amen.

¹⁰⁶ Zwino, theroyanga lwa tshifhinga-nyana ndi heyi . . . ndi . . .

¹⁰⁷ Ri kha thumanyo ya lushaka ya thelefoni ano matsheloni. Huno ndi a pafesesa uri khonani yanga yavhuđi, Roy Borders, o thetshelesa, ndo neta vhukuma nga vhusiku ho fhiraho. Ndo hangwa uri ri kha radio . . . kana heyi thumanyo vhusiku ho fhiraho. Roy, hunwe na hunwe hune wa vha hone, arali u ngei San Jose tshivhidzo henefho, kana phasi kha tshivhidzo tsha Mukomana McHughes, kana hođhe hune wa vha hone, u so ngo ofha, murathu wanga, tshiñwe na tshiñwe tshi do luga. Dzula u fhumule, u tou vha . . . U do nnđivhisa zwone, Roy; u so ngo vhilaela, murwa, ivha na lutendo kha Mudzimu.

¹⁰⁸ Thero yanga ano matsheloni ndi: *U Lingedza U Itela Mudzimu Tshumelo Zwi Si Lufuno Lwa Mudzimu*. Zwino, helo ndi liñwalwa li so ngo doweleaho, nahone ndi fulufhela uri Murena u do ri dzumbululela hezwi. Elelwani, “U lingedza u itela Mudzimu tshumelo zwi si lufuno lwa Mudzimu.” Zwino, hezwo zwi pfala sa zwi so ngo doweleaho. Fhedzi, kha hezwi, khañwe Mudzimu a nga ri thusa.

¹⁰⁹ Tshiñwe tshithu tshirendi nga tama u amba ano matsheloni, ndi uri ro takala uvha na khonani yanga vhukati hashu, khonani i funeaho zwavhukuma, muđhannga muđuku. Vhunzhi ha vhoiñwi vhathu kha radio zwino ni nga kona . . . kana yone . . . kha thumanyo ya thelefoni, ni a ñivha uri oyu ndi nnyi. Namusi ndi ñuvha lawe la mabebo, u na miñwaha ya fuđahe-raru, Mukomana Bill Dauch o dzulaho phanda hanga, miñwaha ya fuđahe-raru.

¹¹⁰ Miñwaha i na tshivhalo yo fhiraho dokotela lo ri, “A nga si tshire.” Ndo tou mu limuwa o dzula hafha zwino. Fhasi ha dennde la miuya, huno mufumakadzi wawe a funeaho a mmbidza a ri, “Mukomana Branham, arali u tshi lavhelela u vhona khonani yau ya kale, Bill, a tshi tshila, ndi khwiñe u de nga tshihadu.”

¹¹¹ Huno nne . . . Liñwe la mavhili anga lo vha lo vulea nga thungo, mavhili anga o vha o tħahala, huno ndo tshinyadza vhili kha goloi yanga ndi tshi khou lingedza u swika khae. Ndo vha ndi tshi khou tou bva hone—hone—hone tshiñtshini, tshiñtshini tsha u đadza, nahone ndi tshi khou bva lufherani lwa u awela he nda ima ngei Ohio ndi tshi khou lingedza u swika khae, huno ndi tshi khou bva nda vhona bono. Huno afho vha ho ima Mukomana Dauch, o ima tshivhidzoni o imisa tshanda tshawe; la shanduka, huno nda u vhona u tshi khou tsa na tshiñaraña huno wa khađa tshanda tshanga. La ri, “Tshimbila u mu vhudze, ‘ARALO MA AMBA MURENA.’”

¹¹² O vha a na miñwaha i yelaho kha ya fuđahe izwo. O vha a na vhulwadze ha mbilu na u ima ha mbilu, na u kundelwa ho

fhelelaho ha mbilu. Dokotela la vhuṭali vhukuma. Muthu a si . . . ha ṭodi . . . Hai, a thi nga ambi izwo. U tou vha muthu ane a nga swikelela kha dokotela liñwe na liñwe liñe a ṭoda. U na dokotela la u luga la Muyuda we a ḥangana na nñe holoni huno a ri, “A hu na tshikhala tsha uri a tshire.”

¹¹³ Huno nda dzhena ngomu nahone nda sendedza tshanda tshanga fhasi ha dennde la maya, nda ri, “Bill, naa u a kona u mpfa?” A dzinginyisa ḥoho yawe. Nda ri, “ARALO MA AMBA MURENA, ‘A u khou ya u lovha.’”

¹¹⁴ Ho no fhela vhege, musi ndi tshi swika kha phuluphithi uri ndi rere Mulaedza wanga, ha bvelela Mukomana Dauch a tshi khou gonyela ntha kha tshifhaṭo. Huno musi ndi tshi ya kha Vhengele la zwiliwa la Furr, u mona . . . ndi ṭoda uri Blue Boar, u mona na Louisville, heneffo o vha a tshi khou bva kha goloi, a tshi khou tsa na tshiṭaraṭa, o imisela tshanda tshawe nn̄da; kokotolo u ya nga Ipfi la Murena. Huno hezwo hu tou vha miñwaha miraru kana miñq yo fhirah; huno afha o dzula u bva afho fhaasi, ngei Shreveport (u fhira tshaka, hu si nga bufho, nga goloi), uh-huh, o dzula afha ano matsheloni. “Duvha la vhuḍi la mabebo, Mukomana Dauch.” Hezwo zwi bva u mona hoṭhe na tshaka, u bva hoṭhe hoṭhe. “Mudzimu a ni fhaṭutshedze!”

¹¹⁵ Ndo mu lovhedza, murahu ha musi a wa Vhuraru, ndo mu lovhedza musi a tshe . . . ho vha hu muñwe wa miñgano yanga wa u thoma, musi Mukomana Banks Wood o tea u mu tendela a wana zwiambaro zwawe (ndi munna wa vhuḍi o edanelaho, sa musi ni tshi zwi vhon), huno a ya kha tivha nahone nda mu lovhedza u yela musi a kha fumalo-thanu kana miñwaha ya fuṭahe, nga Dzina la Murena Yesu. O ri o vha a sa koni u di pfa zwone u swika a tshi wana tsireledzo ya tshinwe tshithū. Zwenezwo a ḥanganedza mabebo a hune ha tsha do dovha a aluwa. Izwo ndi zwone, Shango lihulwane. U khou lavhelela na u tshirelila u vhon u Vhuya ha Murena; zwi nga itea. Fhedzi arali a nga edela, u . . . huno ra vuswa nga itsho tshifhinga, u do ranga u vuwa. Ndi zwone. Nguralo, Mukomana Dauch, a hu na ndila ya u zwi ṭahela. U tou vha kha mutala kokotolo. Dzula heneffo, murathu wanga, nahone Mudzimu a u fhaṭutshedze. Huno ndi a livhuwa Murena nga munna wa vhuḍi a nga ho uyo, na nga u mu hangwela zweṭhe zwa iyi miñwaha.

¹¹⁶ Kha Bugu ya Vhakoronika, “U lingedza u itela Mudzimu tshumelo zwi si lufuno lwa Mudzimu.” Mudzimu ndi muvhusi wa zweṭhe, tsha u thoma, ri khou ṭoda u pfesesa hezwo. Vhathu namusi vha khou vhilaela uri ndi ngani ri sa vhi na mvuseledzo. Naa ni a tenda uri Mudzimu ndi muvhusi wa zweṭhe? Ni a vhon, Bivhili i amba nga heyi ndila.

¹¹⁷ Huno ri lingedza . . . Sa musi ndo vha ndi tshi khou zuwa na tshigwada tsha vharathu vhanga vha u luga, vharathu vha Baphuthisi, hu si kale-kale, huno vha ri, “Mukomana Branham,

ri nga vha na mvuseledzo fhedzi musi ri tshi dzhia Ipfi, ipfi nga ipfi, siačari nga siačari, ledere nga ledere.”

¹¹⁸ Huno nda ri, “Ndi a tenda-vho, siačari nga siačari.” A ri . . . nda ri, “Vho lingedza u ita izwo u bva tsha kale na kale.”

¹¹⁹ A ri, “Fhedzi ri tea u wana ḥhalutshedzo ya Ipfi ya Tshigerika, zwine Tshigerika tsha amba.”

¹²⁰ Nda ri, “A thi athu u vhala zwinzhi, fhedzi u vhala ḥivhazwakale ya tshivhidzo, na *Khoro Ya Nicaea*, na *Khoro Ya Murahu Ha Nicaea*, na *Vhokhotsi Vha Nicaea*, na zwińwe zwinzhi, vho vha tshi khou ṭača murahu *hafho* nga ha Tshigerika. Hezwo ndi miňwaha ya zwigidi zwivhili yo fhiraho. Muňwe u ri, ‘Zwi amba *hezwi*,’ huno muňwe a ri, ‘Zwi amba *zwila*. Ipfi la Tshigerika li amba *hezwi*.’”

¹²¹ U tou fana na luambo Iwashu; ipfi u *vhona*. Shumisani ipfi u *vhona*, ni nga amba “muvhili wa mađi,” “Ndi a pfesesa,” kana zwithu zwinzhi. *U borea*, zwi nga vha, “u gwa mulonga, u tshimbila,” kana—kana “no mmbora,” kana “no badela bodo yanga,” kana zwi nga amba tshińwe na tshińwe . . . zwithu zwinzhi. Huno hedzo pfala ḥukhu, na zwińwe zwinzhi, zwi tou shandukisa zwine zwa amba zweńthe. Ngauralo ni nga si vhuye na zwi ita sa hezwo. Mudzimu o Zwi ñwala sa zwezwo, ngauri . . .

¹²² Huno Ipfi ločhe lo ḥtuwedzwa, nahone O amba hezwo, “Ndi livhuwa Iwe, Khotsi, Iwe wo dzumba hezwi zwithu kha mađo a vhačali na vhađivhi, nahone u do dzumbulula” (amen) “kha vhushie vhune ha do guda.” Ndi dzumbululo Yawee, vhunga ndo amba madekwna o fhiraho, “U do Zwi dzumbulula kha vhushie.”

¹²³ Ndo ri, “A zwi nga shumi, mune wanga.” Nda ri, “Mvuseledzo a i nga vhuyi ya da u swika Mudzimu, Mudzimu ane a vha muvhusi wa zweńthe, a tshi i rumela; nahone A nga dzhia tsilu litčku li sa koni na u saina dzina lawe, huno a i ita ngae, a sa divhi na Tshikhwa tsha vhudri sa tsha amba Tshigerika.”

¹²⁴ Hezwo ndi zwe A ita nga tshifhinga tshe Petro a rera nga Pentekostala, ni a ḥivha, o vha a sa koni na u saina dzina lawe, o nyadzea nahone a so ngo guda. Fhedzi Mudzimu u a ita zwithu nga ndila i so ngo doweleyaho kha mihungulo yashu ya nama. Hezwo zwi ita Mudzimu. Arali a wana tshigwada tsha vhorathiołodzhi na vhađivhalea, na zwińwe zwinzhi, vha do ri, “Hoyo Kayafa wa vhutali, ni a vhona, o zwi wana zwone.” Fhedzi Mudzimu o tsa phasi huno a wana murei wa khovhe we a vha a sa koni na u saina madzina avho, huno hezwo ndi zwine A dzhia. Hoyo ndi Mudzimu, U dzhia tshińwe tshithu tshi si tshithu na luthihi huno a ita tshińwe tshithu khatsho u itela u rendwa Hawe. O dzhia u vilingana huno a ita Edeni. Uh-huh, ndi Mudzimu.

¹²⁵ Zwino, arali hu na muňwe muthu a na zwivhumbwa zwa mvuseledzo, ndi mukomana washu a ḥonifheyaho, Billy

Granham. Fhedzi zwivhumbwa zwo luga zwothe, fhedzi zwivhumbwa a zwi nga zwi koni, zwi dzhia zwishandukwa u zwi tshimbidza. Ni nga ita modoro-kara, na vhea zwidulo zwa vhudi khawo, na ita zwigidi zwa vhudi huno—huno na sumbedza nga saints i zwine i nga ita; fhedzi nga nn̄da ha musi zwishandukwa zwi hone afho, i tou vha tshipida tsha thundu dici sa tshilihi.

¹²⁶ Ngauralo, kha mvuseledzo ya Welsh, iñwe ya dzimvuseledzo dzashu phanda ha yashu ya Pentekosta, a hu na o ñivhaho tshe tsha thoma mvuseledzo, hu tshi sokou vha tshigwada tsha vhatu.

¹²⁷ Zwino, musi rothe ri tshi swika...khonani yashu, Billy Graham, u do wana Vhaputuresibatherieni vhothe, na Vhalutere, na Vhapentekosta, na zwiñe zwothe, vha ya ñoroboni huno heneffo vha do vha na u kuvhangana huhulu ha vha zwigidi, nahone zwigidi zwa furaru zwi do da (nga vhege mbili) huno vha kumeda zwanda zwavho kha Kristo; ni humela murahu dziñe vhege mbili a ni nga wani na muthihi. Ni a vhon, hezwo ndi zwivhumbwa. Fhedzi tendelani Mudzimu kha tshilidzi Tshawe tshihulu a tou amba na tsilu lituku, hu tou ri, muthu zwave muñuku; litshani Muya Wawe u wele kha ñorobo nahone vhanna vha nga siye mushumoni, vhasadzi vha nga si ñanzwe zwigodelo, hone vhashumi vha nduni vha nga si ite mmbete, u huwelela na u lila zwanda zwavho zwi tuyani. Heyo ndi mvuseledzo, ine ya vha kha lufuno lwa Mudzimu.

¹²⁸ Zwo vhuya zwa ambiwa uri vhañwe vhanna vha vhuimo tshivhidzoni vho ya ngei Wales uri vha pfesese, kana vha wanuluse uri zwivhumbwa zwothe zwe zwa vha zwi kha mvuseledzo ndi mini, nga tshifhinga tsha mvuseledzo ya Welsh. Huno musi vha tshi tsa kha tshikwekwete na miñadzi yavho milapfu, na kholo dzavho dza u mona, vha tshi vhon, hu tshi bvelela tshitaratani, munna muñuku wa pholisa, a tshi khou fhefhedisa kilaba yaye u mona na u mona sa *izwo*, a tshi huwelela, vha ri, “Muthu wanga wa u luga, naa u nga mmbudza uri mvuseledzo ya Welsh i gai?”

¹²⁹ A ri, “Ee, vharathu vhanga, no ima vhukati hayo!” Uh-huh, uh-huh, uh-huh. A ri, “Ni a pfesesa, *Ndi nñe* mvuseledzo ya Welsh,” a ri, “ngauri mvuseledzo ya Welsh i kha nñe.”

¹³⁰ Hezwo ndi zwiñulu! Hezwo ndi zwine Mudzimu a ita, nahone Ene a eþe u na pfanelo ya u ruma mvuseledzo. Hu si u wana zwivhumbwa nga tshazwo, ndi thabelo ya Mudzimu uri a rume tshivhumbwa—tshivhumbwa.

¹³¹ U dzumbulula Ipfi Lawe kha vho tiwaho. Zwino, musi ndi tshi shumisa ipfi *u tiwa*...Zwino, ndi ipfi li si la vhudi u li shumisa tshitshavhani, nga maanda musi ri na zwigwada zwo fhambanaho vhukati ha Vhaaminia na Vhakhalivana. Huno hu si...ndo ni humbela uri ni sa elekanye uri ndi ñivha zwothe,

fhedzi vho^{the} vho khakha u ya nga Luñwalo. Tshilidzi ndi tshe Mudzimu a nnyitela, mishumo ndi ine nda itela Mudzimu. Ni a vhona? Zwenezwo no Zwi wana. Arali na gonya kha liñwe la matavhi, ni do di wana ni magumoni a tavhi nahone ni sa koni u humela murahu. Bugu ya Vhaefesa i zwi vhekanya zwavhuđi, ndi a elekanya.

¹³² Zwino, fhedzi ipfi, musi ndi tshi li shumisa, *u tiwa*, a thi humbuli uri ndi . . . helo ndi ipfi li lo^{the} line nda ñivha uri ndi li—li ita . . . Ndi u ñivhela phanda ha Mudzimu, ni a vhona, zwe A ñivha. A—A nga si ri . . . O—O fa uri vho^{the} vha tshidziwe, O zwi ita, fhedzi nga u ñivhela phanda Hawe O ñivha uri ndi nnyi a no do ralo na ane a sa do raloho. Ni a vhona? Hezwo ndi zwine A ñivha, a thi zwi ñivhi na inwi a ni zwi ñivhi, ngauralo ri shuma u tshidzwa hashu nga nyofho na u tetemela.

¹³³ Zwino, fhedzi Mudzimu u na Ipfi Lawe lo dzudzanywa, nahone o ralo kha zwikhathi zwe^{the}. U ñivhela phanda Hawe ho Mu ita uri a dzule kha tshivhidzo, na kha vhathu, zwiñwe zwithu zwe A ita u rangani. Huno zwenezwo na Mafhungo madifha o rerwaho kha *uyo* murafho a dzumbululelwa vhathu vho yaho nga uri, vhañwe vho^{the} a vha Zwi vhoni. Ni a vhona? “Ndi a U livhuwa, Khotsi, Iwe wo dzumba hezwi zwithu kha mađo a vhañali na vhađivhaleya, huno wa Zwi dzumbulula kha vhuskie vhune ha do guda.” Ni a vhona, hezwo ndi u tiwa. Hu si O zwi ita nga, ni ri, “Ndi do nanga *iwe*, nahone ndi sa nange *iwe*.” Nga u ñivhela phanda Hawe, O ñivha zwine a do ita.

¹³⁴ Nga u Ene a vha a si na magumo . . . Naa ni a tenda uri Ha na magumo? Arali A so ngo ralo, A nga si vhe Mudzimu. Zwenezwo, ni elekanya, nga u sa vha na magumo: O ñivha tshifhufhi tshiñwe na tshiñwe tshire tsha do vhuya tsha vha kha liphasi, uri izwo zwifhufhi zwi do poidza lungana mađo azwo, uri hu na zwithu zwingana kha tshifhufhi tshiñwe na tshiñwe, tħodzi inwe na inwe ya mahatsi ine tsha do vhuya tsha dzula khayo; hezwo ndi u sa guma. Huno riñe ri a guma, ri gobagoba swiswini. Mudzimu u ri fanyisa na nngu, nahone ri tea u vha na Murangaphanda. Huno Murangaphanda a si muthu, Muranga phanda ndi Muya Mukhethwa, Muya wa Kristo vhukati hashu. “Hu si kale shango a li tsha do Mmbona.” Muvhili Wawe wa ñama u tshi vuswa kha Khulunoni ya Mudzimu, he Muya *wo* vha u hone kha Khulunoni; zwino Kristo u kha Khulunoni, Yesu. “Hu si kale shango a li tsha do Mmbona, fhedzi vhoinwi ni do Mmbona, ngauri Ndi do vha ndi na vhoinwi u swika magumoni a shango, na ngomu hanu.” Khulunoni ya Mudzimu, ya Kristo, yo vhewa mbiluni yañu; nahone O dzula kha Khulunoni ya Mudzimu, fhedzi nga Ñwahagidi U dzula kha Khulunoni Yawe Ene muñe; ine, O ana uri U do vusa hoyu Muthu, Murwa Wawe, Murwa wa Davita, uri a dzule kha Khulunoni Yawe.

¹³⁵ Zwino, U dzumbulula hezwi zwithu nga u ñivhela phanda Hawe kha havho vhe A vha tela hezwi zwithu, zwi so ngo ralo a

vha Zwi vhoni. Vho ima heneffo, vho lavhelesa Khazwo, huno a vha koni u Zwi vhona.

¹³⁶ Ndi vhangana vho no vhonaho tshifanyiso tsha kholomo dakani, ine na sokou tea u lavhelesa na lavhelesa? Naa no no vhuya na vhona izwo? Kana, u vhona tshifanyiso tsha Kristo dakani, kana kha lutombo, kana kha makole? Ni a vhona, hoyo mupenndi o zwi dzudzanya u swika hune na tea u tshi lavhelesa nga iñwe ndila. Zwo luga, zwenezwo, na vhuya na zwi vhona, ni nga si vhona tshiñwe tshithu-vho fhedzi zwenezwo. Tshifhinga tshothe ni tshi lavhelesa, zwi heneffo. Ndi vhangana vho vhonaho izwo zwifanyiso? Zwo luga, zwo ralo no ralo.

¹³⁷ Zwo luga, heyo ndi ndila ine Kristo a vha ngayo, Ene muñe, Mafhungo madifha, Mulaedza wo tou ralo. Na vhuya na vhona Mulaedza wa awara, a hu tshena tshiñwe tshithu tshine na nga vhona fhedzi Zwezwo. Ndi zwezwo fhedzi. Tshiñwe na tshiñwe tsho tuwa, zwiñwe zweathe ndi zwidadzi, ni a vhona, ni a vhona, na vhuya na vhona Mulaedza!

¹³⁸ Hezwo ndi—zwo vha zwo ralo nga tshifhinga tsha Noaxe. Musi Noaxe na tshigwada tshawe...ni a vhona uri hani...Musi vha tshi vhona Mulaedza, a hu ngo vha na tshiñwe tshithu tshe tsha dovha tsha vha tsha ndeme. Musi tshigwada tsha Mushe tshi tshi Zwi vhona, a hu na tshiñwe tshithu tshe tsha dovha tsha vha tsha ndeme. Musi tshigwada tsha Yohane tshi tshi Zwi vhona, a hu na tshiñwe tshithu tshe tsha dovha tsha vha tsha ndeme. Musi tshigwada tsha Yesu tshi tshi Zwi vhona, a hu na tshiñwe tshithu tshe tsha dovha tsha vha tsha ndeme. Musi tshigwada tsha Vhaapostola tshi tshi Zwi vhona, a hu na tshiñwe tshithu tshe tsha dovha tsha vha tsha ndeme. Musi tshigwada tsha Luther tshi tshi Zwi vhona, musi tshigwada tsha Wesley tshi tshi Zwi vhona, tshigwada tsha Pentekostała tshi tshi Zwi vhona, a hu na tshiñwe tshithu tshe tsha dovha tsha vha tsha ndeme, vho ṭutshela kule na tshinwe na tshiñwe. Ndi ngani? Nga u ñivhela phanda Hawe O ta uri hezwi zwithu zwi iteye.

¹³⁹ O nanga muthu Wawe Ene muñe nga u ñivhela phanda Hawe. Sa zwe A amba kha Vharoma 8 hafha, uri Isau...uri hone—hone u nangwa nga Mudzimu u ime hu na vhuñanzi. Uri vhothe Isau na Yakobo vho bebwā nga vhabebi vhakhethwa, malwelavanda, uri u nanga Hawe u ime hu na vhuñanzi nahone hu ha ngoho, O ri, “Ndi nyala Isau, huno nda funa Yakobo,” phanda ha musi na muthihi wa havha vhatukana a sa athu bebwā. Ni a vhona? U a ñivha zwi re kha muthu, U zwi ñivha u bva u rangani uri ndi zwithu-de, ngauralo A nga ita uri tshiñwe na tshiñwe tshi shume nga tshifhinga tsha watshi. Rothe ri a vha na mazhuluzhulu na u tshenuswa; a ni athu u Mu vhona a tshi tshenuswa. A vha ralo...Ni a vhona? Zwithu zweathe zwi khou shumisana, kokotolo, watshi i khou vhalela.

¹⁴⁰ Hezwi zwithu zwine zwa khou tea u itea, havha vhasadzi vhothe na mavhudzi mapfufhi, na havha vhanna vho ambaraho zwavho . . . u tou nga vha na mavhudzi sa vhafumakadzi vhavho. Ndo vha vhona, zwo tou ralo, vha na zwikhothi zwa mavhudzi avho, vho a khotha nga hafha phanda. Tshandulo ya hani! Hedzo ndi mvelelo dza Edeni ya Saithane. Huno itani sa ene: u khou lingedza u tunya mavhudzi awe sa munna wawe; munna wawe u khou litsha mavhudzi awe a tshi aluwa sa a mufumakadzi wawe. Huno ene u khou ambara zwiambaro zwawe, huno ene a ambara zwiambaro zwawe zwa nga ngomu. Ni a vhona, khezwo heneffho. U khou thoma u vha na misipha, nahone ene u khou thoma u vha wa tshisadzini. Ni a vhona, ndi Edeni ya Saithane, u hanedzana na zwe Mudzimu a ita u rangani. Izwo ndi Ngoho.

¹⁴¹ Arali nda sa thoma, a ri nga vhuyi ra dzhena kha hezwi. Fhedzi hezwi zwithu, na ndila ya uri Ene a zwi ite, na uri ndi nnyi ane a do zwi ita, heyo ndi ndila Yawe ine a tou qinangela Ene munje, U a nanga. Heyo ndi yone ndila ine A khou toda zwi tshi itwa ngayo.

¹⁴² Sa musi ndo pfa Mukomana Pearry Green, mufunzi washu ngei Tucson, a tshi khou rera vhuñwe vhusiku nga ha uri Mudzimu o ita hani zwithu nga iñwe ndila (ndo hangwa uri liñwalwa lawe lo vha li liphio.), fhedzi a ri, “Heyo ndi yone ndila ine Mudzimu a zwi takalela ngayo, heyo ndi yoni ndila ine Mudzimu a zwi ita.” Zwo luga, izwo ndi zwone.

¹⁴³ Zwino, ndi nnyi vhukati hashu ane a khou ya u Mu vhudza uri O khakha? Ndi nnyi ane a nga linga u ima tshifhañuwoni tsha Mudzimu, huno a ri, “Wo khakha, Murena, U tea u zwi ita nga ndila ine nda khou toda u tshi zwi ita ngayo, ndila ine Dokotela *Mukene-na-mukene* vha ri zwi tea u itiswa zwone”? Ndi nnyi ane o tuwesa kha muhumbulo wawe, ane a nga amba tshithu tshoralocho? Hai, ni nga si de huno na ri, fhedzi ni a zwi elekanya!

¹⁴⁴ Vhunga kha Mulaedza wanga wa *Mulwa-na-kristo*, “Hu do vuwa vhokristo vha khole-khole.” Zwino, Ha ngo ri *Vhoyesu* vha khole-khole. Ni a vhona, a hu na muthu ane a nga zwi imela u vhidzwa “Yesu,” malugana na u vha Murena. Fhedzi *vhokristo* vha khole-khole zwi amba “vhañodzwa.”

¹⁴⁵ Oo, vhone, muñwe na muñwe u elekanya uri u na ndodzo, “Vhugala kha Mudzimu, a nga ita *hezwi* na u ita *zwila!*” Fhedzi mu vheyeni kha mulingo wa Ipfi huno ni wane uri u bva gai, ni a vhona, Mulaedza wa awara.

¹⁴⁶ Vho vha vha na ndodzo nga tshifhinga tsha Yesu, fhedzi hu si Khae.

¹⁴⁷ Vho vha vha na ndodzo nga tshifhinga tsha . . . Na Dathani o vha a na ndodzo nga tshifhinga tsha Mushe. O ri, “Zwino, u so ngo elekanya uri ndi iwe mukhethwa u wothe vhukati hashu, Mudzimu u na vhanzhi. Ri do tou thoma tshimiswa hafha, tshigwada tsha vhanna.”

¹⁴⁸ Mudzimu a ri kha Mushe, “Difhandekanyei navho,” huno A vula lifhasi nahone la vha mila. O nea Ipfi Lawe la vhukuma kha Mushe, muporofita Wawe; heyo ndi yone ndila i yothe ye A vhuya a i ita, nahone ndila i yothe ine A do vhuya a i ita. Ha shandukisi ndivho Yawe, ni a vhona.

¹⁴⁹ Ngauralo thalukanyo dzashu dzo khakhea, thalukanyo Dzawe ndi dzone, tshifhinga tshothe. Huno ni so ngo lingedza u Mu vhudza uri U khou “khakha.” Hu si na ndavha uri ri elekanya uri ndi ufhio o fanelwaho wa khwine, a si riñe ri ne ra amba uri ndi nnyi o fanelwaho wa khwine. Zwino, hafho ndi hone hune na dzhena kha tshiimiswa.

¹⁵⁰ Muñwe murathu muñuku o dadzwaho nga Muya u do ya doroboni huno a imisa tshone tshiimi-... a imisa tshone-tshone tshigwada tsha vhudi tsha vhathe. Huno kha nyambedzano vha do tangana, nahone vharathu vhothe vhakhethwa vha pfectesana, ni a ñivha, huno ni ri, “U a ñivha uri mini? ndi a tenda Jones muñuku hafha,” (u tou vha muñuku vhukati havho) “Ndi elekanya u tea u vha na iyo thaberanakele ya vhudi khulu, ndi a elekanya. Naa a ni elekanyi uri izwo ndi zwone?” Hai, nne-nne. Afho u a tuwa. Huno zwenezwo tshividzo tsha balangana. Ni a vhona? Fhandekanyani hezwi! Mudzimu u a ita phandekanyo, Ndi Ene Ane a zwi ita. Fhedzi vhothe vha ralo, muñwe na muñwe, u khou ñoda u dzhia *hezwi* zwiñuku, a mu vheya ntha *hafha*, na *hezwi* fhasi *hafha*. Hoyo ndi muhumbulo wa muthu.

¹⁵¹ Muthu u na dzikhii, fhedzi Mudzimu o fara dzikhii zwavhuði-vhudì. Vha nea vhafunziwa, tshividzo tshikhethwa, dzikhii; huno lavhelesani lwa u thoma vha tshi dzi shumisa, musi Yudasi o wa nga u pfuka. Vho kuyhangana huno vha ita madeñwa; na vharathu vhakhethwa. Ndi nnyi ane a nga ri vho vha vha si vharathu vhakhethwa? Ndi nnyi ane a ri vho vha vha si vhakhethwa? Fhedzi vho ita madeñwa, huno zwa wela kha Mathia. Huno musi a... O vhuya a tou ita mini? A hu na. Fhedzi Paulo o vha a munagiwa! Amen. Hezwo ho vha hu u nanga ha Mudzimu: muñuku, mu imisi wa ninga, wa u goda, Muyuda wa mbiti. Hu si Mathia, na vha D.D., ni a ñivha, o—o vha... Ndi Paulo. Mudzimu o nanga Paulo; tshividzo tsha nanga, tsha nanga Mathia. Ni a vhona? A ni na pfanelo ya u vhudza Mudzimu uri O “khakha.” U a ñivha uri u tea u ita mini, U a ñivha uri muthu o itwa nga mini.

¹⁵² Ndi nnyi ane a nga vhuya a... Tshila tshividzo tsho vhuya tsha nanga Paulo? Oo, hai, na luthihi. Vho ri, “Hoyu muñhannga ndi ene ane a khou ri dzhenisa khotloni.”

¹⁵³ Fhedzi Mudzimu o ri, “Ndi do mu sumbedza zwine a do tambulela Nne,” U a ñivha uri mini.

¹⁵⁴ Zwothe zwo luga, hu si na ndavha uri ri elekanya uri ndi nnyi a ri ene, Mudzimu u a ñivha uri ndi nnyi a re khwine ngauri U a ñivha mbilu ya muthu, U a ñivha.

¹⁵⁵ Na mvuseledzo zwayo, kana na hezwi zwithu, zwi itea nga tshifhinga tshire ra elekanya uri zwi itea u itea. Ri elekanya, “Naa tshifhinga ndi tshone zwino, vhugala kha Mudzimu!” Ndō dzhiela nzhele kha tshigwada tshashu na zwiñwe zwa Vhanna vha Vhubindudzi, “Hu khou bvelela nga tshihađu, haleluya, mvuseledzo khulu!”

¹⁵⁶ Ni so ngo fhurwa, “O no da, nahone vho ita khae zwe zwa vha zwo ambiwa.” Ni a vhona? Fhedzi vha elekanya uri hu na mvuseledzo. Naa i khou itea? Hai! Yo fhela, nahone yo fa, yo fhela. Uh-huh. Dzhielani nzhele, hetshi ndi tshifhinga tsha u funga luvhone, u bvela nnda na u dzhena ngomu. “Avho vha lindelaho kha Murena u do vha vuseledza nungo dzavho.”

¹⁵⁷ Dzhielani nzhele hafha kha liñwalwa ḥashu, dzhielani nzhele kha Davita, khosi ya Isiraele, o vha a ene we a wana nzumbululo ya u vhuisela murahu mbulungelo ya Mudzimu fhetu hayo; hezwo, a vho ngo vhuya vha zwi vhudzisa nga maduvha a Saulo ngauri Saulo o vha o humela murahu. Ngauralo a vho ngo vhuya vha vhudzisa mbulungelo na luthihi, mulanga, maduvhani a Saulo, ngauri o humela murahu nahone a ṭutshela kule na Mudzimu. Ngauralo Davita, nga u tou ṭavhanya, nga ṭhuthuwedzo . . . Zwino dzhielani nzhele kha hezwi, ndi liñwalwa li ḍadisaho arali na sa li pfesesa zwone. Huno ndi pfa uri awara i khou da hune ra tea u vha vhanna madzuloni a vhushie. Uh-huh. Ri tea u vha na ḥama yo khwaṭhaho madzuloni a mafhi.

¹⁵⁸ Dzhielani nzhele Davita, khosi ya Isiraele, khosi yo vha i kha di tou bva u ḫoliswa u vha khosi; kana khosi yo nangiwaho, Saulo . . . Samuele o mu ḫolisa nga lufuno lwa Mudzimu; nahone o vha a khosi yo nangiwaho nga Mudzimu zwavhukuma-kuma, a hu na thimathimo khazwo. Huno khoyu afha, nahone ṭhuthuwedzo ya da khae. Zwo vha zwo dzumbululelwya Davita. O wana nzumbululo, a hu na muñwe muthu o ambaho tshiñwe tshithu nga hazwo. “Kha ri ṭuwe ri yo dzhia mbulungelo, ngauri holwo ndi lufuno lwa Mudzimu uri ri vhe na mbulungelo hafha, uri ri vhudzise Mudzimu nga heyi mbulungelo.” Zwavhukuma, tshithu tsha vhuḍi zwavhukuma. Naa a ni humbuli nga u ralo? Zwothe zwo luga.

¹⁵⁹ Elelwani, fhedzi, ene nga u vha khosi, nahone o wana nzumbululo, o pfuka fhetu hawe. Ho vha hu na muporofita shangoni nga dzina ḥa Nathani, o vha a ene we a vha o telwa u wana dzumbululo. Hu na zwothe zwine zwa tea u ambiwa, A ri, “Murena ha iti tshithu u swika A tshi zwi dzumbululela vhalanda Vhawe muporofita.” Fhedzi, ni a vhona, Davita nga u vha khosi, na ndodzo khae . . . Zwino, naa ulwo ndi Luñwalo? Ndodzo khae, nahone a wana nzumbululo; fhedzi zwo vha zwo khakhea: Ngauri Nathani o vha a muporofita wa tshikhathi; huno nzumbululo a i ngo vhuya ya da kha Nathani; huno musi nzumbululo i tshi da kha Davita, ho ngo vhuya a vhudzisa

Nathani nga hayo. U khou sokou ya u isa phanda na u ita zwe a vha a tshi khou Ძoda u ita. Uh-huh.

¹⁶⁰ Fhedzi dzhielani nzhele we Davita a vhudzisa hafha kha ndima ya 13, "Fhedzi o vhudzisa dzinduna dza vha zwigidi na mađana," murahu kha tshivhidzo tshawe. Ni a vhona? "Zwino, naa a ni elekanyi uri ri tea u zwi ita . . .?" Hezwo a si zwone. Zwino, o vha a tshi khou lingedza u itela Mudzimu tshumelo, fhedzi o vha a so ngo tiwa uri a zwi ite; ni a vhona, ngauri Mudzimu u na ndila.

¹⁶¹ U tou nga zwithihi sa musi Mudzimu o vha a tshi nga amba na—na khosi nga ha tshilonda tshawe na nga ha u fhola, fhedzi Ho ngo ralo, O ta ndila ya u zwi ita, hoyo o vha a muporofita Wawe. Ngauralo O amba na muporofita, Yesaya, a mu vhudza uri a humele murahu huno a vhudze Hezekiele zwine zwa do itea.

¹⁶² Zwino, Hezekiele o vha a tshi khou amba o livhana tshifhaṭuwo na Mudzimu, huno—huno Mudzimu o vha a tshi nga amba na Hezekiele, two tou ralo, fhedzi A ita iñwe ndila! Ni a zwi pfesesa? Mudzimu u na nzudzanyo Yawe Ene muñye ya u ita zwithu: ya u rumela dzimvuseledzo, ya u amba, ya u bula, tshi nga vha tshifhio na tshifhio. U na ndila Yawe ya u zwi ita, huno a ri tshithu tshire tsha nga Mu vhudza uri a zwi itise hani. U zwi ita nga ndila ine ya Mu takadza a tshi zwi ita.

¹⁶³ Ngauralo, ni a vhona, Davita, nga u tuṭuwedzea . . . Zwino, ni a elelwa ndo ri yone, ndodzo, ndodzo ya khole-khole? Elelwani Muya Mukhethwa u nga da huno wa dolisa muthu, huno zwi tshi kha di vha nnđa ha lufuno lwa Mudzimu. Hafha, Zwi sumbedzwa zwavhuđi hafha. Ni a vhona? Ri khou tea u fhira nga kha ndila ya Mudzimu ya u zwi ita, hu si dzindila dzashu, ndila ya Mudzimu ya u zwi ita. Ngauri, Davita, sa khosi, o doliswa, o doliswa nga Muya wa Mudzimu khae (tshifanyiso tsha Yesu Kristo), fhedzi heyo yo vha i si ndila ya Mudzimu.

¹⁶⁴ Huno tshivhidzo tshothe, "zwa vha takadza," Bivhili yo ralo. Dzhielani nzhele, dzinduna dza vha zwigidi na vha mađana, na vhotshifhe na vhorathiolodzhi vho elekanya uri hezwo ndi "zwavhuđi." Khezwo zwikolo zwanu zwa Bivhili na zwiñwe zwothe, vho elekanya uri ndi "zwavhuđi." Na vhatthu vhothe vha tendelana nazwo, na vhotshifhe, na—na vhothe vhavho vha tendelana na uri ndodzo ya khosi ndi yone. Dzhielani nzhele! Fhedzi Mudzimu ho ngo fulufhedzisa u dzumbulula Ipfi Ławé nga khalañwaha Wało khavho. Mudzimu u na ndila Yawe ya u dzumbulula Ipfi Ławé, fhedzi hu si khavho. Elelwani, zwo vha zwi tshi hanedzana na Mudzimu.

¹⁶⁵ Tshiñwe tshithu tshi nga ho zwa maduvhani a Mika murwa wa Yimila. Naa ni a elelwa itsho tshiṭori? Yuda na Isiraele vho vha vho fhandekanywa, nahone vho vha vha na mivhuso mivhili yo fhambanaho, huno Ahaba o vha a khosi kha muñwe muvhuso.

Huno Yosafata o vha a khosi—muvhuso wa Yuda, ndi a tenda two vha two ralo; huno Ahaba o vha a kha Isiraele, Yerusal̄ema.

¹⁶⁶ Dzhielani nzhele, huno afha ha bvelela tshigwada tsha vhatinda nahone vha dzhia tshipida tsha shango lo ɻetshedzwaho nga Mudzimu le Mudzimu a ɻetshedza kha Isiraele, huno havha Vhafilisita n̄tha hafho, kana Vhasiria, vho vha vho fara mavu nahone vha tshi khou kanzwa vhana vhavho u bva mavuni ane a vha a Isiraele. Huno ngauralo vho vha vha tshi khou ɻoda mavu uri vha kanzwe vhana vhavho na mīa yavho. Mudzimu o vha ɻea... Hedzo dzo vha dzipfanelo dzo ɻesthedzwaho nga Mudzimu.

¹⁶⁷ Huno Ahaba a vhidza Yosafata, huno a ri, “Tsela ngeno fhasi.” A ri, “Lavhelesa hafha zwine swina ɻashu la khou ita. Naa two fanela musi rine, vhatu vha Mudzimu, ri na pfanelo dzo ɻesthedzwaho nga Mudzimu uri ri dzhie li shango, ndi ɻashu, Mudzimu nga kha muporofita Wawe, Yoshua, o khethekanya heli shango, li tea u vha ɻashu, li wela kha rine, kha vhana vhashu, huno zwino hafha makomonisa vho li dzhia? Huno ri na... Ri na ndala nga maanda, huno vha na pfanelo dzashu dzo ɻesthedzwaho nga Mudzimu. Naa a u humbuli uri ri tea u ya afho n̄tha nahone ra dzhia shango ɻashu murahu? Arali wa nga badékanya mmbi dzau: arali inwi Vhamethodisi, na Vhapluresibatherieni, na vhothe, na Vhapluresibatherieni, na Vhalutere, na vhañwe, vhothe vha dzhena kha khoro ya thanganyelano ya zwivhidzo hafha zwino, ri do dzula rothe, nahone ri do dzhia hezwi zwithu.” (ndi khou amba na u ɻea nga tshifanyiso zwino.) “Ri do ya ra li dzhia.”

¹⁶⁸ “Ndi ngani,” a ri, “two tou ralo, rothe ri vhatihhi.” Uh—huh.

¹⁶⁹ Zwino, Bivhili yo ri, “Vhavhili vha nga tshimbila hani vhothe nn̄dani ha musi vha tshi tendelana?” Ni a vhona?

¹⁷⁰ Heneffo ho vha hu na uła muthu muhulu, muthu muhulu wa Pentekostała, Yosafata, o ɻanganana na gogo li si lone. Huno hezwo ndi zwe zwa itea kha Pentekostała yashu ɻamusi. Hu na vhañwe vhanna vha vhukuma ngomu afho, fhedzi vho tanganana kha gogo la dinomineisheni. Ibvani kha hetsho tshithu! Tsho señwa nga Mudzimu!

¹⁷¹ Dzhelani nzhele zwino! O vha a heneffo, huno a ri, “Ee, hezwo zwi a psesesea.” A ri, “Gariki dzashu ndi dzanu; vhatu vhashu. Na u rangani, rothe ri Vhayuda. Two tou ralo, ri do gonya na iwe.” Fhedzi hu kha di vha na vhurereli ho edanaho ho salaho kha Jeshoshaphat lune a ri, “A ni humbuli uri ri—ri tea u vhudzisa Murena u thoma?” Ni a vhona? “Ndi elekanya uri zwi do vha muhumbulo wa vhudi.”

¹⁷² Ndi ngani, Ahaba, “Two tou ralo.” A ri, “Ndi ngani, oo, two ralo, ndo vha ndo tea u humbulu nga ha izwo.”

¹⁷³ “Two luga, naa u hone munna wa Mudzimu huñwe fhethu? Naa ni na muporofita?”

¹⁷⁴ “Ah, ndi na vha mađana maņa. Ndi na khoro yothe fhasi hafha, dinomineisheni yothe. Vho vha vha vhaporofita vha Vhahevheru.”

¹⁷⁵ Zwino elelwani, Bivhili yo ri vho vha vha “vhaporofita, vhaporofita vha Vhahevheru,” hu si vhaporofita vha sa tendi, vhaporofita vha Vhahevheru; tshikolo tshavho, seminari ya thiolodzhi.

¹⁷⁶ “Zwo luga, vha ñiseni!”

¹⁷⁷ Huno dzikhosi dza ñi lugisa nahone dza dzula phanda hawe uri a takadze muporofita. Huno afha ha bvelela, ndi a tenda ho vha hu Tsedekia we a bvelela, mulanguli muhulwane wa khoro ya vhanna vha dzingu, kana zwezwo zwe a vha a zwone, a bvelela heneffo vhukati havho. A diitela mañanga mavhili, a ri, “Ndo pfa u bva ha Mudzimu. ARAŁO MA AMBA MURENA, ‘Nga haya mañanga ni ño kunda Vhasiria u bva shangoni.’”

¹⁷⁸ “Oo, vhugala!” muñwe na muñwe a elekanya uri zwo vhaa zwi zwavhuđi, zwo luga.

¹⁷⁹ Lavhelesani uri zwi sendela tsini hani na khuda ya luare zwino, vhukati ha zwone na zwi si zwone. Huno elelwani zwi ño wela kha muthihi kana iñwe thungo, u swika zwi tshi tsa fhasi tshinwe tshifhinga sa ñhodzi ya luare vhukati ha phambano ya zwone na zwi si zwone. Zwi tea u vha Ipfi liñwe na liñwe la Mudzimu; hu si khañwe Ipfi liñwe na liñwe, fhedzi Ipfi liñwe na liñwe! Huno zwo swika ñamusi, hu si kha Vhalutere, hu si kha Vhamethodisi, hu si kha Vhapentekostał, fhedzi kha tshikhathi tsha ñhodzo ya mulwa na kristo yo khunyelela, i ño fhura Vhanangiwa, vha ño wela kha thungo i si yone arali vha sa zwi lavhelesa, sa bulannga. Lavhelesani! Ñhogomelani! A ri khou tshila kha tshikhathi tsha Pentekostał zwino. Ro fhira itsho tshikhathi, sa u tou nga ro fhira Łułtereni, huno ra fhira... Ni a vhona?

¹⁸⁰ Dzhielani nzhele. Zwino vhaporofita vha porofita vhothe, mađana maņa avho, vho kanzwa zwavhuđi, vho dzudzanywa zwavhuđi, vhaporofita vha Vhahevheru vho vha ñea vhuťanzi, muhumbulo muthihi, “ARALO MA AMBA MURENA, ‘Gonyani, Murena u na inwi.’”

¹⁸¹ Yosafata a ri, “Zwo luga, hezwo—hezwo zwi pfala sa zwavhuđi. Fhedzi,” a ri, “naa ni na muñwe-vho?”

¹⁸² “Muñwe-vho? Ri na dinomineisheini yothe hafha, ri na khoro yothe yo kuvhangana hafha. Ndi ngani ri tshi ñoda muñwe-vho?”

¹⁸³ A ri, “Ah, fhedzi ndo elekanya uri khañwe hu nga vha hu na muñwe.”

¹⁸⁴ A ri, “Oo, ee, hu na muñwe, fhedzi ha weli kha heyi khoro.” Uh-huh. “Ndi bambukwa. Ndi Mika, murwa wa Yimila, nahone ndi a mu vhenga.” Ni a vhona? A ri, “A vha nga mu ñanganedzi kha vhuledzani, nahone u tou vha bambukwa zwało

na mathomoni. Huno u dzulela, zwo^{the} zwine a porofita, ha nga vhuyi a t^ut^uwedza seminari yanga na luthihi." Uh-huh. "Huno u ita hezwi zwo^{the} zwivhi, u dzulela u porofita zwivhi nga ha nne, uri a tou vha o fhambanaho."

¹⁸⁵ "Oo," Yosafata a ri, "ni so ngo tendela khosi ya amba zwithu zwo raloho. Fhedzi ndi do takalela u pfa zwine hoyo muthu a khou tea u amba."

¹⁸⁶ A ri, "Zwo luga, ri do mu wana." Ngauralo vha rumela huⁿwe fhethu sogani, huno vha rumu muthu.

¹⁸⁷ A ri, mu vhudzeni, a ri, "Zwino, ndilani ya u humela murahu zwino, ndi khou t^oda u ni vhudza zwiⁿwe zwithu. Naa ni khou t^oda u humela murahu kha dinomineisheni hafhu?" Ni a vhona? "Naa ni khou t^oda u vha na vhuledzani na vho vho^{the} hafhu? Arali zwo ralo, ambai tshithu tshithihi tshine mulanguli wa vundu a amba, ambai tshithu tshithihi tshine mubishopo a amba, huno vha do u vhuisa murahu. Zwino ndi tshifhinga tsha u zwi ita."

¹⁸⁸ Fhedzi naa ni nga elekanya mudodzwa, muporofita wa vhukuma wa Mudzimu a tshi titilidza kha Ipfi lithihi la Mudzimu? Hai na luthihi!

¹⁸⁹ A ri, "Vhunga Murena a tshi tshila, ndi do amba fhedzi zwe Mudzimu a amba!" Ri khou t^oda murwa wa Yimila. "Vhunga Murena a tshi tshila, ndi do amba zwine A amba." Hezwo ndi zwone, "Zwine A amba."

¹⁹⁰ Ngauralo musi vha tshi swika fhasi hafho phanda ha vhatu, vhaporofita vho^{the}, vha ri, "Zwino, ni ri vha . . ."

¹⁹¹ A ri, "Imani, mpheni madekwana a namusi, ntendeleni ndi vhone zwine Murena a khou ya u amba." Ngauralo, uvho vhusiku, Murena a bvelela khae nga kha bono nahone a mu vhudza zwine a tea u amba.

¹⁹² Matsheloni a tevhelaho a ri, "U ri mini, Yimila?" musi vho^{the} vho ima nn^{da} . . . ndi t^oda uri "Mika, murwa wa Yimila," a ri, "u ri mini zwino? Ro^{the} ri fhano ro kuvhangana, vhotshifhe vho^{the}, na vhaporofita vho^{the}, na dzikhosi dzo^{the}, na tshiⁿwe na tshiⁿwe tsho dzula hafha. Uh ri mini zwino kha iyi khoro khulu?"

¹⁹³ A ri, "Gonyela n^{tha}," a ri, "fhedzi ndo vhona Isiraele yo balangana sa nngu dzi si na mulisa."

¹⁹⁴ Huno Ahaba a ri, "Ndo u vhudza mini! Mufheti u kona fhedzi u porofita vhuvhi nga ha nne!"

¹⁹⁵ A nga amba hani tshiⁿwe tshithu-vho ngeno Mudzimu o vha a tshi khou amba tshithu tshi fanaho? Muporofita u fanela u vha mulomo wa Mudzimu a tshi amba, hu si ngelekanyo dzawe ene muⁿe. Yawe . . . Ni a vhona, u tou vha ofh- . . . o qikumedza lwo khunyelelaho kha Mudzimu, ha t^oda u vhaisa tshithu na tshithihi, fhedzi u tea u amba zwine Mudzimu a khou amba, ngauri ha na ndango Yazwo ene muⁿe. Ni a vhona?

¹⁹⁶ A ri, “Zwino, naa a tho ngo u vhudza?”

¹⁹⁷ Huno zwenezwo ha bvelela ene—ene muthu muhulu na ḥnanga, huno a mu vhanda kha mulomo, a ri, “Ndi ifhio ndila ine Muya wa Mudzimu wo ṭuwa ngayo musi U tshi bva kha ḥne?” Nga maṛwe maipfi, ntendeleni ndi lingedze u ni kwashekanyela hezwo, “Lavhelesani hafha kha... Lavhelesani hafha, ndi khou ṭoda u ni vhudza tshiñwe tshithu, Mika. Naa u a limuwa uri ndi mulangi wa Luñwalo? Naa u a limuwa uri ndi na ḥdodzo?” Kana, “Ndovhedzo,” ri nga ralo ḥnamusi. “Naa u a limuwa uri ndi na izwo?”

¹⁹⁸ Yimila a ri, “A thi thimatimi izwo.”

¹⁹⁹ A ri, “Fhedzi thetshelesa! Muya wa Mudzimu wo mmbudza, nahone wo hwala vhuṭanzi nga vhoṭhe vha madana maṇa hafha, uri ri ‘khou ya u sukumedzela Vhasiria nnda ha shango.’ Huno iwe u nnyi une wa ḫa nahone wa ri khosi khulu yashu i khou ya u vhulawa?” A ri, “Muya wa Mudzimu wo mmbudza.”

²⁰⁰ Ntendeleni ndi zwi kwashekanyelete uri ni zwi pfesese. Huno khaṇwe ri wana Mika a tshi ri, “Vhusiku ho fhiraho kha bono, muṇe wanga, ndo vhona Mudzimu o dzula kha Khulunoni. Huno nda vhona mavhuthu a Tađulu o kuvhangana u mona Nae, uh-huh, huno vho vha vho fara khoro Tađulu. Vha ri, ‘Ri nga wana nnyi ane a nga tsela fhasi huno a fhura Ahaba? Ngauri fhasi ha Khulunoni hafha ndi muporofita, muporofita wa vhukuma, dzina ḥawe ndi Eliya. Huno o porofita nga Ipfi Ḫanga nahone a ri “Vhuvhi ha Ahaba, ngauri o vhulaya Nabothe, mmbwa dici do ḥadzwa malofha a uyo munna muvhi,” huno ri khou tea u ita uri Izwo zwi vuledzee ngauri Zwo no ambiwa, Ndi A RALO MA AMBA MURENA! Zwi khou tea u vuledzea, zwi tea u ralo. Huno ri khou ya u zwi ita hani?””

²⁰¹ “Zwenezwo fhasi u bva kha vhurereli vhu kokovhaho ha vhoxelaho, fhasi heneffo ha ḫa mya u tshi fhefeda, a ri, ‘Ndi mufhuri. Arali nda nga U itela tshumelo, ndi do tsela fhasi huno nda dzhena kha muporofita wawē.’” Ngauri vho vha vho diimisa, vha do pfesesa tshithu tshithihi, huno hezwo ndi zwipfinyana. “Huno ndi do vha ita uri vha porofite zwifhi. Huno ndi do ita uri Ahaba a thetshelese avho vhadivhī madzuloni a muporofita Wau wa vhukuma; ngauri u do lingulula tshiñwe na tshiñwe tshireledzo yavho, ngauralo vha ya vhoṭhe nahone vha do farana. Ndi do ita uri Ahaba a vha thetshelese, a ya nnḍa afho. Huno ri do zwi ita nga u ralo.””

²⁰² “Mudzimu a ri, ‘U nga zwi ita, u mufhuri wa vhukuma; itsa afho fhasi.’”

²⁰³ Huno zwenezwo Zedekiah a mu vhanda mulomo, a ri, “Wo vha u gai...?”

²⁰⁴ A ri, “U do zwi wanulusa musi wo dzula kha sele ya nga ngomu.” Uh-huh.

²⁰⁵ A ri, “Gonya!” Tsedekia a ralo kha khosi. A ri, “Gonya nahone u vhuye nga mulalo!”

²⁰⁶ Ahaba a ri, “Dzhia uyo muthu huno u mu pange khothoni. Ni mu vhofhe, u mu kanzwe nga vhurotho ha ḥupho na mađi a ḥupho. Huno musi ndi tshi vhuya murahu na gundo ṥanga nnda hafha, zwe vhaporofita vhanga vho mmbudza u ri ‘heyi mvuseledzo yo itea,’” a ri, “Ndi do vhonana na hoyo muthu!”

²⁰⁷ Thetshelesani maipfi a u fhedzisa a Mika a tshi vhudza uyo muthu: “Arali wa vhuya, zwenezwo Mudzimu ho ngo amba na nnę.” Amen.

²⁰⁸ Ni a vhona, Mudzimu u na ndila Yawe ya u ita zwithu. Havha vhanna vho elekanya uri vho vha vha tshi khou itela Mudzimu tshumelo. Ḣogomelani! Hu si zwipfi, hu si mafulufulu, hu si khumbulelo, fhedzi zwi tea u vha “A RALO MA AMBA MURENA,” zwi tea u vha zwone. Zwoṭhe zwo luga, hu si na ndavha... Ri wana hezwi zwithu zwo ralo.

²⁰⁹ Dzhielani nzhele zwino musi Davita o ita heyi ndivhadzo khulu, huno zwi vhonala unga zwo vha zwi zwavhudı, tshithu tshavhudı tsha u ita. Zwenezwo ri wanulusa uri (Kani ndi khou ni netisā? Kani ndo no lenga u vha na inwe?) vho ita heyi ndivhadzo khulu, ho ngo vhudzisa muporofita.

²¹⁰ Zwino, muňwe na muňwe u a zwi ḫivha uri Amosi 3:7 yo ri Mudzimu o fulufhedzisa uri Ha nga vhuyi a ita tshithu na tshithihi u swika A tshi dzumbululela muporofita Wawe. Nga kha zwikhathi zwa tshivhidzo ro vha na vhavhuedzedzi; fhedzi zwo fulufhedziswa nga Maliaxe 4 uri hu do vha na muporofita shangoni mađuvhani a u fhedza (ngauri zwi tea u tshimbilelana na ndila, ni a vhona) phanđa ha musi tshifhinga tsha vhufhelo tshi tshi swika.

²¹¹ Phanđa ha musi Yesu a tshi da lwa u thoma, Eliya o da, Eliya wa Maliaxe 3. Mateo 11 i ralo, “Arali ni tshi kona u pfesesa, hoyu ndi ene we a ambiwa ngae, ‘Vhonani, Ndi ruma Wanga—murumiwa Wanga phanđa Hanga.’” Zwino, O porofitwa, vhorathiolodzhi vhoṭhe vho tenda izwo: uri duvhani la u fhedza, Muya wa Eliya u tea u da, nawo-vho. U tea u da luṭanu, Mudzimu o shumisa hoyo Muya: Elisa, Eliya, Yohane Mulovhedze, na kha tshivhidzo tsha Vhannda, huno zwenezwo kha Vhayuda kha Nzumbululo ndima ya 11. Hezwo ndi, t-s-h-i-l-i-d-z-i tsha Mudzimu, l-u-t-e-n-d-o, Y-e-s-u, Yesu, ndi—ndi maledere matanu. [In English: g-r-a-c-e of God, f-a-i-t-h, J-e-s-u-s—Trans.] A nga si ime kha maňa, a tea u ya kha maňanu. Ni a vhona? Dzhielani nzhele!

²¹² Zwino, O fulufhedzisa izwo, ngauralo hezwo zwi vheya Bivhili kokotolo kha lino duvha, na Sodoma na Gomora. Huno Eliya o vha a so ngo... Hoyo o vha a si Eliya; Hoyo wo vha u Muya wa Mudzimu kha Eliya; Eliya o vha a tshi tou vha muthu. Zwino, ro no vha na Vhoeliya, na madzhasi a Vhoeliya, na dzinguvho dza Vhoeliya, na Vhoeliya zwiñwe na zwiñwe. Fhedzi Eliya wa duvha lino ndi Murena Yesu Kristo. U khou tea u da u ya nga Mateo ya vhu fumisumba... Luka 17:30, ndi, Murwa wa muthu u khou tea u didzumbulula Ene munę vhukati ha vhathu Vhawe. Hu si muthu, Mudzimu! Fhedzi zwi do itea nga kha muporofita. Zwino, Ha athu u vhuya a vha na vhaporofita vhavhili vhahulwane nga tshifhinga tshithihi, na luthihi, shangoni. Ni a vhona? Hu si na ndavha uri hu na vhangana vha re hone... mbili—thoho mbili dzi nga si... Hu tea u vha thoho nthihi. Mudzimu u khou tea u wana muthu muthihi phasi ha ndango Yawe. Ni a vhona? Hu na Mudzimu muthihi; ho vha hu na Khotsi, Murwa, na Muya Mukhethwa, fhedzi Mudzimu muthihi nthia ha zweithe, dzhielani nzhele, nahone u tou shumisa idzo dziofisi. Ngauralo O ralo na kha Eliya, Muya wa Eliya; O shumisa hoyo Muya, fhedzi Mudzimu muthihi a tshi U langa tshifhinga tshothe u itela u vuledza Ipfi Lawe.

²¹³ Zwino, dzhielani nzhele kha hezwi zwino, Davita o elekanya uri u na tshiñwe na tshiñwe tsho dzudzanye. Huno o vha o t̄tuwedzea. Ni a vhona uri Muya Mukhethwa u nga dolisa hani muthu? Fhedzi zwi tea u vha nga ndila ya ndodzo. Muya wa nga nnnda u nga doliswa nga Muya Mukhethwa, huno maya u mutswu sa khalo. Tshene i aluwa nga magi a fanaho ane a fhata... ane a vheya vhutshilo kha vhele, a vheya vhutshilo kha tshene; fhedzi phasi kha tshene, ndi vhutshilo ha tshene. I khou takala, na u penya, nahone i na vhutshilo, nahone i khou ita zweithe zwine vhele la ita, fhedzi *muya* wayo ndi *tshene*. Ni a vhona? Vhafunzi vha khole-khole vha nga vuwa, vha funza tshaka dzothe dza vhuraru na zwiñwe zwithu zweithe, nahone vha doliswa nga Muya Mukhethwa, nahone vha ita madembe manzhi sa zwine Mafhungo madifha a ngoho a nga ita. Fhedzi nga Ipfi hafha, helo ndi lone li no zwi kona. Ni a vhona zwine nda sumbedza? Zwino, ndi zwavhuđi zweithe u funza izwi, ndi a humbulela, ndi—ndi kha theberenakele i si ya dinomineisheni ano matsheloni, kha—kha ino hodela hafha.

²¹⁴ Dzhielani nzhele, lavhelesani zwine ra khou amba. Zwino, zwe luga, thetshelesani. Davita o vha na zwipfi zweithe zwa uri heyo ndi mvuseledzo ya vhukuma ine a vha nayo. Dzhielani nzhele! Vho huwelela, vho tzhemelela, vho tshina, vho wana tshiñwe tshithu zwavhukuma kha iyo ndodzo. Ngoho zwe ralo! Vhothe vho takalela mvuseledzo, fhedzi, ni dzhielie nzhele, Mudzimu o vha a siho khayo. Mudzimu o vha a siho khayo. O vha a na muporofita o dzulaho heneffo shangoni. Vho vha vho fanela u zwi ñivha. Ni a vhona? Davita o vha o fanela u ñivha izwo.

²¹⁵ Tshiňwe tshithu ñamusi, ri na zwivhumbwa zwoþhe, sa dzidinomineisheni khulu, khuvhangano dza tshifhinga tshashu, fhedzi mvelelo dzi a fana sa zwe zwa itea murahu ngei; dzimvelelo dza khuvhangano dzashu khulu, na dzimbuno dzashu dzavhuði khulu, zwifhaþo zwashu zwihiulu, na zwashu zwihiulu...ri khou fhaþa dza zwigidi, na u engedza mirado na zwiňwe, zwo shanduka u vha zwithihi, zwoþhe ndi tshika. A thi khou amba hezwo u vha o fhambanaho, ndi khou amba hezwo u vha a fulufhedzeaho phanda ha Mudzimu, ane Bugu Yawe ndi khou ima ngayo ano matsheloni. Ni a vhona? Zwoþhe zwo shanduka u vha tshika, mvelelo dzi a fana.

²¹⁶ Zwino kha ri vhone zwe zwa itea musi Mudzimu (tshifhingani Tshawe na tshikhathi) na vhaporofita Vhawé vha sa dzhielwi nthá, vha sokou ñigogodzedza nga thiolodzhi, vhotshifhe, nga zwa dinomineisheni sa zwine ra ita ñamusi. Zwino, ndi tsini. Zwoþhe zwi a tanganana. Arali Muya wa vhukuma wa Mudzimu hafho, U ðó zwi rangela kha Ipfi; hu si fhetu huthihi kha Ipfi, Ipfi loþhe la tshikhathi tshoþhe. Ni a vhona?

²¹⁷ Duvha la Pentekoste, Muya wo zwi rangela henefho kha Izwo, kha Ýoele 2:38. Ni a vhona? Duvha la Luther, Wo zwi rangela kha Izwo; Wesley; kha uno mutshimbilo wa u fhedza wa Pentekostala; fhedzi hetshi ndi tshiňwe tshikhathi, hezwi ndi u vhidzelwa nnða ha Muselwa. Hu si miñwaha ya zwigidi zwivhili yo fhiraho ngei Pentekoste, kana ndovhololo, kana u vhuya. Pentekoste...

²¹⁸ Muya Mukhethwa wo vha u kha Luther, Muya Mukhethwa wo vha u kha Wesley; ndi Ipfi la Mudzimu li tshi khou doliswa. Huno Muya Mukhethwa wo vhuya vhathuni vha tshikhathi nahone vha thoma u vha mbuedzedzo ya dzimpho. Vha wanulusa, nga u dñinekedzela kha Mudzimu, Muya Mukhethwa wo amba nga dzindimi nga khavho. Vho vheya zwanda zwavho kha vhalwadze, huno vha fholo. Vho tshina kha Muya. Ni a vhona? Hetsho tsho vha tshi tshikhathi tsha Tshandululo vha tshi khou vhuisa tshivhidzo kha nzudzanyo. Huno ndaelo ya u fhedza ya tshivhidzo ho vha hu u vheya dzimpho kha tshivhidzo; vhunga Luther o vheya u itwa o lugaho, Wesley o vheya u itwa mukhethwa, Pentekostala yo vheya dzimpho. Fhedzi vho ita mini? Phoswo i fanaho, vhunga mvelo yo tevhela tsinde la vhele, vho dinomineitha, zwine zwa hanedzana na Mudzimu, zwo fhambana na Mudzimu.

²¹⁹ Zwino, ri wanulusa uri musi...Zwenezwo musi hoyu mukuvhanganyi wa tsinde a tshi da u kuvhanganya, vha vhumba kupfesesele kwavho. Huno hu si na ndavha...Musi one "maitele maswa," sa zwine vha zwi vhidza, a tshi bva kha Dzikuvhangano dza Mudzimu, vho ita mini? A vho ngo Zwi tanganedza. Hu si na ndavha uri zwo vha zwi Ngoho u swika gai, ndovhedza nga Dzina la Yesu Kristo, vho vha vho no vha

Khoro ya Vhoṭhe. Muthu o vha o no dzhia ndango, Muya wo vha wo no vha ḥutshela. Ndi zwone! Huno zwenezwo hezwi zwa bvelela . . . ndo amba na vhańwe vha vharangaphanda vhanu vha khwińe; vha ri, “Zwo luga, ri do ita mini zwino?” Vha nga dishonisa. Musi, vha a zwiđivha ūri ndi Ngoho; arali vha sa ralo, ndi mabofu a tshimuya na u dzhiela fhasi Bivhili. A thi khou amba izwo luvhi, zwino, ndi tshi khou amba izwo nga ḥthonifho. Ngauri, a hu na fhethu kha Bivhili hune muńwe muthu o vhuya a lovhedza nga hayo maimo, “Khotsi, Murwa, na Muya Mukhethwa.” Huno a zwo ngo vhuya zwa shumiswa u swika khoro ya thanganelano ya zwivhidzo, tshividzo tsha Katolika ya Roma. Maitele a mbudziso na phindulo avho a ḥanziela tshithu tshithihi. Ndi pfunzo dza Katolika! Hu si pfunzo ya Bivhili, fhedzi pfunzo ya Katolika. Huno vhoiñwi Vhamethodisi no bvisa maitele a mbudziso na phindulo ańu na zwińwe zwoṭhe sa zwe vha vha vha nazwo, ni khou tou aluwa nga zwiṭuku u bva khazwo. Fhedzi zwino musi ni tshi da kha Pentekoste, huno na phađaladza zwińwe zwa idzo pfunzo, ni kha di farelela khadzo.

²²⁰ Fhedzi zwino ndi u vhidzelelwa ha Muselwa, zwino musi Mapfundo A Sumbe o vulwa, zwino musi zwithu zwo fhelelaho zwe vhavhuedzedzi vha siedza zwi tea u vulwa; huno Maliaxe 4 fhedzi i nga zwi ita, ngauri zwi dzhia nzumbululo u bva tswititi kha Mudzimu u ya kha muthu a ethe u ita nga u ralo. Izwo ndi zwone! Zwi nga si de kha tshigwada, a zwi athu u ralo. Muthu muthihi! Hezwo ndi zwe Mudzimu a fulufhedzisa kha mirunzi ya u vhuyela Muselwa Wawe, Eliesere. Ni a vhona?

²²¹ Dzhielani nzhele musi vhotshifhe, vhashumeli, na vhańwe, vha tshi wana ḥuṭhuwedzo yavho, nahone vho doliswa zwavhukuma. Davita o vha o doliswa. Bivhili i ralo. Fhedzi, ni a vhona, o ya kha zwithu zwi si zwone, o ya kha ndila i si yone. O tshimbidza nqodzo yawe thungo i si yone, kha vhatnu na zwine vha elekanya, kha dzinduna, kha zwine vha elekanya, madzuloni a ndila khethwa ya Mudzimu u itela u wana zwe ARALO MA AMBA MURENA a vha a zwone, “Itshi ndi tshifhinga tsha izwi? Iyi ndi khalańwaha ya izwi? Izwi ndi lufuno lwa Mudzimu?”

²²² Zwenezwo arali a muporofita wa vhukuma wa Mudzimu, u do thoma uya phanda ha Mudzimu, a ri, “Khotsi, ndi mini?” sa zwe Nathani a ita kha Davita.

Davita o ri, “Naa zwo luga uri nne ndi dzule nduni ya muṭaululo, huno mbulungelo ya Mudzimu wanga i fhasi ha mađennde nnđa afho?”

²²³ Huno lavhelesani kha Nathaniele, a ri, “Davita, ita zwoṭhe zwi re mbiluni yau, ngauri Mudzimu u na iwe. U mudzio wo doliswaho nga Mudzimu.”

²²⁴ Fhedzi hezwo ndi u vha muporofita, na phoswo yawe, huno Mudzimu o vhofheya kha muporofita Wawe. Uho vhusiku A bvelela khae, a ri, “Tshimbila u vhudze mulanda Wanga Davita,

ndi takalela thuthuwedzo yawe, ndi a mu funa nga hezwi, ngauri u tou vha muthu phanda ha mbilu Yanga Nne muñe, nahone Ndi a divha uri ndi tshifhinga tshire mbulungelo Yanga i tea u vha nga heyo ndila, u vhewa fhasi ha tshinwe tshithu, fhedzi Ndi tou vha... A si khalañwaha ya uri zwi itee. Ndi do tendela murwa wawe a zwi ita, fhedzi A thi nga mu tendeli ene a zwi ita.”

²²⁵ Zwenezwo Nathani a bvelela na, “A RALO MA AMBA MURENA, Davita, nzumbululo khulu ine wa vha nayo yo khakhea sa zwiña musi u tshi vhuisa mbulungelo.” (Uh-huh! Uh-huh! Ni a vhona?) “U so ngo zwi ita. U so ngo zwi lingedza! Fhedzi Mudzimu o ri U do ita uri ‘murwa wau a zwi ite.’” Heneffo! Ni a vhona? Khezwo heneffo!

²²⁶ Davita o vha o doliselwa u amba izwo ngauri o vha a tshi kona u zwi vphonela phanda, vhunga Abrahamu o ḥodana na Dorobo kha lifhasi. Ni a divha, o vha a tshi khou ḥodana nayo ngauri o vha a tshi khou ya u tshila hafha liñwe ḫuvha, Abrahamu u khou ralo, kha iyo Dorobo. Huno a mona a tshi ḥodana nayo. Huno kha mavu mathihi he a lavhesa, zwo vha zwi tshi tou vha nthia hawé zwiña, huno i do vhuya nga Nwahagidi huno u do tshila kha iyi Dorobo. Fhedzi nga u vha muporofita, o vha o tiwa na u ṭutuwedzea, o zwi divha uri ho vha hu na Dorobo huñwe fhethu, nahone o vha a tshi khou ḥodana nayo. Fhedzi, ni a vhona, nzumbululo yothe yazwo o vha o i dzumbelwa. Zwo vha zwi si zwa tshikhathi tshawe. [A hu na tshithu kha theiphi—Mudz.]... u tsela fhasi kha Yohane, he a vhona i tshi tsela fhasi u bva ha Mudzimu ngei Tađulu. Heyo yo vha i Dorobo.

²²⁷ Ni a vhona, tshinwe na tshinwe tshi tea u vha nga khalañwaha yatsho. Ni ṭavha vhele lanu nga tshifheffo...kana nga khalañwaha yo fhiraho huno na li tumula tshilimo tshi tevhelaho. Ni a vhona? Li tea u fhira nga kha tsinde, zwenezwo la da nga kha malelevudza, huno gwati, huno la da kha... Zwi tea u vha nga khalañwaha. Mupo wothe u tshimbila nga u sielisana. Muya wa Mudzimu wo ita mupo, nahone zwothe Mudzimo na mupo zwi kha u sielisana. Zwithu zwothe zwe zwa vhewa themmbeleni zwo vha zwi tshifanyiso tsha zwe a vhona Tađulu.

²²⁸ Ni vhona muri u tshi khou gobagoba u tshi lingedza u tshila, hezwo zwi amba uri hu na muri u sa fi. Ni vhona muthu a tshi khou gobagobela vhutshilo, zwi sumbedza uri hu na theberenakele yo lindelaho huñwe fhethu i sa lovhi. “Arali ino theberenakele ya tshinyadzwa ri na inwe yo lindelaho.” Khotsi wavhuđi wa Tađulu o ntendela uri ndi tshimbile seli ha lupila liñwe ḫuvha huno nda zwi vhona. Ndi vhangana vho pfaho yone...?...Ni a vhona? Ndo lavhelesa seli ha lupila lwa vhutshilo. Heneffo ho vha hu tshi fana sa musi ndi tshi khou rera kha inwi nothe, heneffo vha ima. Mimuya fhasi ha aliṭare, i tshi khou lila, “U swika lini?” A si zwi siho, muñwe muthu a na ḫhalukanyo: “U swika lini, Murena?” Ni a

vhona? Musi ri tshi pfa izwo zwino, sa tshikhathi tshashu, sa Mukomana Bill Dauch hafha kha fuṭahe-raru. Hu na tshiňwe tshithu tsho ṭulutshelwaho uyo muthu muṭuku hafhu. Hu na tshiňwe tshithu... Ni nga netshedza tshiňwe na tshiňwe. Ndi nga tama hani u ralo. Mukomana Jack, na vhařwe vhashu vhoṭhe. Humelani murahu, Mukomana Gerholtzer, ngomu afha, kha vhula vhunna vhuswa. Ri khou ḥoda u zwi itela mini? U vha vhaṭuku nahone ra gidima-gidima hafhu? Hai, muṇe wanga! Ngauri ri pfa uri ri do vha na tshifhinga tshinzhi tsha u renda hoyu Mudzimu ane rā mu funa.

²²⁹ Huno vharathu vhanga vha funeaho, ndi na hoyu Mulaedza ano matsheloni, hu na Shango seli ha mulambo line vha li vhidza havhuđi u ya nga hu sa fheli. Henefho ri do Mu renda nga kha zwikhathi, na zwikhathi zwoṭhe, na u ya Lini na lini. Ndi ngani ri tshi pfa izwo? Ngauri tsho dzivhafhalaho tshi khou vhidzelela Tshodzivhafhalaho. Huno tenda tshodzivhafhalaho tshi tshi khou vhoodzelela, hu tea u vha na Tshodzivhafhalaho tsha u fhindula iyo mbidzo kana ho vha hu sa do vha na mbidzo. Phanda ha musi hu tshi nga vha na tsiko, hu tea u thoma u vha na Músiki wa u sika tsiko, kana a huna... Hezwo zwi sumbedza vhuṭanzi vhuthihi hune ha vha hone.

²³⁰ Dzhielani nzhele havha vhotshifhe, vhoṭhe vha nnđa ha mutalo. Dzhielani nzhele ya ndodzo, zwoṭhe zwo luga, a hu na tsho khakheaho kha ndodzo. Zwithihi na kha vhoinwi Vhapentekostała, fhedzi lavhelesani uri ndi ifhio ndila ine na khou tshimbila khayo zwino. Duvha lo shanduka u bva Pentekoste, tshiňwe tshithu-vho tshî khou itea. Arali hu so ngo vha na muporofita shangoni, khaňwe Davita o vha a tshi do vha a kha zwone. Izwo ndi zwone. Fhedzi ho vha ho ima Nathani, o khwaṭhisizedzwaho, o tiwaho, o ḥanzielwaho nga Mudzimu uri ndi muporofita.

²³¹ Lavhelesani! Mbulungelo kha Bivhili i dzulela u fanyisa Ipfi kha riňe, ngauri ho vha hu Ipfi la Mudzimu kha mbulungelo. Huno ho vha... Dzhielani nzhele mbulungelo ye vha i vhuissa, lavhelesani uri vho zwi ita hani. Yo vha i so ngo vheiwā kha vhuimo hayo ha vhukuma ho tiwaho nga Mudzimu. Zwino, Mudzimu o amba murahu hafha kha Mulayo uri i tea... uri zwi tea u itwa hani, uri heyi mbulungelo i tea u tshimbidzwa hani, na uri i tea u tshimbidzwa nga nnyi. Fhedzi Davita, fhasi ha ndodzo yawe...

²³² Murathu wanga, ni so ngo zwi ḥahela nga hezwi. Huno khaladzi dzanga, vhoinwi no no khou ḥoda u vha vhasadzi vha vhareri na zwiňwe zwinzhi, ni so ngo ḥahela hezwi. Hu si na ndavha uri ndodzo yanu ndi nngafhani, ni tea u dzhena kha vhuimo ho netshedzwaho nga Mudzimu. Ndodzo ya Davita yo vha yo luga, fhedzi kha u zwi ita o vha a na mafulufulu nahone a pfuka mutalo wa mukano. O ita mini? O pfuka mutalo wa mukano. Madzuloni a u vheya mbulungelo kha vhuimo hayo ha

vhukuma, a i hwala nga gariki ntswa huno hu si nga dzimbi lu dza Vha-Levi. Yo vha yo fanelwa yo hwalwa nga shada la Vha-Levi, line li tsini na mbilu. Ipfi a liho kha muhumbulo, Li mbiluni! “Hu si kha gariki ntswa.” Izwo zwe vha zwi mini? Vhañwe... Zwi sumbedza tshiñwe tshithu tshiswa, Davita o zwi ita afho, o vha a khou amba nga dinomineisheni inwe na inwe ine ya do vha hone. Ipfi la Mudzimu a li tei u vha nga... u hwalwa nga muvhusi wa muvhuso kana vhabishopho, na zwiñwe zwinzhi, zwa dzidinomineisheni. Ndi Ndovhedzo ya Muya Mukhethwa mbiluni ya muthu, huno hu si mutshimbilo wa vhufunzi. Muya Mukhethwa ndi lupfumo lwa lufuno lwa Mudzimu mbiluni ya vhanna na vhasadzi uri vha ḥonifhe. Ni a vhona?

²³³ Yo vha i kha mashada a vhashumeli Vhawe, vhashumeli Vhawe ho vha hu Vha-Levi. Ivheyeni kha shađa ḥavho la tsha monde nahone vha hwala iyo mbulungelo sa izwo, ngauri yo vha nthā dzimbi lu dza vho. Vho vha vha na ḥupho la Ipfi mbiluni dza vho. Amen! Zwino ni na muhwalo wa dinomineisheni yanu mbiluni yanu, muhwalo wa tshividzo tshanu: uri kana ni khou ya u fhata ḥewi, kana u ita zwila, kana u ita tshiñwe tshithu-vho. Muhwalo wa uri ndi vhañwe vhangana vhane na khou ya u wana kha dinomineisheni yanu; madzuloni a muhwalo wa Ipfi la Murena, uri vhathu vha vhone Ipfi la Mudzimu fhedzi nahone hu si tshiñwe tshithu-vho. Fhedzi no Lihwala nga gariki ntswa zwino. Ni a vhona? Vha khou Li hwala hafha kha khoro ya thanganelano, nga mashada. A thi ḥodi u vha musasaladzi, huno ngavhe Mudzimu a tshi nthusa zwino. Ndi khou tou ni vhudza Ngoho zwino.

²³⁴ Zwino, zwe tuṭuwedzwa nga maitele na dzikhoro dza thanganyelano ya zwividzo, Ipfi, Ipfi la vhukuma la khalañwaha ya tshikhathi lo vha lo nyadziwa, ngauri vho vha vha na zwipfi zwinzhi. Fhedzi Davita, khosi yo doliswaho... O vha a khosi, fhedzi o vha a khosi yo doliswaho. Ni ri, “Ndi mushumeli, o doliswaho.” Zwenezwo dzulani ni mushumeli, ni so ngo lingedza u vha muporofita. Ni a vhona? Arali ni muevangelii, dzulani ni muevangelii.

²³⁵ Elelwani Uzia, maduvhani a Yesaya, khosi ḥukhu... muporofita muṭuku. Uzia o vha a muthu muhulwane, muthu o doliswaho, Mudzimu o mu fhaṭutshedza; o di fhaṭutshedza. Ee, ndo ni rerela nga izwo kha vhoiñwi tshiñwe tshifhinga. Huno liñwe duvha a dikukumusa u swika hune a elekanya uri a nga sokou dzhia vhuimo ha tshifhe, huno a dzhia mulilo nahone a ya phanda ha Murena. Huno wone... Avho vhotshifhe vha mu vhudza, “U so ngo ita izwo, Uzia!” Fhedzi a dikukumusa. Muporofita o vha a s koni u mu vhudza tshithu. Vhotshifhe vho divha maitele avho, vho vha vha tshi khou tevhedza maitele, a ri, “Hayo a si maitele aña, Uzia. U so ngo zwi ita!”

²³⁶ Zwe luga, a vha ita uri vha “Fhumule!” Huno a dzhena na—na mulilo, uri a netshedze, u dzhia mushumo wa tshifhe; o vha

a khosi yo doliswaho, hu si tshifhe. Huno havho vhotshifhe vho vha vha tshi khou lingedza u mu vhudza, “U khosi yavhuđi, wo doliswa, Mudzimu o ri fhađutshedza nga iwe. Fhedzi u khosi, hu si tshifhe.”

²³⁷ Huno vhoiñwi vhafunzi a ni tei u vhudza muporofita zwine a tea u ita, kana vhoiñwi vhaevangeli na vhudza mufunzi. Ni a vhona, muñwe na muñwe u na ofisi yawe arali zwo ćaluswa lwo fhelelaho.

²³⁸ Ngauralo a dzhena ngomu na mulilo, huno a rwiwa nga mapele a lovha.

²³⁹ Zwino hafha ndi Davita, khosi. Davita u khou lingedza u ita tshithu tshi fanaho hafha. O zwi ita zwawe. “Zwo luga, izwo ndi zwone, ndi tea u ya.” A lavhelesa u mona kha vhatu, “Ni ri mini, nduna? U na vha zwigidi zwa fumi.”

²⁴⁰ “Vhugala kha Mudzimu, Davita, ndi a pfa Muya.” Oo, o ralo! O ralo U u pfa. “Ni elekanya mini, Davita? Naa u ya U pfa?”

²⁴¹ “Vhugala kha Mudzimu, Wo dala u mona na nñe! Kha ri zwi ćole nahone ri vhone arali zwi zwone, kha ri vhone. Mbulungelo i dzula gai?”

²⁴² “Na riñe! U dzula vhukati hashu.”

²⁴³ “Naa ri tea u vhudzisa nnyi? Zwo tou ralo, mbulungelo.” Zwi fanaho sa ala mavu a tshi wela kha—kha Isiraele madzuloni a Vhafilisića. Izwo ndi zwone, vha wela khalo. “Huno vhunga ndi tshi khou pfa ndodzo, na nñe-vho.”

²⁴⁴ Dzinduna dza vha mađana, tshivhidzo tšođhe, “Vhugala kha Mudzimu!” Vho vhanda, nahone vho huwelela, nahone vho tshina, na u fhufhela nñha-na-fhasi.

²⁴⁵ Vho vha vha na Muya, fhedzi ni elekanya uri Khotsi vho vha vha tshi khou elekanya mini? “Ndo rumela hani Nathani, uña muporofita phasi afho! Vha a divha zwine vha tea u ita, na ene Davita, fhedzi zwino u sokou vha na mafulufulu nahone o pfuka mutalo wa mukano nahone o ya a ita hezwi.”

²⁴⁶ Zwođhe zwo luga, dzhielani nzhele, “I hwaleni mashađani” ho vha hu ndivho ya vhukuma ya Mudzimu. Hu na ni-tea thanu. Ndi khou ćoda ni tshi ñwala hezwi phasi, arali ni tshi . . . ndi khou zwi vhone uri ni khou ñwala.

Huno ndi miniti ya fumbili, miniti ya fumbili na zwiñwe zwithu u bva kha iri ya vhufumi nñha ha tshithoma, ngauralo ndi do lingedza u vha ndo fhedza nga iri ya vhufumintihi nñha ha tshithoma, arali zwi tshi konadzea. Ndi do ćavhanya u ya nga hune nda kona.

Hu si na ndavha uri muthu u na vhungoho ha hani kha u itela Mudzimu tshumelo, hu si na ndavha uri u na vhungoho ha hani, o doliswa u swika gai, ni Muphuresibatherieni u swika gai, Mubaphuthisi, Mupertekostala; hu si na ndavha uri kana

ni mubishopho, mudikoni, tshini na tshini tshire na vha tshone, mufunzi, muevangel, muporofita, tshini na tshini tshire tshi nga vha tshone; hu na ni tea ḫanu dzine dza tea u dzhielwa n̄tha u thoma. Hu si na ndavha uri ndodzo ya hani, uri zwi vhonala zwi zwavhuḍi hani, uri vhathe vha khou huwelela hani, zweṭhe zwine Muya wa khou ita, hu na *ni-tea*.

²⁴⁷ Zwino, vharathu vhanga, musi ni tshi khou lugisa mabammbiri anu, ni a kona u pfesesa zwino uri ndi ngani? Zwino elelwani, noṭhe no elekanya, nahone no funziwa vhukati hanu, hu si . . . (ni a vhona, ndi khou amba u mona na lushaka) . . . uri a tho ngo tenda kha u amba nga dzindimi. Ndi a tenda kha u amba nga dzindimi, fhedzi ni nga amba nga dzindimi na vha ni si na Muya Mukhethwa. Vhakorinta ya u Thoma 13, i ri, “Naho nda amba nga ndimi dza vhanna na dza vharuňwa, a thi athu u vha tshithu.” Ni a vhona? Heyo ndi ndodzo ya Muya Mukhethwa, hezwo a zwi ambi tshithu kha maya u re nga ngomu hanu. Ni nga amba nga dzindimi huno na landula Ipfi. Ndo no zwi vhona zwi tshi itea, nahone ni a zwi vhona-vho. Ni a vhona? Musadzi a nga rera Mafhungo madifha huno . . . Ni a vhona? Vha nga ita zweṭhe . . . Vha a ḫunya mavhudzi avho, huno vha isa phanda na u huwelela na u amba nga dzindimi na zwiňwe zweṭhe. Uh-huh, izwo ndi zwone kokotolo. Ni tea u tshimbilelana na Ngoho ya Ipfi.

²⁴⁸ Dzhielani nzhele! Hu si na ndavha uri muthu a nga vha na vhungoho hani, hu si na ndavha uri u shumiswa zwihiulu hani nga Mudzimu, hu si na ndavha uri u nnyi, u tea u vha hezwi: u tea u vha . . . Tshithu tshire a khou amba nga hatshe tshi tea u rekanywa na Bivhili. Muňwe muthu u ri, “Zwo luga, Mushe murahu hafho.” Ndi a divhya zwe Mushe a ita, fhedzi hezwo a si zwine Mudzimu a khou ita ḫamusi. “Zwo luga, murahu hangei, miňwaha ya furaru yo fhirahō, Luther o ri . . .” Izwo zwi nga vha zwo luga, fhedzi hezwo a si zwine A khou ita ḫamusi. “Zwo luga, miňwaha ya fuiňa yo fhirahō, Pentekoste yo wa.” Fhedzi hezwo a si zwine A khou ita ḫamusi. Ni a vhona? Zwi tea u rekanywa.

²⁴⁹ Zwi tea u tshimbilelana na Luňwalo. Zwi tea u vha nga khalaňwaha, tsha vhuvhili. Tsha vhuraru, nahone zwi tea u vha nga ndila ye Ipfi la Mudzimu la zwi amba uri zwi do vha ngayo.

²⁵⁰ Huno ni ri, “Vhugala kha Mudzimu! Muya Mukhethwa wo wela kha nn̄e, haleluya, sa zwe Wa ita nga Duvha la Pentekostała.” Fhedzi hezwo zwi nga vha zwo fhambanaho ḫamusi. Wo wela kha Davita, nae-vho, kani a u ngo ralo? Zwo ralo, Wo ralo. Wo wela kha Uzia, fhedzi zwo vha zwo khakhea! Ni a vhona, ni tea u tsa vhudzivhani u fhira izwo zwino. Mi a vhona? Ni tea u tsa vhudzivhani u fhira izwo. Zwino, ni so ngo vhaisala, itanu—itanu dzika.

²⁵¹ Huno dzhielani nzhele, nahone u tea u da kha muthu o nangwaho nga Mudzimu. Hu si o nangwaho ngā dinomineisheni,

hu si o nangwaho nga vhathu, fhedzi u ya nga u nanga ha Mudzimu. Huno arali hu mulaedza u bvaho ha Mudzimu, wa nzumbululo khulu i bvaho ha Mudzimu, i tea u da kha muporofita Wawe. Zwino, arali ni tshi khou todha Luñwalo lwazwo, ndi Amosi 3:7. Ni a vhona? Zwino, zwi tea u ralo.

²⁵² Hu na zwithu zwiñanu zwine zwa tea u ralo: Zwi tea u vha nga khalañwaha. Zwi tea u vha nga tshifhinga tshe Mudzimu a ri zwi do ralo. Zwi tea u vha zwo ñwalwa kha Ipfi la Mudzimu. Zwi tea u vha zwi nga khalañwaha ya tshifhinga tsha Mudzimu, ni a vhona. Huno zwi tea u vha nga u nanga ha Mudzimu.

²⁵³ Huno Mudzimu ha todì na muthihi washu a tshi talutshedza Ipfi Lawe, Mudzimu Ndi Muñalutshedzi wa Ene muñe. Ha todì seminarı dzashu. Ha todì vhuñali hashu, ndi tshika. Ni a vhona? Efa o wana izwo, uh-huh, huno a kundwa nga Thalutshedzo nga vhuñali hawee.

²⁵⁴ Ni ri, “Oo, mutukana, houla muñhannga ndi muthu o talifhaho.” Zwo luga, hezwo a zwi ambi tshithu. Zwo ralo. Ahaba o vha a muthu o talifhaho. Beletsatsara o vha a muthu o talifhaho. Sañhani o vha a wa mvelo nahone ya vhufhuri, o thanya, a hu na na muthihi wañu ane a nga imedzana nae, a hu na na muthihi.

²⁵⁵ A thi ñitiki nga...na tshithihi...a hu na vhuñali, ndi tou ñitika nga Mudzimu. Ni a vhona? Mudzimu u hani? U tou vha Ipfi. Huno zwenezwo Mudzimu u talutshedza hani Ipfi Lawe Ene muñe? Thetshelesesani zwino, ni so ngo ñahela hezwi zwithu. Mudzimu u talutshedza hani Ipfi Lawe Ene muñe? Nga u Li ita uri li vuledzee, hu si linwe afha, fhedzi loþhe u itela khalañwaha.

²⁵⁶ Hu si u ri, “Noaxe tuwa nahone u rere, wo ñutuwedzwa,” fhedzi, “Fhaña gungwa, u vheye miñango khalo, u li lugise nga heyo ndila, na heyo ndila.” Mini-ha arali a vheya munango nga nt̄ha madzuloni a fhasi? Mini-ha arali a vheya fasitere nga fhasi, munango nga nt̄ha? Ni a vhona? Zwi tea u laedzwa u ya nga tshifhinga, ngauri hezwo ndi zwone kokotolo zwine Mudzimu a khou ya u li shumisa zwone. Zwi tea u vha nga heyo ndila, nahone zwi tea u da nga ñhuthuwedzoo.

²⁵⁷ Ndo pfa muñhannga a tshi amba tshiñwe tshithinga, a ri, “Ndi a tenda uri houla muthu u a rabelela vhalwadze, ndi a tenda uri zwo luga. Fhedzi nga u vha muporofita,” a ri, “Ndi a tenda u muporofita wa Mudzimu; fhedzi mufunzi, ndi ngani, ndi wa ‘Yesu fhedzi.’” Tshithu-de...Uyo ni nga mu vhidza muthu wa lushaka-de? Muthu ha ñivhi zwine a khou amba nga hazwo.

²⁵⁸ Ipfi muporofita li amba u ri “ndi mudzumbululi wa Ipfi la Mudzimu,” ñhalutshedzo i da kha hoyo fhedzi. Huno ndi ngazwo namusi ri kha ñhodea yo raloho ya hoyu muthu muhulu ane a khou tea u rumelwa kha riñe kha tshivhumbeo tsha muporofita Eliya, ngauri zwi do vha nzumbululo ya Mudzimu i tshi ñivhiswa nga u khwathisedzwa, zwi tshi sumbedza uri ndi

duvha na awara na khalañwaha ye Mudzimu a i fulufhedzisa uri zwi do vha ngayo. Huno, elelwani, u do ambiwa a tshi lwiwa nae; two dzulela u ralo, zwi do dzulela u ralo. U do landulwa, sa vhunga gwati li tshi do kokodza... Mathomoni u do t̄anganedzwa, ngauri gwati la fara vhele fhedzi u swika li tshi kona u bvela kha duvha. Pentekoste i do kona u tsireledza Mulaedza fhedzi, i do Ú nea munango wo vuleaho u swika U tshi balanganywa, huno zwenzwo gwati li do bvela kule, huno vhele li do dzula Vhuhoneni ha Murwa, ni a vhona, u itela u vibvba.

²⁵⁹ A hu nga vhi na dinomineisheni na nthihi, itanu elelwa. Mukomana Jack hafha ndi mudivhi wa divhazwakale, vhanzhi vha vhoinwi hafha no tou ralo. A hu athu u vha na mvuseledzo fhedzi ya u yela kha miñwaha miraru murahu ha mvuseledzo vha thoma dinomineisheni khazwo. Izwo ndi zwone? Huno heli dembe l̄ihulu la u fhedza la mutshimbilo wa Mudzimu mađuvhani a u fhedza, lo thoma miñwahani ya fumbili; nahone li maela dza milioni nga vhukule kha dinomineisheni, li khou sendela kule tshifhinga tshothe; gwati li khou bvela kule, a hu na matshilisano, a hu na tshithu na tshithihi Khazwo. Ni a vhona? Tshifhinga tshothe zwi sendela kule Khazwo. Hu nga si tsha vha na zwinwe, ndi vhele zwino. Fhedzi ro dalafhala nga maanda. Uh-huh. Izwo ndi zwone. Ri tea u dzula Vhuhoneni ha Murwa uri ri vhe vhatete, ndi zwezwo fhedzi. Ro dalafhala nga maanda; a ri na vhungoho, vhukhethwa, tshithu tshine ra tea u vha natsho vhukati hashu, u divha uri Muya wa Mudzimu a tshilaho, u khou tshimbila kha Ipfi Lawe nahone u khou ri sumbedza zwithu, naho.

²⁶⁰ Ri na u edzisela ha mazwifhi ho vuwaho. Izwo zwi khou da u ita mini? U fhura. Bivhili yo ri vha do ralo. "Sa Yamburesi na Yannesi vho pikisa Mushe, na avho mađuvhani a u fhedza." Ni a vhona? Vha a ita tshithu tshi fanaho, vha bvelela vha tshi Zwi edzisela, kokotolo. Ni a vhona? Thogomelani! Lavhelesani Pfunzo ya Bivhili. Lavhelesani mulaedza u no tevhela zwiga! Tshi kha di vha tshikolo tshithihi tsha kale tsha mulaedza? Hangwani nga hazwo!

²⁶¹ Mudzimu o rumela mađembe na zwiga u kunga muhumbulo wa vhatu Vhawé. Musi Yesu a tshi da a tshi khou sokou fhodza vhalwadze na zwinwe, na vhaporofita vho ralo. Vho elekanya, "Oo, vhugala, U khou da, U khou ya u vha Mufarisei. U khou ya u vha Musadukei."

²⁶² Fhedzi A ri, "Vhoinwi murafho wa dzinowa na mavulu-vulu." A ri, "Ni vha khotsi aŋu diabolo, mishumo yawe ni do ita." A ri, "Nga nda ha musi na la nama ya Murwa wa muthu, na ñwa na Malofha Awe, a hu na Vhutshilo kha inwi." Ho ngo Zwi t̄alutshedza. O vha a so ngo tea u Zwi t̄alutshedza. Haleluya. Hezwo two vha zwi zwa iñwe khalañwaha. Uh-huh. O sokou amba zwe A vha a tshi khou tea u amba, "Ndi dzulela u ita hezwo zwi takadzaho Khotsi, huno hezwo ndi u tevhedza Ipfi Lawe.

Arali Nda sa ralo, vhutshilo Hanga na mishumo Yanga a zwi vhambedzei na Ipfi Lawe line nda khou tea u ita, zwenezwo ni so ngo Ntenda, a si nne Ene; fhedzi arali zwi tshi ralo, zwenezwo tendani mishumo arali ni sa koni u Ntenda,” O ralo.

²⁶³ Dzhielani nzhele zwino hedzi *ni-tea* dzine dza tea u itiwa.

²⁶⁴ Zwino, ni a vhona, Mudzimu ho ngo tea u vha dzumbululela tshithu nga ndila Yawe ye a i netshedza, O zwi dzumbulula nga thutuwedzo, fhedzi yo vha i ndila i si yone. Ni a vhona, thutuwedzo i do vha yone, fhedzi arali zwi nga ndila i si yone, zwi do itea nga ndila yo khakheaho. Vhunga ni tshi dzhia gulu nahone na i thuntsha no livhanyisa, i tshimbila yo livha ho livhanyiswaho, fhedzi muya u vhudzulaho u nga i vhudzulela nn̄da. Zwino, kha modoro-kara wañu, ni gidima dza furathi, maela dza fusumbe nga awara huno muya u vhudzulaho wa ni vhudzula, ni nga sombelo mavhili aq̄u murahu, na a vhisa murahu ndilani. Fhedzi ni nga si ralo kha gulu; a hu na tshithu hafho tsha u dzudzanya mavhili ayo, yo kunda tshipikwa. Ni a vhona, i tea u tshimbila nga ndila yayo ya vhukuma.

²⁶⁵ Ngauralo na Ipfi la Mudzimu li tea u tshimbila nga ndila Yalo ya vhukuma. A hu na muya matuku u vhudzulaho une wa khou ya u Li vhudzula; a hu na dinomineisheni thukhu, kana tshithu na tshithihi, tshine tsha khou ya u Li vhudzula; a hu na matupho matuku ane a khou ya u Li vhudzula: Lo livhanyiswa na fhethu! Li khou ya u kala henehfo, nalo-vho. Huno zwenzwo Mudzimu, musi Li tshi rwa fhethu, Mudzimu u do Li khwathisedza, “Maño a mboho!” Uh-huh, kokotolo zwe A amba uri U do ita. Khezwi afha kha Mañwalo, hezwi, “A RALO MAAMBA MURENA, ‘Zwi do vuledzea!’” Khezwi afha. Ni a vhona? Khezwo-ha.

²⁶⁶ Zwino, Mudzimu ho ngo zwi dzumbulula nga ndila Yawe ye a i netshedza. Ngauralo vha ya u zwi ita nn̄dani ha Ipfi Lawe, na nga nn̄da ha khalañwaha, zwithihi sa zwine vha vha nazwo zwino. Musi vhanna, hu si na ndavha uri vha na vhungoho hani, vho lingedza u Mu itela tshumelo nga nn̄da ha ndila Yawe ye a i netshedza, vha dzulela u kundelwa. Sa Biliamu, Biliamu o elekanya uri o vha a tshi khou itela Mudzimu tshumelo.

²⁶⁷ Naa ni elekanya uri Mudzimu u a zwifha? Naa Mudzimu u a vhuya a shandukisa muhumbulo Wawe? Zwo luga, vhatu vha tshila ñamusi unga O zwi ita. Musi o amba uri vhasadzi vha so ngo ñunya mavhudzi avho, vha ri, “Ri nga a ñunya, Dokotela. *Mukene-na-mukene* o ri ri nga zwi ita. Mukomana *Mukene-na-mukene* o ri u tou vha na muhumbulo wo pwanyeledzeaho.” Uh-huh, uh-huh. Ni a vhona?

²⁶⁸ “Zwo luga, naa *izwi* zwi nga itea? *Izwi* zwo itea?”

²⁶⁹ “Ee, uh-huh, *Mukene-na-mukene* vho ralo.”

²⁷⁰ Mudzimu ha shandukisi muhumbulo Wawe.

²⁷¹ Naa ni a tenda uri Biliamu o vha a muporofita? Bivhili yo ri o vha o ralo. Naa ni a tenda uri o vha a muporofita? Zwino, elelwani, Balaka o da khae huno a ri, "Tsela fhasi huno u seme havha vhathu, ngauri vho dadza hothe kha lifhasi. A vha vhuyi vha vha dinomineisheni, hu si lushaka, vha tou vha tshigwada tsho balanganaho; huno ri vha divhaleya vha shango. Zwino itsa fhasi hafho nahone u seme havho vhathu, huno ndi do u badela."

²⁷² Huno Biliamu a ita kokotolo zwine muporofita a tea u ita, a ri, "A thi nga yi. Iwe thoma u lindele, vhusiku uvhu, ntendele ndi vhone zwine Mudzimu a amba uri ndi ite."

²⁷³ Ngauralo a dzhena ngomu, a ri, "Murena, hu na vhañwe vhathu nn̄da hafho vho da kha nñe, vha khou ñoda ndi tshi tsela fhasi huno nda sema vhañwe vhathu heneffo fhasi." A ri, "U khou ñoda ndi tshi ita mini nga hazwo?"

²⁷⁴ Mudzimu a ri, "U so ngo ya, ngauri avho ndi vhathu Vhanga!"

²⁷⁵ Biliamu a tuwa, a ri, "Humela murahu nñuni yau. Ndi nga si tuwe na iwe, Mudzimu o mmbudza uri ndi so ngo zwi ita." Zwino, afho ndi Ipfi la Mudzimu la vhukuma: "U so ngo ya!"

²⁷⁶ Zwo luga, zwenezwo vha humela murahu, vha ri, "U a ñivha, mubishopho wau ho ngo thetshelesa."

²⁷⁷ "Zwo luga," khosi yo ri, "ri u vhudze zwine ra ita. U khou ñoda tshelede ñukhu, ndi a tenda hezwo zwi nga mu kwengweledza. Kana khañwe ndi do mu ita muvhusi wa muvhuso, khañwe ndi do mu wanela zwiñwe zwithu zwiñhulu zwa u ita. Ndi nga mu ita mubishopho, ni nga si ambe zwine ndi nga ita. Hafha, ndi do ni vhudza zwine nda do ita. Vhoinwi vhathanga a ni na pfunzo yo edanaho u mu kwengweledza zwo diralo; yawe na ho ngo dzanu, na u sumbedza na u dzhia na u hwala, a si zwone. A nga si ni thetshelese, ri do rumela tshigwada tsha vhudi tsho funzeaho, vhañali vhanzhi."

²⁷⁸ Vha tsela fhasi heneffo, vha ri, "Dokotela Biliamu, Dokotela Biliamu, dzindumeliso kha iwe. Ndi u ñisela khuliso u bva ha khosi."

²⁷⁹ "Ndi matsheloni, vharathu." Ni a vhona?

²⁸⁰ "Zwino, Dokotela Biliamu . . ." Huno, oo, ñivhaipfi, zwo vha zwo bviselwa hani nn̄da. Huno a ri, "Zwino, khosi yo amba uri i do u hulisa, nahone u do u nea malambla mahulu. Huno, ni a ñivha, vho u netshedza tshelede nnzhi zwavhukuma u dzhia heyi ndango, fhedzi khosi yo ri i do i ita kararu, kaña, arali wa nga tou da wa zwi ita." Zwenezwo, Biliamu o vha a na zwanda zwi ñothonaho, zwo ralo. A wana mihumbulu ya vhutsilu nahone ya karusa muhumbulo wawe.

²⁸¹ Zwino, elelwani, o vhidza Mudzimu ngazwo, o doliswa, fhedzi a sendedzela Mudzimu kule kha ndivho ya vhukuma. Hezwo ndi zwone kokotolo zwe Pentekoste ya ita! U ñivhaleya,

inwi vha Vhuthihi, inwi vha Vhuraru, u itela u divhaleya no dinomineitha uri ni vhe vho fhambanaho, no diimisa nahone no fa! A ni tsha do vuwa hafhu. Fhedzi, ni a vhona, no vha no fanela u vha no ima na la Mudzimu la vhuk- . . . O ni kokodzela nn̄da ha Khuvhangano uri a ni ite vhāthu, fhedzi no difhatela na humela murahu kha mañanza mathihi e na (mpfareleni) bva khao, kha tshithu tshithihi tshirelo na bva khatsho, “Sa musi mmbwa i tshi humela murahu kha mañanza na nguluvhe kha matope ayo.” Ndi farelwe nga u amba izwo, nkhangweleni, hezwo a si zwa vhudi kha pulatifomo hafha. Ni a vhona? Ndo tou amba hezwo ñamani hafha. Dzhielani nzhele zwino yone . . . hezwo ndi zwine nda amba, kha mañanza. Ndo vha ndo tea u zwi amba sa zwezwo. Ipfi lo vha lo luga, fhedzi lo tou shumiswa zwi si zwone. Ni a vhona? Lo shumiswa zwone, fhedzi lo tou unga zwi si zwone, ni a divha. Mañanza, “Sa mmbwa i tshi humela kha mañanza ayo.”

²⁸² Arali Dzikuhvhangano dia Mudzimu, Khorø ya Shango, yo imisa pentekoste u rangani huno ya vha issa kha izwo uri vha si tanganedze dzinzumbululo, naa a ni divhi, Vhuthihi, no ita zwi fanaho? Ni nga tanganedza hani Mulaedza wa “mbeu ya ñowa, tsireledzo ya Lini na lini,” na izwi zwinwe zwithu zwine zwa bvelela? No di kuvhanganya u swika hune ni nga si Zwi tendele munangomi wanu, uh-huh, uh-huhu, tshithu tshithihi na zwe Biliamu a ita. Fhedzi Mudzimu ho ngo shandukisa muhumbulo Wawe.

²⁸³ Ngauralo Biliamu o ya nahone a ri, “Murena, zwino lavhelesa, ndi na tshikhala zwino tsha u vha muñwe muthu. U a zwi divha uri ndo vha ndi muthu zwawe, fhedzi ndo wana tshikhala tsha u vha muñwe muthu. Uri mini nga hazwo zwino, Murena?” Zwino, o vha a tea a so ngo amba hezwo! O vha a tshi divha kokotolo zwe Mudzimu a mu vhudza uri kha ite!

²⁸⁴ Zwo ralo na kha muñwe na muñwe washu o lovchedzwaho dzinani la “Khotsi, Murwa, Muya Mukhethwa,” na kha hezwi zwinwe zwithu zwa Bivhili zwine zwa khou tea u ralo kha lino ñuþha, ni a divha uri ni tea u ita mini nga Hazwo, ndi u Zwi tanganedza! Musi ni tshi vhona Mudzimu a tshi zwi khwathisedza zwi khagala uri “Ndi Ngoho,” hezwo ndi Mudzimu a tshi khou  talutshedza Ipfi Lawe Ene mu e. Fhedzi ni do zwi ita naa? Hai, tshiimisa tsha u a tshi nga ni tendeli!

²⁸⁵ Vhashumeli vhanzhi hafho Tucson vhane vha khou thetselesa izwi ano matsheloni. Mukomana Gilmore, a thi lwi na iwe; Mukomana Brock, Khuvhangano ya u Thoma, na tshivhidzo tsha Vhukonani. Vhoinwi vhanna, ndo vha ndi heneffo itsho tshifhinga tsho he, a no ngo vhuya na ntendela ndi tshi dzhena ngomu. Ndi . . . Zwo ralo, no vha ni nga si ralo, ni nga si ralo huno na dzula ni zwine na vha zwone. Ni nga si tanganedze nzumbululo, ngauri no dinomineitha. Huno thetselesani, vhunga Uzia o vhulaiwa ngauri o vha a phasi ha  thu huwedzo i si yone, zwo ralo na kha Vhakriste

vhanzhi vha khou lozwa tshenzhemo tshavho murahu kha idzo dzidinomineisheni dza kale dzo faho, ngauri vha khou vheya tshanda tshavho kha Mbulungelo musi vha so ngo telwa u ita nga u ralo. Zwino ni nga Zwi tenda, kana ni si Zwi tende, zwi kha inwi. Mudzimu ndi Muhaṭuli waṇu. Mudzimu ha athu u humisela Ipfi Ławé murahu. Zwe a amba u rangani, U zwi amba lwa tshifhinga tshothe.

²⁸⁶ O vhudza Biliamu, “U so ngo ya!”

²⁸⁷ Huno zwenezwo Biliamu o vhuya murahu, a ri, “Fhedzi Murena, ndi nga ya?”

²⁸⁸ Zwino lavhelesani! Mudzimu o ri, “Tshimbila!” Zwino, O mu nea thendelo ya u ya. Hu na lufuno lwa u tou tendelela lwa Mudzimu, nahone hu si lufuno lwa vhukuma lwa Mudzimu. Ni a vhona khakhathi ye a dzhena khayo?

²⁸⁹ Huno muthu muňwe na muňwe ane a fhaṭa tshithu, tshiimiswa tshiňwe na tshiňwe, kana tshithu tshiňwe na tshiňwe nn̄da ha Ipfi ḥa Mudzimu, ndi miṭavha i dzginginyeho nahone i do mbondomela! Zwi do fa sa tshiňwe na tshiňwe, ngauri Ipfi ḥa Mudzimu li khou alusa Muvhili wa Muselwa. Ni nga si vhe Nazwo nga milenzhe yothe, zwanda zweithe, zwirumbi zweithe. Hezwi zwithu zwi ḥa nga khalaňwaha yazwo.

²⁹⁰ Huno pentekoste, no zwi ita zweithe tshithu tshithihi, ngauralo ni nga si tanganedze nzumbululo ntswa. Heyo ndi yone mbuno ni tshi dzula henefho hune na vha hone na lovha. Zwi a tshimbila. (Zwinzhi, a thi ḥodi u ni netisa.) Fhedzi Mudzimu ha shandukisi muhumbulo Wawe, tsheo Yawe ya u thoma ndi yone kokotolo. Ngauralo Mudzimu ha shandukisi muhumbulo Wawe, U tou ni tendela na ya kha lufuno lwanu lwa thendelelo. “Mudzimu ndi Mudzimu wa vhudi,” sa zwe Oral Roberts a amba. U ḥi vha Mudzimu a ofhisaho!

²⁹¹ Lavhelesani, u tou fana na musi ni tshi ri, “Vhugala kha Mudzimu, ndi khou ḥoda u amba nga dzindimi!” U ḥo ni tendela na zwi ita, fhedzi hetsho a si tshiga tsha uri ni na Muya Mukhethwa.

²⁹² Elelwani zwe Tomasi a amba, mutimatimi wa kale? “Nga nn̄da ha musi ndi na vhuňwe vhučanzi, ndi khou tea u vheya miňwe yanga kha zwibigiri Zwawe, zwanda Zwawe, na kha lurumbu Lwawe, a—a—a—a thi nga vhui nda Zwi tenda.” Zwino, khezwo afho, tshithu tshi fanaho.

²⁹³ Yesu o ri, “Khezwi ni fhano, Tomasi, vheya zwanda zwau henefha zwenezwo arali hu zwine wa ḥoda uri u divhé.” Ni a vhona? Ni a vhona? Zwino, arali ni tshi khou ḥoda ndila ya Tomasi, iyani phanda. Fhedzi O ri mini? “Malamba ndi mahulu hani a avho vhane vha tenda vha so ngo vhuya vha vhona.”

²⁹⁴ Dzhielani nzhele, dzhielani nzhele, nga u ita hezwi, o vhangalufu lwa muthu wa vhungoho, a tshi vheya tshanda tshawe kha

mbulungelo musi a so ngo tea u zwi ita. Zwi hulu, munna wa vhungoho, a tshi elekanya uri ndodzo na zwiñwe zwe the two vha zwi zwone, fhedzi mbulungelo yo vha i kha ndila yayo i si yone. "Phulu," Bivhili yo ri, "ya pepeleka," hu si Vha-Levi. Phulu ya pepeleka nahone mbulungelo yo vha i tshi khou wa; huno munna wa vhungoho, mbilu yawe yo dala lufuno, a vheya tshanda tshawe kha mbulungelo uri a i tike, huno a rwiwa a lovha ngauri a hu na muthu ane a kwama mbulungelo fhedzi Mulevi. Ni a vhona uri Mudzimu o tevhedza hani Ipfi Lawe, u tevhedza hani ndila Yawe, u tevhedza hani maitele Awe? Uzia o rwiwa nga mapele. Afha ndi Davita, zwe the two vha nga lufu lwa muthu, na tshinyalo khulu; vho doliswa nga Muya, vho the, fhedzi hu si nga ndila ya Mudzimu. Izwo ndi zwone? O lovha. Oo, zwa tshenusa Davita lu isaho lufunu, hu vhidzwa—dzina la fhethu, sa zwe Mukomana Jack a zwi vhala. Ni a vhona? O mu swaya henehfo.

²⁹⁵ Ndi lungana dzidinomineisheni dzo ita tshithu tshi fanaho kha vhatendi vha na vhungoho. Tshivhidzo tsha Katolika, tsha Methodisi, tsha Baphuthisi, tshivhidzo tsha Kristo, na tsha Vhapentekostała, zwe vhanga mpfu nnzhi dza tshimuya nga itsho tshithu tshithihi. Musi Zwi tshi bvelela, na hezwi zwithu, vho wana... huno a vha koni u ya phanda, ngauri hezwo ndi zwine dinomineisheni dzavho dza tenda.

²⁹⁶ Lavhelesani namusi, khuyhangano khulu, tshithu tshithihi. A vha iti tshithu fhedzi u vha ita vhunzhi ha "u vha nwana kavhili wa hele, u ɳana u fhira zwe vha vha zwone u rangani." Zwi vha ita vha kondaho, zwavhukuma, idani kha Ngoho. Ivhani na inwe ya hedzi mvuseleldzo khulu, huno vho the vha a da, vha hwaleanyana, huno vha humela murahu nahone vha thoma u tshinya hafhu. Vha pfa nga ha inwe mvuseleldzo, vha ri, "Ah, ndi na zwiñwe zwa izwo zwithu, ndo lingedza. A hu na tshithu khazwo." Ni a vhona? A vha divhi ndila. A vha vponi.

²⁹⁷ Ndo pfa muevangeli washu muhulwane Billy Graham, o dzula linwe duvha kha vhuragane sa hezwi, huno a ri, "Nne..." Hafha, a vheya Bivhili ntha, ngei Louisville, Kentucky, a ri, "Afho ndi tsumbo ya Mudzimu." Huno hezwo ndi ngoho, muthu o amba ngoho. A ri, "Tshimbilani... Paulo o ya doroboni huno a wana o rembuluwaho muthihi, a vhuya murahu ha nwaha henehfo a wana vho rembuluwaho vha furaru kha uyo muthihi." A ri, "Fhedzi ndi ya doroboni nda wana vho rembuluwaho vha zwigidi zwa furaru, huno nda vhuya murahu ho no fhela minwedzi ya rathi huno a thi wani vha furaru." A ri, "Ni a divha uri thaidzo ndi mini?" A ri, "Vhoinwi vhareri vha bvafhaho," a ri, "ni dzula u mona na mulenzhe kha ʈafula na—na founela havha vhatu nga luñingo madzuloni a u vha dalela murahu ha zwiliwa zwa madekwana na amba navho."

²⁹⁸ Oo, mbilu yanga yo vha i tshi khou duga. Nda elekanya, "O munna muhulu wa Mudzimu, ndi a nyala u hanedzana na iwe

hafha, fhedzi ndi nnyi we a vha a mureri a bvafhaho kha vho rembuluswaho nga Paulo? Zwe a ita, o mu isa kha Ipfi, o mu isa kha Mulaedza, o mu isa he a wana hone Mudzimu; mbilu yawe yo vha i tshi khou duga, o dugisa shango! Huno tshithu tshi tshothe tshire na ita ndi u vha vheya kha Baphuthisi kana tshivhidzo tsha Methodisi, kana tshinwe tshithu, ngazwo hu si na tshithu tsha u duga.” Uh-huh. Ee, muñe wanga!

²⁹⁹ Zwenezwo lavhelesani kha zwe Ipfi la fulufhedzisa zwa namusi. Kha ri wanuluse uri kani ndi Methodisi, Baphuthisi, Pentekostała, kana ndi mini, zwa ñamusi. Zwino ni nga ya u vhala kha Mañwalo aña. Dzhiani Mañwalo e nda ni bulela. Na Nzumbululo . . .

³⁰⁰ Arali ndi na tshifhinga, ndo vha ndi tshi do a vhala, fhedzi ndi tou vha ndi si na. Ndi na miniti ya fumimbili kana fumiña yo salaho. Ndi khou tea u vala nga tshifhinga, nga iri ya vhufuminthihi, arali nda swika zwone.

³⁰¹ Dzhielani nzhele Małiaxe 4, Nzumbululo 10, Mapfundo A Sumbe. Naa Bivhili a yo ngo ri . . . Zwino lavhelesani! Ho vha hu na Muruńwa, Murumiwa a bvaho ngei N̄tha, nahone murumiwa wa kha lifhasi. Huno murumiwa muńwe na muńwe o vha a wa tshikhathi tsha tshivhidzo. O ri, “Mađuvhani . . .” a tshi amba zwino, “ha bvelela Muruńwa, Murumiwa” (ipfi *muruńwa*, ipfi la Tshikuwa li amba “murumiwa”). “. . . a tsa a tshi bva Tađulu, A vheya mulenzhe Wawe kha shango na kha lwanzhe, nahone a ana nga Uyo a tshilaho u ya nga hu sa fheli uri a hu tsha do vha na tshifhinga.” Izwo ndi zwone? Musengavhadzimu wo mona na ḥoho Yawe, nahone hezwi zwithu zwi khou itea. Hoyo Muruńwa ho vha hu Kristo! Zwo tou ralo! Fhedzi O ri mini? “Fhedzi mađuvhani a muruńwa wa vhusumbe, tshikhathi tsha tshivhidzo tsha vhusumbe.”

³⁰² Zwi dzulela u vha magumoni a tshikhathi tsha tshivhidzo hune vha wana zwithu zwo sokou . . . vhufunzi ho ḥanganana u swika hune Mudzimu a rumu murumiwa, nahone hoyo ndi Mulaedza wa tshikhathi tsha tshivhidzo. Zwenezwo havho vho dzhiaho mulaedza wawe, ngauri u tou tshilanyana, huno Mudzimu . . . zwenezwo vha dzhia mulaedza wawe madzulomi a u isa phanda na zwińwe zwothe Zwawo, vha ita yone—yone dinomineisheni. Huno zwenezwo vha da vha ita ińwe dinomineisheni; muńwe murumiwa, a dzhia muńwe.

³⁰³ Nothe no zwi vhona kha bugu yanga, zwo oliwa kha *Zwikhathi Zwa Sumbe Zwa Tshivhidzo*, zwine O mmbudza; zwine nda imasa ḥanzi ya Mudzimu ane a do hađulwa nga duvha la Khađhulo nga n̄thani Hazwo. Zwi bva ha Mudzimu, hu si kha ngelekanyo dzanga. Dzhielani nzhele, hafha. Ndo elekanya—ndo elekanyazwo fhambanaho kha hezwo, arali ndo vha ndi tshi khou ya u vha na ngelekanyo dzango nñe muñe. Vhunga Mukomana Jack o mmbudza nga ha Muruńwa heneffo, hani

“Houła Kristo o vha a muvhili u na vhugala.” Fhedzi zwo vha zwi so ngo ralo, zwo vha zwi tshi khou sumbedza uri Mulaedza ndi wone, Vhukhethwa Vhuhulu, O vha a Mudzimu. Ni a vhona? Tshithu tshithihi tshe nda vha ndi tshi khou rera u bva kha Ipfi. Ipfi li dzulela o hwala vhułanzi ha Ipfi.

³⁰⁴ Zwino, nga u tou ḥavhanya zwino, musi ri tshi khou lugela u vala nga tshikhala tshiṭuku.

³⁰⁵ Zwino, O ri, “Mađuvhani a Mulaedza wa muruňwa wa vhusumbe, muruňwa wa lifhasi, tshikhathi tsha tshiyhidzo tsha vhusumbe, zwenezwo hezwi zwiphiri zwothe zwo xelaho murahu kha izwo zwiňwe zwikhathi zwa rathi zwa tshiyhidzo zwi do tea u dzumbululwa zwenezwo.” Zwo luga, hezwo ndi zwone kokotolo zwe havho Vharuňwa vha amba. Kheya Mapfundo A Sumbe, kana u vulwa ha izwi zwiphiri. Huno ni lingedza u Zwi isa phanda ha idzo dzidinomineisheni. Zwo fhambana na zwine vha... Mukomana, vha valea sa tsinga, fhedzi vho dzulela u ralo. Fhedzi ndi khalańwaha!

³⁰⁶ Ndi vhangana vhane vha divha uri itshi ndi tshikhathi tsha vhusumbe? Irani, “Amen.” [Tshiyhidzo tshi ri, “Amen!”—Mudz.] Tshikhathi tsha Laodekia, u dudela he Mudzimu a hu pfela nn̄da u bva kha mulomo Wawe. Huno vho pfela Mudzimu u bva kha mulomo wavho; a hu tshe na tshiňwe tshikhathi kha Bivhili he Yesu a wanala nga nn̄da a tshi khou lingedza u khokhonya, u humela murahu. Vho Mu bvisela nn̄da, a hu na vhushumisani. Yesu ndi nnyi? Ipfi! Ipfi lo bviselwa nn̄da. Gwati lo posela kule ha vhele! O ri, “Ndo ima muñangoni nahone ndi a khokhonya, huno muthu muñwe na muñwe kha idzo mishasha nn̄da afho a no do pfa Ipfi Łanga.” O Mudzimu, ivha na khathutshelo!

³⁰⁷ Zwo vha zwo ralo, musi hoyo muthu o lovha, huno Davita na ndodzo a vhona zwe a ita zwo khakheaho. O Mudzimu, inwi mufunzi, naa a ni vhoni maitele anu o faho na dzidinomineisheni dzine na khou farelala khadzo? Naa a ni vhone zwine ya khou ita? I khou vhulaya Uzia. O fa tshimuyani, nahone ni vhilaela uri ndi ngani hu si na mvuseledo; ni tshi tendela vhasadzi vha vhoiwi vha tshi ḥunya maavhudzi avho, vha pennda tshifhačuo tshavho, vha ambara zwipfufhi; na rumela vhatukana vha vhoiwi kha zwikolo zwa riki, na zwiňwe zwinzhi zwi nga ho izwo, hune hafu yavho vha vhuya hayani vha vhafunani vha mbeu nthihi, na zwiňwe zwothe.

³⁰⁸ Dzhielani nzhele kha tshipikwa tsha Davita: o vha a tshi khou disa mbulungelo nduni yawe *ene-muňe*. Hafho ho vha hu si musanda, hafho ho vha hu si hone fhethu, i dzula Yerusalem. Fhedzi Davita o vha a tshi khou i disa nduni yawe ene muňe, o vha a tshi khou ḥoda mvuseledo i tshi vha ya dinomineisheni yawe ene mune. “Oo, arali ni wa Khuvhangano, zwothe zwo luga. Arali ni wa Vhuthihi, zwothe zwo luga. Arali ni wa Pentekostał, zwo luga.”

³⁰⁹ Vhunga muňwe muthu o amba, a ri, "Mukomana Branham, u vha hani na muňwe muthu a no u thetshelesa?" A ri, "Ndi a kona u vhona Billy Graham, u na dinomineisheni iňwe na iňwe shangoni nae. Ndi a kona u vhona Oral Roberts, Pentekostala iňwe na iňwe i nembelela khae. Fhedzi," a ri, "u lwa na zwithu zwothé." Uh-huh. A ri, "U zwi kona hani shangoni u wana muňwe muthu?"

³¹⁰ Nda ri, "Ndi Mudzimu!"

³¹¹ "Nne Murena ndo zwi ḥavha u bva tshe shango ḥa sikiwa. Ndi do zwi sheledza masiari na vhusiku muňwe wavho a sa athu u ḫa a zwi tupula kha tshanda Tshanga," Yesaya. "Ndi do sheledza, Ndo zwi ḥavha. Ndo vheya madzina avho kha Bugu u bva tshe shango ḥa sikiwa, nga u ta. Ndi do zwi sheledza, itanu isa phanda na u tshimbila. Ndi do bveledza madi, zwino Zwifafadzeleni." Ndi zwone. Ni a vhona? "Ndi do zwi sheledza masiari na vhusiku muňwe wavho a sa athu u ḫa a zwi tupula kha tshanda Tshanga." Hezwo afho.

³¹² O i ḥoda i tshi ḫa dorobo ya Davita, madzuloni a Yerusalem. Ho vha hu si na fhethu ho i lugelaho nga hetsho tshifhinga, huno zwo ralo na ḥamusi. Hezwi zwiphiri zwihiulu zwo dzumbululwaho nga Mapfundo A Sumbe, a hu na fhethu kha dinomineisheni...ni do tea u litsha u vha kha dinomineisheni uri ni Zwi wane. Ndila yothe u bva kha Luther u tsa u ḫa kha Vhuthihi ha Pentekostala, a hu na fhethu hune ha nga I ḥanganedza. Na muthu a nga si I ḥanganedze huno a dzula kha dinomineisheni yawe. U do tea u tevhela vhele kana a ḥuwa na gwati, iňwe na iňwe ine a khou ḥoda u ralo.

³¹³ Kristo ndi Mbulungelo yashu, Ipfi. Vha khou ḥoda dinomineisheni yavho. A nga si ralo, dzhielani nzhele, a nga si hwaliwe nga gariki ntswa dza dinomineisheni, Mulaedza Wawe u nga si tshimbile nga gariki ya dinomineisheni ntswa musi U tshi khou tea u hwaliwa nahone wa ḫa kha mbilu ya muporofita. Zwi nga si ralo. O zwi fulufhedzisa, Zwi do ralo, nahone heyo ndi ndila ine Zwa tea u vha ngayo.

³¹⁴ Ngauralo dinomineisheni a i nga vhuyi ya Zwi ḥanganedza, nahone a vha koni u Zwi ḥanganedza. Huno vho pofudzwa Khazwo sa zwe Vhayuda vha vhe zwone musi vha tshi nembeleza Yesu kha tshifhambano, musi Yesu a tshi ri, "Khotsi, vha hangwele, a vha vhuyi vha divha zwine vha khou ita." Ni so ngo vha nyadza, fhedzi itanu elekanya: uri mini-ha arali no vha ni kha nyimele nthihi na mačo anu o pofudzwa lune ni nga si phaphame na vhona zwi no khou itea?

³¹⁵ Navho-vho vha vha sa zwi vhone uri Houla ho vha hu Mudzimu muthihi. Musi o nembelela henefhō kha tshifhambano, huno vhone vha tshi khou imba Dzipsalme ya vhu 22 themmbeleni, mielo ya mađana mavhili nga vhukule, "Mudzimu Wanga, Mudzimu Wanga, ndi nga mini Iwe wo

N̄utshela? Vho runga milenzhe Yanga na zwanda Zwanga.” Ni a vhona? “Marambo Anga othe, vho Nzwondoloła. Ndi nga mini Iwe wo N̄utshela?” Huno heneffo, Mudzimu muthihi vhe vha imba nga hae, vho pofula lwo edanaho hune vha Mu n̄ambatedza na tshifhambanu, huno vha si zwi dihva.

³¹⁶ Zwino, naa Bivhili a i ambi uri tshivhidzo tsha Laodekia, tshire tsha elekanya uri tsho hula zwavhukuma nga nthani ha mirado yatsho ya dinomineisheni, tshi do vha “fhedzi, u shonisa, u tungufhadza, u pofula, nahone tshi sa zwi dihvi”? U vha bofu zwi amba mini? U vha bofu zwi amba kha hetshi tshivhidzo tsha Laodekia sa zwe zwa itea magumoni a tshivhidzo tsha Vhayuda, ndi mabofu kha Kristo muthihi ane vha vha nae nga nda, a tshi khou khokhonya, a tshi khou lingedza u dzhena ngomu; “vha fhedzi, vha a shonisa, vha a tungufhadza, vho dzhielwa, ndi mabofu, nahone a vha zwi dihvi.” O Mudzimu, ivha na khathutshelo!

³¹⁷ Ndi nga mini vhele li sa edeli Vhuhoneni ha Murwa afho, huno la vhona awara ine ra khou tshila khayo? Ee, Kristo ndi Mbulungelo yashu, fhedzi ndila Yawe ya vhukuma ya u zwi ita. Zwenezwo khoyu Ene afha... Vha na Muya Wawe zwa vhudi, ri a dihva izwo. Vho lindela kha Murena, vha vhona ndivho Yawé kha Ipfi Lawe la vhukuma nga khalañwaha Yalo uri li khwañhisidzwe, hezwo ndi zwine ro vha ro tea u vha ri tshi khou zwi ita zwino. Huno Ene—Ene u dzumbulula lutendo lwavho nga Ipfi Lawe, u Mu vhona a tshi khwañhisidza ndivho iñwe na iñwe ye A fulufhedzisa, hu si maitele a muthu a dinomineisheni, hu si u vhumba mirado u itela maimo ashu.

³¹⁸ Vha na mbulungelo ya Methodisi, mbulungelo ya Baphuthisi, mbulungelo ya Phuresibatherieni, muñwe na muñwe u khou shavhela kha heyi mbulungelo u itela mat̄upho mahulu a daho; “Vhugala kha Mudzimu! Ndo lovchedzwa kha mbulungelo ya Methodisi, Phuresibatherieni, mbulungelo ya Pentekostala.” Hu na Mbulungelo nthihi fhedzi, heyo ndi Yesu Kristo, nahone ndi Ene Ipfi!

³¹⁹ Dzhielani nzhele, Mudzimu o vhudza muporofita, a ri, “Ila luñwalo,” kha Testamente ya Kale. Muporofita wa Testamente Ntswa, O ri, “Ila bugu thukhu.” Ndi ngani? Muporofita na Ipfi vha do vha tshithihi! Ni a vhona? Heyo ndi Mbulungelo, Ipfi la Mudzimu.

³²⁰ Mudzimu o fulufhedzisa, Ipfi Lawe, uri Li do vuledzea hani na uri Li do itea hani musi. A tshi nanga Muselwa Wawe, na uri zwi do itiwa hani. Zwi khou itea phanđa hanu, nga Dzina la Murena, huno hezwo ndi nga Ipfi la vhukuma! Mulaedza wa tshifhinga tsha madekwana u fhano.

³²¹ Ndi vhangana vha no elelwa Haywood musi a tshi nwala:

Hu do vha na Tshedza nga tshifhinga tsha madekwana,
Nđila ya u ya Vhugalani ni do i wana.

³²² Ee, pfulufhedziso ya madekwana ya Mapfundo A Sumbe, a Nzumbululo 10, Maliaxe 4, Luka 30 na 10. Vhalani Doiteronomio 4, 4:1 na 4, na ndimana ya 25 na 26, huno ni vhone zwine A amba nga hazwo maluguna na duvha la u fhedza. Hezwi ho vha hu maambwa nga Mushe kha Isiraele a u “tevhedza Ipfi linwe na linwe, ni songo engedza tshithu na tshithihi!” Mushe, hoyo muporofita o vha a n̄ha ngei nahone a vhone Ipfi la Mudzimu. Huno a nwalelwā Zwone nahone zwa khwathisedzwa nga tshanda tsha Mudzimu Ene muñe a tshi khou Zwi nwala. O ri, “Ni tevhedze Ipfi linwe na linwe, ni so ngo engedza tshithu na tshithihi Khazwo kana u ūsa tshinwe tshithu Khazwo.” Ni nga vhalā hezwo kha ndimana ya 25 na 26 ya Doiteronomio 4.

³²³ Dzhielani nzhele! Ni so ngo engedza Khazwo, ni so ngo ūsa Khazwo; ngauri arali na ralo, Mudzimu u do bvisa tshipida tshanu kha Bugu ya Vhutshilo. Huno zwi sumbedza uri no vha ni si mbeu Yawe.

³²⁴ Elelwani! Zwothe zwe Mudzimu a ri fulufhedzisa, zwothe zwe Mudzimu a amba na riñe, zwothe zwe na vhudzwa nga Dzina la Murena, zwo itea! Mudzimu ha athu vhuya a ita pfulufhedziso i si ya vhukuma, fhedzi O tevhedza pfulufhedziso inwe na inwe ye A i amba, zwe a ri vhudza, zwo vha Ngoho. Lwa heyi miñwaha ya fumbili, Shreveport, ndo rera kha inwi nga kha maanda a Mudzimu, na vhulenda ha mufunzi wañu, nahone ndi ni isa kha rekhodo ñamusi. Na kha vhasadzi vha sa tsha bebaha; vhanna, vhana, mañhupho, phodzo, tshiporofito, zwithu zwine zwa do itea, a hu na na tshithihi tshazwo tsho no kundelwaho! Zwino, ūtshelani kule na dzidinomineisheni, dzi khou ni isa lufuni.

³²⁵ Samuele o ima linwe duvha, huno vha ri, “Ri khou ḥoda khosi, ri khou ḥoda unga shango nga vhuphara.”

³²⁶ Vha . . . Samuele a ri, “Ni so ngo dzhia iyo khosi. U do dzhia vharwa vhañu, na vhananyana, nahone u do ita *hezwi* na u ita *hezwo*.”

³²⁷ A ri, “Ee, ri a divha uri u khou amba zwone.”

³²⁸ Fhedzi Samuele a ri, “Nthetsheleseni. Naa ndo no vhuya nda dzhia inwe ya tshelede yanu? Naa ndo tshila nga u ni humbelā? Naa ndo no vhuya nda ni vhudza uri ni khou tea u nn̄ea muholo wo imaho nga u rali uri ndi fare mutangano u itela inwi?” Zwino dihañleni, na zwino! Ni a vhone? A ri, “Naa ndo no vhuya nda ni vhudza tshiriwe tshithu nga Dzina la Murena fhedzi tshe tsha vuledzea?” Na tshithihi.

³²⁹ “Oo, ee, Samuele, a u athu humbelā tshelede, a u athu u ḥoda zwithu zwihulu. Samuele, izwo ndi ngoho, nahone zwothe zwe wa ri vhudza nga Dzina la Murena zwi a vuledzea. Fhedzi, Samuele, ri khou ḥoda dinomineisheni yashu naho zwo ḥiralo!”

³³⁰ "Zwenezwo tshimbilani ni i dzhie. Zwi kha inwi." Izwo ndi zwone.

³³¹ Ni nga elekanya uri ni khou itela Mudzimu tshumelo, huno arali ni tshi khou bva nn̄da ha ndila ya Mudzimu ya u zwi ita, ni khou ya u isa phanda na u kundelwa, u ya na u ya. O Tshivhidzo tsha Mudzimu a tshilaho! Ndi a humbela hangwelani ndila yanga ya Tshiirish na u swaswa hanga, fhedzi kha vhungoho na vhukhethwa ha mbilu yanga, vhoiwi vha Dzikhuvhangano dza Mudzimu, vhoiwi vha Vhuthihi, Phuresibatherieni, Methodisi, tshini na tshini tshine na vha tshone, shavhani u itela vhutshilo hanu. Elelwani, i bvani henefho.

Dzitshaka dzi khou kwashekana, Isiraele u
khou phaphama, (u khou lugela masalela)
Zwiga zwe vhaporofita vha dzula vho ri
vhudza;
Mađuva a dinomineisheni o vhalwa, nga
zwithivhele zwi ofhisaho,
Humani, O phađalalani, ni ye hanu.
Duvha la thengululo li tsini,
Mbilu dza vhathu dzi khou kundelwa nga
nyofho,
Dadzwani nga Muya Wawe,
Litshani mbone dzañu dzi lugiswe nahone dzi
vhonetshele,
Lavhelesani nt̄ha, thengululo yanu i tsini.

³³² Naa ni a tenda izwo? Ri kha tshifhinga tsha vhufhelo, ri fhano. Muñwalo u kha luvhondo, u Vhuya ha Vhuvhili hu tshandani, Muselwa o nangiwa, o sheledzwa, o kokodzelwa nn̄da.

³³³ Zwino, hezwo a zwi ambi u kokodzelwa nn̄da ha tshivhidzo, hezwo zwi amba u kokodzelwa nn̄da ha maitele a dinomineisheni. Ni tea u ya tshivhidzoni, fhedzi ni so ngo murađo na tshiimiswa na tshithihi. Yesu o tshimbila na zwiimiswa zweþhe, fhedzi ho ngo vhuya a vha murađo na tshithihi tshazwo. Na u dzhia sia Ho ngo dzhia na tshithihi tshazwo, hai zwavhukuma, fhedzi O vha a vhukati havho. Hafho ndi hone hune Tshedza tsha tea u phađaladzwa. Huno ni dzule henefho hune na vha hone, ni tshi phađaladza Tshedza. Ni a vhona? Hezwo ndi zwine Mudzimu a khou ni shumisela zwone. Mbilu dza vhathu vha na ndala, vha tendeleni vha ñivhe uri Yesu Kristo ndi wa vhukuma, u a fana sa zwe A vha a zwone mulovha, U zwone ñamusi; nahone u do ralo u ya lini na lini.

³³⁴ Arali zwi tshi konadzea, munna kana musadzi a na vhungoho hoþhe, vha no khou lingedza zweþhe zwine vha kona uri vha itela Mudzimu tshumelo, huno vha zwi ñanganyisa nga ndila i si yone. Vha na ndodzo ya vhukuma ya Muya Mukhethwa khavho, fhedzi vha ñanganyisa zwe fhambanaho na muhumbulo wa Mudzimu

wa tshikhathi, nahone zwa vilinganya zwithu zweṭhe. Zwino, arali ni tshi tenda uri iyo ndi Ngoho, irani, "Amen." [Tshivhidzo tshi ri, "Amen!"—Mudz.] Ro tou Zwi vhala. Zwi vilinganya zwithu zweṭhe u sa ḍa nga ndila yo ḥetshedzwaho nga Mudzimu ya u zwi ita.

Kha ri rabele.

³³⁵ O tshivhidzo, fhano na u mona na lushaka, thetshelesani kha mulanda wanu o nyadzeaho ano matshelo. Naa ni do ralo? Lavhelesani hafha he na vha ni hone miñwaha miñku yo fhiraho musi ni tshi thoma; zwino lavhelesani uri ndi u edzisala-de hune hu a zwi vhusa, nahone dzimilioni khulu na dzibilioni dza dołara dzo dzhena kha zwiimiswa. Ni a vhona? Zwo ḥutshela kule na Ipfi la Mudzimu. U fhaṭa na u ita zwiimiswa a si ndila ine Mudzimu a ritha Muya Wawe. U U ritha kha Ipfi ḥawé, u Li ita uri li vhe li tshilaho. Huno arali no vha no tiwa u bva u rangani ha liphasi kha ilo Ipfi, Ipfi linwe na linwe li do da n̄tha ha Ipfi. Sa sele dza muthu a dzi vhi na sele nthihi ya muthu, huno yo no tevhela ya vha sele ya mmbwa, huno sele yo no tevhela ha vha ya tshimange; dzi do vha dzisele dza muthu. Fhedzi hu tea u vha sele u ranga ya u thoma ngayo. Izwo ndi zwone? Irani, "Amen." [Tshivhidzo tshi ri, "Amen!"—Mudz.] Zwo luga, arali hu sele ya Ipfi ya u thoma ngayo, dzinwe dzisele dza Ipfi dzo telwa u ita muvhili wo fhelelaho.

³³⁶ Ni so ngo vha vhana, kha lufuno fhedzi, fhedzi ivhani vhanna kha Muya na kha khatulo. Hatulanu uri ndo ni vhudza Ngoho kana hai. Haṭulanu uri Ndi Ipfi la Mudzimu kana hai. Haṭulanu uri ndi awara ine ra khou amba ngayo kana hai. Haṭulanu ni vhona arali izwi zwithu zwo fulufhedziswa. Zwino, naa zwo khwaṭhisidzwa? Nga zwithu zwine a hu na muthu shangoni ane a nga zwi ita. Fhedzi Zwo no doweleya kha riñe u swika hune ra khou Zwi litsha zwa ri pfuka. Lindelani, tshivhidzo, lindelani.

³³⁷ Arali hu na muñwe hafha ano matsheloni a sa divhi Yesu Kristo, a sa imi sa o lugaho ano matsheloni, zwivhi zwanu zweṭhe zwo ṭuwa vhunga a no ngo vhuya na tshinya, nahone ni khou ṭoda u vha nga heyo ndila . . . ngauri elelwani, linwe duvha, khañwe ḥamusi, khañwe miniti miñanu i tevhelaho, fhedzi linwe duvha heyo mbilu i khou ya u ima. Huno ngomu ha ngomu hu khou ya u ṭuwa u ya u ima Vhuhoneni ha Mudzimu uri hu haṭulwe u ya nga zwe na ita nga hoyu Mulaedza ano matsheloni, u ya nga hoyu Mulaedza une na vhona. Hu si . . . A si nñe, ndi tou vha tshipida tsha mulomo. Vhunga khudzaipfi, i nga si ambe tshithu nga nn̄da ha musi ndi khou amba khayo. Huno na nñe ndi nga si ambe tshithu nga nn̄da ha musi Mudzimu a tshi khou amba nga khawo, fhedzi ni a vhona Mudzimu o zwi khwaṭhisidza u vha Ngoho. Ni khou ṭoda u vha Mukriste wa vhukuma.

³³⁸ Zwino, a ri na fhethu ha mbidzo ya aleṭarenī, fhedzi heneffo kha ḥafule ye na dzula khayo. Fhethu afha ho hwala na u ḫala, ho

dalesa. Ndi nga si ni vhidzele kha aleṭare, a hu na aleṭare hafha ya u ni vhidzela khayo. Fhedzi aleṭare i mbiluni yanu. Naa a ni nga tendeli uho u kwameyanyana ha uri “Yesu Kristo u hone” hu sendele tsini ḥamusi nahone hu vhidzele muvhili Wawe woṭe kha inwi, Mu tendeleni a dzhene tshitumbani kha mbilu yanu? Arali A si ho afho, naa ni do imisa tshanda tshanu, sa tshiga Khae, ni tshi ri, “Murena, nnadadze, nnadadze nga Ipfi Lau na nga Vhuhone Hau, uri ndi tshile nga Iwe”?

³³⁹ Musi ṭoho inwe na inwe yo kotamiswa, liṭo liñwe na liñwe lo bonywa, hoṭhe u mona na lushaka, imisani zwanda zwanu hafha kha vhathetshelesi vha vhonalaho na nn̄a ngei-vho; nahone ndi do ni kumedzela thabelo. Ndi zwezwu fhedzi zwine ndi nga ita, a thi koni u i dadza. Mudzimu a ni fhaṭutshedze. Ndi nga si i dadze. Mudzimu a ni fhaṭutshedze; na inwi. Mudzimu a nga i dadza. Mudzimu a ni fhaṭutshedze. Zwanda zwi khou takuwa hafha kha vhathetshelesi vha vhonalaho, hoṭhe hoṭhe. “Dzi dadze. Nn̄adadze, O Murena. Nn̄adadze.” Huno zwino, murahu ha musi ndi... Ndi khou livhuwa, khaladzi. Ndi khou livhuwa, murathu. Mudzimu a ni fhaṭutshedze. Murahu ha musi ndi... Mudzimu a ni fhaṭutshedze, khaladzi a funeaho. Inwi. Murahu...ndi elekanya uri ndo wana vhanzhi vha vhungoho, vha lingedzaho u ralo, ndi khou ḥoda u imisa zwanda zwanga na inwi.

³⁴⁰ O Murena, u so ngo ntendela nda swika kha u sokou ima. U dzulela u ya phanda, Murena, u so ngo ntendela nda ima kha tshithu tshithihi, ntendelei ndi sokou isa phanda, Murena, u swika ndi tshi fhedza zweṭhe zwe Wa ntela zwone uri ndi ite. Hu si na ndavha ya mutengo, hu si na ndavha na zwine zwa dzhia, hu si na ndavha kha u sasaladzwa, tshifhambano tshi lemela hani, ndi do elelwa tshifhambano tshe Wa hwala.

Ngauralo hetshi tshifhambano tsho
 kumedzwaho ndi do tshi hwala
U swika lufu lu tshi do mmbofholola;
Zwenezwo nda ya hayani, u ambara khare,
Hu na khare yanga.

Naa Yesu u tea u hwala tshifhambano a eṭhe,
Huno shango loṭhe la tshimbila lo vhofholowa?
Hai, hu na tshifhambano tsha muñwe na
 muñwe wa vharwa Vhawé,
Hu na tshifhambano tshanga.

³⁴¹ Mudzimu a funeaho, Ipfi lo bva. Li nga si vhuye fhedzi, Li do wana fhethu Halo hunwe fhethu. Arali Mbeu yo dzula yo ḥavhiwa, Li do i sheledza u swika i tshi aluwa. Huno a hu na na muthihi ane a nga i tupula kha tshanda Tshau, “Vhoṭhe vhe Khotsi a Nnea vha do da kha Nñe, a hu na muthu ane a nga vha tupula kha tshanda Tshanga. Khotsi Anga o vha kumedza kha Nñe u bva tshe shango la swikiwa”; musi mihibulo yo

bviswa yothe, nga u ralo, Yesu a newa Tshivhidzo Tshawe, Muselwa Wawe.

³⁴² Mbingano ya khole-khole shangoni, kha hedzi dzidinomineisheni. Wo da wa lovha shangoni, Wo Mu rengulula, Wo Mu ita o lugaho, Ho ngo vhuya a ranga a zwi ita. O tou hakwa khazwo, a bofu. Huno vhunga luimbo lu tshi ri:

Ndo vhuya nda xela huno zwino ndo wanala,
Ndo vhuya nda vha Laodekia, ndi bofu, fhedzi zwino ndi a vhona.

Huno ndi tshilidzi tshe tsha funza mbilu yanga u ofha,
Ho vha nga tshilidzi nyofho dzanga dzo bviswa;
Zwavhuđi hani itsho tshilidzi tsho vhonala
Awara ye nda thoma u tenda.

Huno mađi a Mudzimu a wela kha maya wanga. Ndo vha ndi tshi khou oma.

³⁴³ Mudzimu, kha heyi alełare ḥukhu ya mbilu iñwe na iñwe i re hone fhano na u mona na lushman, ngavhe mađi a bvaho phasi ha alełare ya Mudzimu a tshi shuluwa ano matsheloni kha Tshivhidzo Tshaw; huno a Tshi sheledze, Murena, ngauri khalañwaha i tsini na u fhela. Tshi Nee Vhutshilo, Mađi a Vhutshilo, uri Tshi kone u dzula Vhuhoneni ha Murwa uri tshi vibvele u itela u kaña Hau huhulu.

³⁴⁴ Khotsi, ndi a Vha rabelela. Fhedzi tsinde li tea u oma, ngauri ndi nga si li rabelele; li tea u fa, ngauralo lo fa. Fhedzi ndi rabelela Goroi, Murena, o limiwaho kha Muvhili wa Kristo. Zwi tendele, Murena, uri mađi a vhudi a Mudzimu a dzulele u ita uri mashama Atsho a dzule a tshi ṭamba nga miłodzi ya dakalo na u pñesesa u swika zwe tanganaho zwi tshi da zwa Tshi dzhiya tsha ya hayani. Nga Dzina la Yesu, ndi zwi nekedzela zwe the kha Iwe, Murena; mvelelo ndi Dzau. Amen.

³⁴⁵ [Khaladzi ngomu kha tshivhidzo u nea mulaedza—Mudz.] Amen.

³⁴⁶ Ngauralo Khotsi, Mudzimu, ri a U livhuwa. Huno, Khotsi, ri rabelela khaladzi ashu mułuku, mushumi hafha, u itela nungo. Ndi khou elekanya nga tshifhinga tshine musi ndi—ndi tshi dzhena vhuhoneni hawé, uri Muya wo da hani khae huno wa nea mulaedza u fanaho we Murunwa wa Murena a nea ngei Mulamboni liya duvha: “Vhunga Yohane Mulovhedzi o vha o ruñwa u rangela u vhuya ha Murena Yesu ha u thoma, wo ruñwa u rangela ha vhuvhili.”

³⁴⁷ Ndi tshi zwi vhona zwino zwi tshi khou vhumbeya u ya kha tshipida tsha goroi, Mudzimu, ri a Vha livhuwa kha zwe the zwe Vha ita. Mbilu dzashu dzo dadzwa lu sa ambei. Ndi pfa ndo dala, Murena, ndi tou vha ndi sa qivhi uri ndi nga amba mini hafhu.

Fhedzi ndi a Vha livhuwa Khotsi, hafhu, kha zwo^{the} zwe Vha ri itela. Nga kha Dzina la Yesu Kristo.

Ndi a Mu funa, . . .

Kha ri tou Mu imbelu, zwino. Elelwani, U fhano.

Ngauri O ranga u mpfuna,
Huno a badela u tshidzwa hanga
Kha muri wa Khalivari.

³⁴⁸ Naa zwi a ni ita uri ni dipfe ni mu^łuku vhukuma, mu^łuku vhukuma? Zwo^{the} zwo bviselwa nn^{da}, no sokou lugela Muya, ni a vhona.

Farelelani kha tshanda tsha Mudzimu tshi sa shanduki!

Farelelani kha tshanda tsha Mudzimu tshi sa shanduki!

Fha^łani fulufhelo ^łanu kha zwithu zwa Lini na lini,

Farelelani kha tshanda tsha Mudzimu tshi sa shanduki!

Ni so ngo emula lupfumo lwa ^łino shango lwa lifhedzi,

Lune lwa ^łavhanya u sina,

Fha^łani fulufhelo ^łanu kha zwithu zwa Lini na lini, (a hu na dinomineisheni, zwino)

Farelelani kha tshanda tsha Mudzimu tshi sa shanduki!

Farelelani kha tshanda tsha Mudzimu tshi sa shanduki!

Farelelani kha tshanda tsha Mudzimu tshi sa shanduki!

Fhatani fulufhelo ^łanu kha zwithu zwa Lini na lini,

Farelelani kha tshanda tsha Mudzimu tshi sa shanduki!

³⁴⁹ Ndi vhangana vho no khou lingedza u ita izwo? Imisani tshanda tsha^łanu. Zwino swikelelani ^łafulani, ni khadane nga tsha^łanu, sa hezwi, ro^{the}. Ni nga dzula zwa^łanu, izwo zwo^{the} zwo luga, kana tshini na tshini tshire na khou tea u ita. Thetshelesesani. Kha ri lu imbe ro^{the} zwino. Hezwi zwi fanyisa tshaini yashu i sa kwashei ya lufuno lwa Mudzimu. Ro farana zwanda zwashu ngauri ri tenda kha Mudzimu. Ri a kwamana ngauri ri vharathu na dzikhaladzi, Muya u muthihi u dzinginyeyaho, Ipfi la Lini na lini la Mudzimu lo dzulaho mbiluni dzashu li tshi vhonadzwa.

Musi lwendo lwashu lwo fhela,
 Arali kha Mudzimu ro vha vha ngoho,
 Haya hashu ndi havhudzi nahone hu a penya
 ngei Vhugalani,
 Muya washu dakalo u do vhona!

Farelelani kha tshanda tsha Mudzimu tshi sa
 shanduki!

Farelelani kha tshanda tsha Mudzimu tshi sa
 shanduki!

Fhañani fulufhelo lanu kha zwithu zwa Lini na
 lini,

Farelelani kha tshanda tsha Mudzimu tshi sa
 shanduki! (Muya wa Murena!)

Farelelani kha Mudzimu . . .

Isani muhumbulo wanu Khae, ni a vhona. Heyi ndi tshaka
 dza miñangano ine ra tea u i dzudzanya tshifhinga tshi daho.

. . . tshanda tshi sa shanduki!

Fhañani fulufhelo lanu kha zwithu zwa
 Lin- . . .

Ipfi ndi tshone tshithu tshi tshoñthe tsha Lini na lini.

Farelelani kha tshanda tsha Mudzimu tshi sa
 shanduki!

Ni so ngo emula u divhiwa nga shango zwa
 lifhedzi, pfunzo,

Hezwo zwi a ñavhanya u sina, (Lavhelesani
 namusi, zwo iteaho.)

Lwelani u wana lupfumo lwa Tađulu,
 A lu nga vhuyi lwa lovha!

Farelelani kha tshanda tsha Mudzimu tshi sa
 shanduki!

Farelelani kha tshanda tsha Mudzimu tshi sa
 shanduki!

Fhañani fulufhelo lanu kha zwithu zwa Lini na
 lini,

Farelelani kha tshanda tsha Mudzimu tshi sa
 shanduki!

³⁵⁰ [Khaladzi u amba nga dziñwe ndimi. Mukomana Branhamma thoma u nuñuna *Farelelani Kha Tshanda Tsha Mudzimu Tshi Sa Shanduki*. Muñwe khaladzi u ñea ñhalutshadzo—Mudz.]

³⁵¹ Ri U livhuwa hani, Murena. Musi ri tshi dzula kha tshino tshikhala tsha vhudziki, zwi ngaho mbulungoni, ngauri ro livhana na u switwa ha u fa, shango lo faho; li khou lovha, tshivhidzo tsho faho.

O Mudzimu, kuvhanganya mavhele Au nga u ñavhanya, Khotsi. Vhuya nga u ñavhanya, Murena Yesu.

³⁵² Fhatutshedza vhathu Vhau, Khotsi, disa vhungoho na u dzivhafhala mbiluni dza vhathu. Ngavhe ri tshi bva kha kha iyi mitshino ya bulo lo pwasheyaho, ro dzula fhasi kha mutoli wo dzivhafhalaho wa Mudzimu. Zwi tendele, Murena. Vhulunga mbilu dzashu dici dzule dadzwa nga lufunoo na vhungoho.

³⁵³ Fhaṭutshedza vhathu Vhau hoṭhe hoṭhe, Khotsi. Musi ri tshi ṭutshela afha fhethu ngavhe ri tshi ṭuwa nga Dzina la Murena Yesu uri ri ambe hezwi zwi re vhungoho, izwo zwi re Ngoho, izwo zwi re zwone, ngavhe ri tshi litsha izwo zwo khakheaho, Murena. Musi muthu a tshi thoma uri zwifhela, ngavhe ri tshi ṭavhanya u mu ṭutshela, u ṭutshela tshika dzoṭhe, miswaswo yo tshikafhalaho ya shango, nahone ri rembuluse miṭana yashu huno ri ṭuwe. Ri thuse, Mudzimu a funeaho. Ri vhumbe, ri ite, ri kwashe, nahone ri ite kha tshifanyiso tsha vharwa na vhananyana vha Mudzimu uri ri tshile na nungo dza Muya Mukhethwa. Ri a dikumedza kha Iwe, ro vheyana na zwanda zwashu, nga Dzina la Yesu Kristo. Amen.

Kha ri ime. Mukomana Nolan.



*U LINGEDZA U ITELA MUDZIMU TSHUMELO
ZWI SI LUFUNO LWA MUDZIMU TSV65-1127B*
(Trying To Do God A Service Without It Being God's Will)

Hoyu Mulaedza nga Mukomana William Marrion Branham, u rangani wo newa nga Tshiisimane nga matsheloni a Mugivhela, Lara 27, 1965, u itela Vhučama ha Vhanna vha Vhubindudzi vha Mafhungo-madifha O Fhelelaho Vhadzitshaka Washington Youree Hotel ngei Shreveport, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org